

DE  
SVBSTANTIIS SEPARATIS  
OPVSCVLVM SECVNDVM  
DE NATVRA.

# ANGELORVM

Et occultis eorum operationibus.

A V T H O R E  
IO: LAVRENTIO ANANIA

Tabernate

T H E O L O G O

A D

INNOCENTIVM X.

PONT. OPT. MAX.



R O M Æ.

---

Typis Iacobi Dragoncelli. M. DC. LIV.

SVPERIORVM PERMISSV.



STANLEY STEARNS

THE NEW YORK

AMERICAN ANTIQUARIAN

Published

Quarterly

IN THE CITY OF NEW YORK

BY THE EDITOR



NEW YORK

THE NEW YORK ANTIQUARIAN SOCIETY  
PUBLISHED BY THE SOCIETY

**I** V S S V Reuerendissimi Patris Frat.  
 Hyacinthi Libelli S. A. P. Magistri per  
 legi Librum de Angelis Auctore Ioanne  
 Laurentio Anania Theologo ; & quia  
 nil in eo reperi orthodoxa fidei ; vel bonis  
 moribus aduersum , ideo dignum typis  
 reor. Datum Romæ die VIII. Decembris  
 M. CD. LXIV.

D. Augustinus de Angelis Cong. So-  
 maschæ Rector Coll. Clem.



[illegible]

*Imprimatur*: 1911 02 11

Si videbitur Reuerendissimo P. Magi-  
stro Sac. Pal. Apost. Augustino A. D.  
marchese Rector Coll. Clem.

*M. Episc. Arimini Vicesg.*

*Imprimatur.*

Fr. Hyacinthus Libellus Sac. Palatij  
Apost. Mag.





**L E C T O R I**  
**B E N E V O L O**

*Marcellus Anania Episcopus Nepesinus  
 & Sutrinus,*



NON multis Te alloquar, be-  
 nigne Lector, paucis te vo-  
 lo. Hic libellus, quem tu  
 habes præ manibus, posthu-  
 mus est; prodit enim in lu-  
 cem post fata parentis. Eum  
 conscripsit Ioannes Lauren-  
 tius Anania patruus meus, qui bonas horas dum  
 vixit, haud perperam contriuit; sed in rem lite-  
 rariam augendam eas insumpsit. Edidit volumen  
 geographicum, quo Orbem Terrarum descripsit  
 tam graphicè, vt communi omnium calculo ni-  
 hil

hîl potuerit fieri exactius; atque dilucidius. Elucubrauit præcedens Opusculum, iterum à me typis mandatum, de natura Dæmonum, in quo locupletissimam rerum omnium gazam profudit; ipse enim præter Philosophicas, & Theologicas scientias, quas apprimè callebat, & præter linguarum notitiam, præsertimque hebraicam, cuius ductu mysteria, & arcana Cabalistarum probe penetrauit, amplissima historiarum, cum naturalium, tum humanarum eruditione pollebat. Hinc liber ille veluti quoddam gazophylacium præciosa quæque in se recondita complectitur. Et quamuis Dæmonum substantiæ sint spirituales, & omnem nostrum sensum effugiant, aded tamen perspicuè earum naturam, & proprietates discutit, & rimatur, vt sub oculis eas ponere videatur, neque potuerunt earum tenebræ, quibus ob suam malitiam sunt obuolutæ, præpedire, quominus eas introspiceret penitissimè, & ex illarum obscuritate sibi maximam gloriæ lucem compararet. Aggressus est postea hoc opusculum, quod Tibi in præsentia exhibetur, de natura Angelorum fortasse ob religionem, quæ ipsi incesserat, ne sibi crimini daretur, quod calamo pepercisset in expendenda Angelorum nobilitate, quo vsus fuerat in exprimenda Dæmonum

7  
num malitia ; præterquam quod cognatæ sibi  
sunt Angelorum , atquæ Dæmonum tractatio-  
nes , nam ad naturam quod attinet adhuc con-  
ueniunt utræquæ substantiæ , cum peccati virus  
non infecerit in Dæmonibus naturalia ; sed tan-  
tum gratuita ; qua proptèr ut plena de his sub-  
stantijs cognitio haberetur , de utrisquæ instituen-  
da erat specialis elucubratio . Libellus autem hic  
non degenerat ab alijs præclarissimi huius aucto-  
ris foetibus , cum eadem styli puritas , & castiga-  
tio , eadem rerum copia & vbertas , eadem scien-  
tiarum profunditas , & perspicuitas in ipso quæ-  
admodum in cæteris eniteant , in hoc tantum-  
modo illis concedit , quod illi non exierunt in  
lucem nisi expoliti , exculti , & suis , ut ita dicam ,  
calamistris cyrrisque exornati & compti , si qui-  
dem à proprio parente fuerunt liberaliter eman-  
cipati , & in vulgus dimissi ; hic vero , cum ob-  
suum malum fatum antequam è cubabulis abire ,  
& palam cum suis germanis incedere posset , ex-  
tincto Genitore Orphanus remansisset , nequiu-  
it puritatem illam , atquæ concinnitatem adipisci ,  
quas affatim reliqui consecuti fuerant . Accessit  
aliud infortunium , ut non sui parentis , sed cu-  
iusdam amanuensis calamo fuerit descriptus , qui  
cum , ut conijci potest , non semper assecutus sit  
sensa

senſa auctoris non modicam labem illi aſperſit, quamvis ipſe curauerim, vt virorum doctorum induſtria expurgaretur, & ad ſuum natium nitorem reſtitueretur. Quamobrem, ſiquid tibi in illo occurrerit, quod minus probabitur, nè queſo, auctori vitio veritas, immò potius excuſas, quod non potuit, vt feciſſet, ſi fata tuliſſent, inſtar Verſæ ſuum partum climare, & affabrè formatum in propatulum emittere. Tuum igitur erit humaniſſime lector, vt æqui, bonique cum faciās, mihi què bene velis, quod Te hoc munuſculo à blattis, & à tenebris vindicato exornare curauerim. Vale.





# DE ANGELIS.

Et occultis eorum operationibus.

AUTHORE

IO: LAVRENTIO ANANIA

THEOLOGO

LIBER PRIMVS.



V. M. probauerim in libro, quem edidi de natura Dæmonum, Dæmones existere, quos Deus in rerum ordine creauit, & non quos hominum ingenium, & ars sibi effinxit, vt eorum terrore à malis patrandis cauerent, ac dixerim quid sint, & quando, & vbi producti fuerint, superuacaneum duxi, in hoc quem nunc edo de Angelis, idem agere, cum vtrique spiritus sint, nihil natura inter se, sed voluntate, & beatitudine differentes, in eo enim ostendi nullum mortalium genus esse, nec vllam religionem vnquam fuisse, quæ eos existere prorsus abnueret, etiam apud gentiles, quibus vera Dei pietas pro æternis rationibus haud respondet, & origine, & proprio crimine, nedum apud Hebreos, quibus diu æterna veritas ob cœlestem gratiam resplenduit; probauerim inquam eos existere saltem propter mundi perfectionem: vbi sine ipsis imperfectior videretur; ne dicam propter nostras necessitates, pro quibus cuncta facta sunt. Qui propterea non latue-

runt philosophos, ne dum Theologos verè Dei sapientes, quibus eos esse, cognitum est ex rerum serie, ac necessitate, & illis ex fide reuelatum, quæ nostra, vt in eodem libro retulimus, scientia perfectior, atquè eminentior est ob eius certitudinem, & quia infusi habitus ijs, quos nostro labore contraximus longè præstant, & excellunt; propterea quod hi nobis à Deo gratis, quasi naturæ instar exhibentur; sed illi proprio studio, & labore acquiruntur. At verò Angelos existere, ex Philosophis alij à vario Cælorum motu, & alij à specierum conseruatione tantummodo rimati sunt; Verum Theologi altius ex fide cognouerunt, & ex ijs alios Deo assistere, & alios nobis administrare, tandem nobiscum correognaturos à sacris litteris perceperunt, quos ideò cælos mouere Philosophus meditatus est, vt tanquàm Dei administri in hoc rerum opificio species per individua conseruando ei obsequantur. Quamuis in hac re apprime discrepent à Theologis, qui hoc factum referunt, quo prædestinatorum numerum expleant, quod licet propria voluntate optent, tamen id charitate magis discupiunt. De eorum autem substantia, quæ immortalitatem ex diuina gratia eos interius conseruante sortita est ( auferas enim spiritum rursus, & omnia in nihilum reducuntur ) iam scribere omittimus, sicuti & de ipsorum creatione, quæ cuncta creata præcessit non tempore, vt nonnulli Græci habent, Deus namque creauit omnia simul, vti ex Sapientia percipitur, sed ordine, & dignitate, ob intellectus aulem, quæ solummodo constant, naturam; sicuti etiam, & de alijs nonnullis rebus, cum in eodem libro de his satis differere visi sumus, quamuis de natura Dæmonum raprim, & per pauca propter eorum amplam naturæ maiestatem: Atque hoc haud iniuria factum existimauimus, quando quidem omnes sunt eiusdem substantiæ, quæ ab

*De Angelis, & occultis eor. oper. Lib. I. 3*

vno eodemque principio profecta, non nisi bona, & perfecta esse possunt: hoc autem principium tantum unum est, ita ut philosophi illud iure merito omnium rerum tum corporeæ tum spiritalis naturæ summum Opificem nuncupent, etenim Deus est simplex esse, ab omni non esse quam maximè elongatum, quod maximum, necessarium, & infinitum Ens, primum principium primamque causam, ac per se bonum iidem asserunt; Quos nimirum spiritus, sic inquam dictos ob eorum incorpoream naturam, nos una cum Græcis ex proprio ministerio Angelos appellamus, quoniam Dei iussu interius, & exterius exequentur, nec dissentiunt Hebræi, qui eos ob eandem causam Malachim appellant. Primum (ut tradunt Theologi) hi spiritus naturali tantum beatitudine præditi, tum ad supernaturalem felicitatem supra eorum naturæ captum euecti fuerunt, cum eam proprio, ut ferunt, Marte assequi nequirent, postquam scilicet præliati sunt cum dæmonibus, tametsi haud cuncti eam ex æquo ob imparem eorum naturam, atque inæqualem gratiam assequuti sunt, atque hanc supernaturalem beatitudinem nostri Theologi essentialem nuncupant; propter verò beneficia, quæ continuè usque ad nouissima tempora in nos conferunt, accidentariam assequuntur, in quo sanè prælio sic ad eum steterunt (ubi tamen stare si vellent desuper acceperunt) ut Dei sapientia illustrati in eis elucēte, quasi solis radijs diuersa obiecta ferientibus, benè percipiendo quid sibi experendum esset; quid uè euitandum, summam gloriam, cuius ante nescij erant, gratia, cum qua producti fuerunt, nati sunt; non enim conuenire videbatur, Deum esse simul, & condentem, & gloriam largientem, ut nonnulli non vulgares Theologi asserunt, ne quod ex gratia habitum sit, ex propria natura haberi videatur; Hanc gratiam gratificantem di-

cunt, qua vel post vnum eorum charitatis actum in terra, vt alibi retulimus, morula, summopere, & vndique quam felicissimi euaserunt, tam breuiter propter eorum excellentiorem naturam, & vehementiorem voluntatem, in qua gratia, potiti post pugnam victoria, confirmati confestim hilares, & exultabundi triumphando Cælum Empyreum gloriæ locum (non enim Deus gloriam retardat) omnes cum adorea ascenderunt, in quo eos neutiquam creatos diximus, atque pro nostra virili comprobare visi sumus in libro de natura dæmonum, quanquam non omnes cum æquali, vti varia fuerunt eorum merita eis ex gratia exhibita, & eorum naturæ correspondente. Quod Cælum quia vltimum existit omnium corporum, maximum est, namque capacissimum, vt vel minimam beatorum sedem maiorem tota Europa affirmare minimè dubitatum sit, totum splendidum est, totum stabile, locus diuinæ gratiæ, vbi beatorum sedes sunt, vnde tempus, sub quo omnia fluxa existunt, omnino abest, à quo omnis vigor, virtus, & influentia in alios Cælos, quos naturales appellant, prouenit. Omitto tanquam parum firmum, quod Cabalistæ de more suo cōminiscuntur decem Dei attributa, sic diuinæ emanationes nuncupant, per quas quasi per siphones omnia virtutem accipere narrant. Nec mirum esse debet Empyreum tam lucidum esse cum & ipsum solem à quo cuncta astra lucent præ eo parum splendere cuncti affirmant. Abi clarè percipitur summum bonum, quod aliud quam Deus non est, cui beati semper inhærent, cum tam immensa lætitia, & exultatione, vt aliud quam illud, in quo nihil deest, cum omnium sit causa, minimè cupiant, nec aliud quidquam nisi, vt eius obsequantur voluntati desiderant, sed nihil mirum, fiunt enim Deiformes ob participatam æternitatem, gloriæ lumine eos supra se ele-  
uan-

*De Angelis, & occultis eor. oper. Lib. I. 5*

uante, quo quicquid optant valdè explent, quod nisi Deum viderent omnium luminum Patrem, & fontem, explere nequaquam possent; etenim pars extrà totum non gaudet, nec effectus durat extrà causam longo tempore, quoniam ex eo omnia, vt substantiam, ita & virtutes & operationes sortiti sunt. Quo fit, vt nihil quod eius voluntatem oppugnet, dummodo eam sciuerint, vnquam peregerint, nec peragere valent, vsque adedò facti sunt post hanc victoriam stabiles, & conformes diuinæ voluntati; sed quid mirandum cum propterea nihil reperiatur, quod non delectet, quin neque quicquam, quod desiderent, deest, non enim esse potest, vt ita firmi, ac stabiles persistant ex propria eorum natura, qua omnes ad vtrumque flectimur, bonum, malumue, sed ex Dei gratia, cuius influentia ita eorum arbitrij potestas perfecta est, vt nullo pacto quod elegerunt, possint non eligere, etenim sic summo bono potiuntur, omnique malo carent. Neque quod omnis creatura sit per se, & corpore, & animo instabilis quicquam inconcinnum, aut absurdum emergit; nam quàmuis Deus sit solummodò per se immobilis cui esse, & essentia nihil differunt; quin esse, & operari idem est, proinde omni motu immobilis manens, dat cuncta moueri; quocirca non temere legitur in sacra scriptura, apud Moysen, non est Deus vti homo, vt moueatur, & apud Malachiam, ego sum Deus, & non mutor, de quo Iacobus ait, apud quem non est transmutatio, nec vicissitudinis obumbratio, sicuti est apud omnes creaturas, quæ tempori aut æuo subiectæ sunt, & quodcumque operantur quadam cum successione attingunt; nihilominus, quod eorum propriæ naturæ non conuenit, habetur ex gratia, quæ stabiles facti sunt, cum Deum cognoscant, non tantum vt vnum principium,

ac

ac vnam omnium rerum causam, vti fecerat Adam in statu Innocentiæ, quem vel vltimas rerum qualitates nouisse tradunt, at vt est vnus in essentia, ac trinus in personis, eorum & nostræ beatitudinis obiectum, initium, & finis, & æternum speculum eleuans eorum, nostramque naturam ad obiectum infinitum vsquè, in quo ipsorum, ac nostra felicitas sita est, ad quam intellectu, & rationali creaturæ tantummodo peruenire gratiâ concessum est, in quo contemplando altius extollimur supra proprias nostras vires, proprium intellectum gloriæ lumine dilatando, refocillandoque, vt varij sunt charitatis gradus, ob quos minor, & maior Dei cognitio, & amor, his, & nobis omnibus succedit, quo quidem lumine omnes beati Deo in vnum vniti, non secundum propriam naturam, sed secundum charitatem, eum vident, non aliter, quam nos mortales Solis radijs Solem cernimus, non tamen superficie tenus vti sensus, sed per penetrationem, modo nihilo minus indicibili; & proinde de eius superficiali, vt Doctores referunt, visione, nequè Angelis, propria eorum virtute, nequè nobis hic aut intelligentia, aut sensus aut phantasia, aut opiniones, aut nomen ( hoc enim, cum eò vtimur, si concretum est, diminutè significat, veluti etiam si abstractum, quamuis ex hoc maior Dei notitia elucescat ) aut sermo, aut vlla alia, si qua est cognitio, esse potuit, nec esse potest: proinde nemo hanc nostram vitam degens Deum vnquam vidit; sed nihil absurdum cum intelligibile à sensu abstrahat; est enim Deus ens, inquit Dionysius, melius omni sermone, & omni cognitione satius, collocatum supra omnem naturam, & indeterminatum ab omni alio ente; Quo sequitur cunctos qui rapiuntur ad intellectualem visionem, quæ sensili eminentior, multòque perfe-

*De Angelis, & occultis eor. oper. Lib. I. 7*

perfectior est, usque adeo extolli, ut non modo sensum  
sed etiam motum amittant, sicut euenit Moyse, qui cum  
Deo scriptura loquutum perhibet, & Diuo Paulo,  
qui id sibi superius datum refert, dum de se ipso  
diceret, scio hominem, qui raptus usque ad tertium Cœ-  
lum vidit arcana Dei, quæ non licet homini loqui,  
sed an in corpore, an extra corpus, se ignorare ait,  
vidit enim ad tantam diuini luminis influentiam ele-  
uatus, quam per modum transeuntis obtinuit, Patrem;  
quem (si de Cabelisticis volumus aliquid libare, quod  
à nostra fide non sit dissentaneum) ipsi significant per  
hanc vocem Hebraicam Ensoph, principium sine prin-  
cipio, & in Sanctissima Trinitate non nasci filium, quem  
appellant Kochma, dicunt Patrem ab æterno naturæ  
modo gignere, dum se intelligit, qui omnia vna cum  
filio libera voluntate (quæ sunt ad extra) cum sibi  
placuit creauit, ac etiam creat, creaturusque est po-  
steras animas, dum cœli mouebuntur, ut ergo filius à  
Patre, principium à principio, atque lumen à lumine,  
ita ab utroque quasi ab vno principio Spiritus Sanctus,  
quem Bina dicunt, immutabili voluntate procedit, at-  
que totus Pater in filio; & filius totus in Patre, & in  
utroque Spiritus Sanctus, ut in vno principio, (vna  
enim spiratione uterque spirat) procedit enim spiran-  
di facultas ab ipsa natura, proinde aliquid non est  
quod filius habet, quod sibi Pater non communicet;  
præterquam esse Patrem, eundemque omnia spiritui  
sancto communicare vna cum filio: præterquam esse  
Patrem, & filium; ea propter hi sunt tres Personæ so-  
lum personali proprietate distincti, absit ab eis vlla  
diuisio, vbi omnium sit vna quam simplicissima natura,  
in quibus nihil planè est, quod re differat ab eorum  
simplicissima essentia, vna causa omnium luminum,  
quæ

quæ intellectile, imaginarium, sensibile, & corporeum sunt, vnus fons, vnus finis, omnium rerum virtus vna, vna origo, atque vnum supereminens initium; in quo videndo, videntes minimè lateret diuinam essentiam, esse originem, & nostram, ac rerum omnium causam vt superius innuimus; in quo cognoscunt, vt & cogniti sunt, sed excellentius, quam in proprio genere, vbi corrumpuntur, & cum æterno gaudio, & quiete, neque ex hac re quicquam censere, quod absonum sit, licitum est, vident enim Deum, in quo nihil deest, cum Idææ, & attributa haud ab essentia differant, sunt enim vnum principium & cognoscendi, & creandi, tū quo ad formam, tū quo ad materiam, quod nulli Creaturæ datum est; vnde euenit, vt omnes, qui sic Deum vident, præterquam quod minimè habeant volubiles animi cogitationes, clam eis non est, quid Deus sit, cur sub vna natura tria, & non plura supposita? cur Cabalistæ (ex hoc enim non exorbitant) cum eum innuant supra eorum essentiam, Iehoua nuncupant? & in essentijs Adonai? cur cum fortem El? vbi rerum nostrarum non indigere Sadai, & quando misericordem, & bonum Ia? cur id toties in missa post resurrectionem replicatur? cur alij æternæ dilectioni, & alij æterno odio sunt obnoxij, cū ōnes ad cōsequendā beatitudinem creati simus? quare alij efficacem gratiam nati sunt, & alij sufficientem dumtaxat? cur hi gratia beati existunt, & hi eorum prauis operibus iuste torqueantur? quo nexu stat, vt quod in prima causa est ineuitabile in secunda sit contingens? quare filius, Patris sapientia, hominem suppositauit, & non Angelum, cum Angelus nobis existat natura superior? quare secunda, & non alia persona incarnata est? an quod in eam Adam peccauit? ad quid Angeli præsumt varij in diuersis

sis



*De Angelis, & occult.eor.oper. Lib. I. 9*

fit Coelis? quid ipsorum dominia tam varia? quid:  
Astra demonstrent, nunc parua, nunc magna appa-  
rentia? quid varius planetarum aspectus, & diuersum  
lumen iam auctum, iam imminutum insinuet? & quid  
eorum modo tardus, modo velox cursus? qua harmo-  
nia sol, & alij planetæ correspondeant animantibus in-  
cunctis membris? ad quid institutum sit leue, ad quid  
graue, & quomodo tam citò varient temporum vicis-  
situdines? quam virtutem habeant omnes gemmæ,  
omnis herba, & animal tam à manifesta qualitate,  
quam à propria substantia? quos etiam non fugit, quid  
sibi inuicem differant omnes formæ, nec quæ sint re-  
rum vltimæ qualitates, nequè quid earum proprii ter-  
mini, quibus vna ab altera distat, neque etiam quò  
cadit aus turbine agitata; quinimò crebro sciunt an-  
tequam sint in proprio genere; Dei tamen reuelatio-  
ne, nostra desideria, ne dicam facta, atquè adeò mi-  
nimè eos latet cur ipsi destinati sunt: alter vt custodi-  
ret prædestinatum, & alter vt præscitum, alter vt sa-  
pientem, & alter vt ignarum; hic infimum, & is su-  
preum, vnus pauperrimum, & alter ditissimum,  
quæ omnia velim equidem, diligens lector, ne incon-  
sentanea putes, vbi Deum vident, qui est primus in-  
telligens, primus motor, & æternum speculum, in quo  
vel nostræ cogitationes, ne dum opera relucet. Qui  
quidem Angeli licet cuncti diuinæ essentiæ assistant, &  
absque vlllo medio eo fruantur, non tamen sic assistunt,  
vt eius lumen, quo alios illuminent, per se percipiant,  
vbi hoc à Dei voluntate procedat, quæ licet aliud non  
sit, quam propria eius essentia, nihilominus id exhi-  
bet, vt vult, varium secundum eorum diuersam natu-  
ram nulla in eo mutatione peracta, vt nec sit in solis  
substantia, qui omnes rerum formas virtute conti-

nens eas omnes educit è gremio materiae, præter nostras, vel proprio calore semina fouendo, vel earum aptando dispositiones; quo fit, vt quamuis cuncti videant totam diuinam essentiam, non tamen cuncti statim percipiunt quæcumquæ Deus mandat, sed ex ordine, vt sibi placet, & iuxta eorum naturam, quoniam semper prima Hierarchia cognoscit prius, & excellentius, quam secunda, & tertia, atque melius callet leges, quibus Deus mundum gubernat, quo fit vt qui Deo propinquiore sunt, nõ loco, cū vbique Deus sit, essentia, presentia, & potestate, sed dignitatis, honorisque gradibus, prioraque mandata suscipiunt, quæ alijs impartiantur, ac maiora cognoscunt misteria, quæ ad electos disponendos attinent, quam inferiores. Diuisi ergo sunt Angeli in tres Hierarchias, ac in nouem Choros, miro quodam arcano distincti, quem numerum, quippe omni perfectione completum, sacrum Pythagorici dixerunt, ad quos Angelos peruenisse post eorum confirmationem, vel ex ipsarum nomine percipitur; denotat enim sacros Principatus, & propterea Dæmones nunquam in has asciti fuerunt, quamquam ex his, alij alijs natura præstarent, ex quibus qui primæ Hierarchiæ sunt, quos supra mundanos nuncupant, & in diuina contemplatione persistunt, à Dionysio in eius vestibulo collocati, vulgo Seraphim dicuntur, quod extemplo subsequuntur Cherubim, & hos Throni, qui omnes sine medio Deo assistentes semper alios illuminant, perficiuntquæ, sed qui secundæ sunt cuius proprium est illuminare priorem locum obtinent Dominationes, secundum qui Potestates, & tertium qui Principatus nominantur, sed in tertiæ Hierarchia, ad quam purgare spectat, astant in primo loco Virtutes, in secundo Archangeli, in tertio Angeli;

li; in quibus collocandis nihil me fugit admodum, dissentire D. Gregorium à Sancto Dionysio, cum alter collocet in priori loco tertiæ Hierarchiæ Virtutes, & alter assignet in secunda Hierarchiâ Principatus inter Dominationes, & Potestates; verum si eorum nomina bifariam consideraueris, scilicet vel secundum spirituales perfectiones, quas recipiunt, vel secundum diuina ministeria quæ exercent nihil in his dissensionis reperi; quoniam Dionysius in eis assignandis priorem modum secutus est, & Gregorius posteriorem, vterque Apostolum imitatus, qui ascendendo ait ad Ephesios super omnem Principatum, & Potestatem, & Virtutem, & Dominationem; & ad Collossenses descendendo, inquit, siue Dominationes, siue Principatus, siue Virtutes: Quas profecto Hierarchias non minus differre volunt vnam ab altera naturæ præstantia, quam nostrum intellectum ab ultimo Angelorum choro, atque in his appellantur, non absque diuino secreto, Angeli triplici linguarum genere diuersi, diuersisque nominibus, quemadmodum peractum est in Sanctæ Crucis titulo hebraice, græce, & latine; is enim numerus impar perfectus est, ac in omnibus rebus reperitur non sine mysterio, Adde quod in his tribus linguis vera Dei, vt alibi diximus, floruit Religio, rerum naturalium perfectæ scientiæ excelluit; & totius terrarum Orbis imperij summa maximaque viguit potestas; in quibus scilicet singulis elucet Deus trinus in personis, & vnus in essentia, virtute, & operatione, vt in vnitæ Hierarchiæ diuinæ essentiæ vnitas, & tripartito ordine, claret personarum trinitas, quæ omnia operatur vt sibi lubet, amat enim in Seraphim vt charitas, nouit in Cherubim tanquam veritas, & in Thronis sedet

ceu æquitas ; dominatur sicuti maiestas in Dominationibus, præsidet in Potestatibus vti fortitudo, & regit in Principatibus; veluti dominium, tuetur in Virtutibus perinde ac vigor, in Archangelis reuelat quasi lux, & in Angelis præest sicut pietas. Veruntamen in prima Hierarchia potestas in Thronis refertur ad Patrem, veritatis cognitio in Cherubim ad Filium, & amoris ardor ad Spiritum Sanctum in Seraphim. Quibus hæc nomina indita sunt non ex propria ipsorum natura, sed ex officio, quod per gratiam consecuti sunt: & propterea hoc nomen Seraphim, quo Angeli summæ charitatis excessu ardentes denominantur, demonstrat grande, & continuum desiderium ob magnum in Deum amorem habentium, quo nos mortales ad Deum conuertamur, & in ipso viuamus; veluti hoc nomen Cherubim, quod aliud quam auctos non resonat, nihil aliud ostendit, quam scientiæ diuinæ plenitudinem, cuius essentiam, ac diuinam pulchritudinem vtrique contemplando iugiter inferioribus exoptant, vtque par est discipiunt; vti hæc græca vox Throni in quibus Deus inhabitat, nihil aliud innuit quam diuina solia. Qui planè omnes coram Deo assistentes eiusdem ineffabilem virtutem, admirandumque iudiciorum ordinem alijs continenter exercendo indicunt, ac quasi approbantes promulgant: Hæc omnia in ipsis, quia accidentaria sunt, varia reperiuntur, quam varietatem sic de Deo cogitare, ne dicam dicere piaculum est, cum in eo bonitas aliud non sit ab essentia, neque ab ea diuersum sapientia, neque ab eadem potestas varium, nam quæcumque Deo ascribuntur non ipsum vt verè est exprimunt, sed vt nos ipsi per ea intelligimus, est enim Deus actus simplicissimus nulli potentiæ admixtus, vnde fit, vt  
om-

*De Angelis, & occultis eor. oper. Lib. I. 13*

omnia eius attributa, quæ ex cognitis perfectionibus creaturarum in Deo cognoscimus, vel quemadmodum Cabalistsæ inquiunt, vestimenta non Deum, ut ipsi dicunt, nudum, uti in se est referunt, sed his, ut non est, indumentis ornatum, omnia enim accidentia, quinimo omnes Creaturæ ad infinitum usque à Creatore distant; quoniam cum dicimus Deum bonum, sapientem, & perfectum, atque hoc genus septuaginta duo nomina, tot namque eorum secreta arte ex quibusdam in exodo versiculis, pia quadam contemplatione eliciunt, qui magna secreta tractarunt, tunc Deum bonitatem, sapientiam, & perfectionem, ac etiam reliqua omnia creaturis ut auctorem impartientem, earumque conservatorem agnoscimus, non tamen quod omnino his perfectionibus careat, cum hæc & omnia alia supereminenter habeat, ex quo evenit, ut Angeli non ita sibi hæc nomina ascriuerint, quasi ita sint in Deo, ut in ipsis, sed ut significant præ eorum intellectus imbecillitate, qui hoc modo Dei actum distinguit, ut ad diversa objecta terminatur, non secus, quam Solis radij sensibilia ferientes dicuntur colorati, cum terminantur ad diversos colores, dum lucidi existunt, hinc priores Angeli nuncupantur Seraphim, quoniam eorum actus terminatur in Dei cognitione ad eius bonitatem; in his Deus stat uti charitas, non aliter quam res vocantur calidæ, cum Sol terminatur ad calorem; verum Angeli secundæ ordinis, in quibus Deus sedet tanquam veritas appellantur Cherubim, propterea quod eorum actus terminatur ad Dei scientiam, sicuti res fulgidæ, cum lux terminatur ad fulgorem, atque idem sentendum est de alijs primæ Hierarchiæ, quorum ultimi, ubi Deus stat sicut æquitas, vocantur Throni non sine causa,

causa, eorum enim actiones terminantur ad potestatem, uti naturales efficaces, cum sol terminatur ad influxum. At primi secundæ Hierarchiæ appellantur Dominationes, quoniam altiori, & ampliori dominio præpotentes omnique libertate exultantes stupendum diuinæ providentiæ ordinem in causis vniuersalioribus eminentius agnoscendo, alijs inferioribus, quasi per capita demandant, Deus etenim sedet in his veluti maiestas, quem certè ordinem, qui Potestates nominantur, ob diuinam fortitudinem, in inferioribus multiplicant, & pro eorum captu variant, quamobrem, qui Principatus dicuntur, obseruant in cunctis rebus stabilem, & inconcussum ordinem. Verum tertiæ Hierarchiæ priores, qui appellantur Virtutes, ea dirigunt diuinæ providentiæ, quæ nullis verbis, nec etiam imaginatione exprimi possunt, in naturis inferioribus, & in particularibus causis, quæ ad nos pertinent, nostrumque in usum succedunt, hac tamen cum differentia, quod hi curam tantum gerunt de rebus supremis, & communibus, utique ea intendunt, quæ attinent ad Regna, Prouincias, Regionēs, & Vrbes, atque etiam Religiones, sed qui Archangeli nuncupantur, per quos Deus quasi lux secreta reuelat, ea bona tractant, quæ magis particularia sunt, & non modo ad particulares spectant, sed etiam ad quoscumque alios hoc genus homines; sed tamen qui postremi, & proprio nomine Angeli appellitantur, in quibus Deus adest, veluti pietas, illa tantum bona curant, quæ vniuscuiusque propria sunt, & solum ad singulos faciunt, ex quibus sanè omnibus, qui propriam sibi nomenclaturam inter se diuersam consequuti sunt ab aliqua eorum virtute, nunquam non præstant primi omni perfectione cunctis

*De Angelis, & occultis eor. oper. Lib. I. 15*

his inferioribus, continent enim superiores omnem  
inferiorum præstantiam perfectius, & excellentius,  
& ideo Seraphim, itaut diximus, nuncupati, ob in-  
tenfum quo Deo uniuntur amorem, cognoscunt latius  
diuina arcana, occultaque myſteria, quam Cheru-  
bim, qui hoc nomen ſibi aſſumpſerunt ex maxima  
eorum ſcientia, qua alios vberimè afficiunt, diuer-  
ſam ab illis, quanquam amor, qui non poteſt non pro-  
cedere à præcognito, præſter multo magis ſcientiæ,  
quæ conſiſtit in intellectu, propter eius libertatem,  
ob quam nos verè rationales nuncupari poſſumus,  
quibus ſola voluntas libera eſt, in qua noſtram beati-  
tudinè, vt in fine conſiſtere atquè expleri Theologi  
inſicias non eunt, & ſi ab intellectu incipiat, quamo-  
brè nec his, nec nobis, ea quicquam melius repe-  
ritur, nec præſtantius, cum propter eam à brutis a-  
nimalibus, quæ voluntate minimè mouentur, ſum-  
mopere diſtemus, Deoque aſſimilemur, qui mundum  
non natura ab æterno, quaſi per emanationem produ-  
xit, vt non ritè Philoſophus meditat⁹ eſt, ſed in  
tempore, liberrima tamen voluntate, vt ſic nos agno-  
ſcentes maiori eum amandi, atque colendi deſide-  
rio rapiamur, non tamen eum produxit motu vero,  
& continuo, qui à Coeli motu prouenit, ſed ima-  
ginario, vbi mobile motori nihil in creatione repu-  
gnat, cum in producendo proruperit, vbi ſibi placuit  
abſque motu, ſecundum ordinem, quem habebat  
in Archetypo; ſed vt ad rem, è qua digreſſi ſumus,  
redeamus, cæteri Angelorū ordines diuerſa obtinue-  
runt nomina, vt Throni diuerſum ab vtriſque ſcili-  
cet Seraphim, & Cherubim ob iudiciorum ordinem, vt  
Dominationes ſecundæ Hierarchiæ, quæ ita vocan-  
tur, quoniam quæ de diuinis rebus agendis, à ſuis ſu-  
perio-

perioribus suscipiunt, alijs iniungendi libertatem habent, vt Potestates, quod ea quæ superiores in inferiores influunt, sursum ducendi facultatem obtinentes, vtique dirigunt, ordinantque; sicuti, & Principatus, quod verè Principes sicut in rebus, quas in inferioribus fieri discipiunt. Cæterum Virtutes spiritus scilicet primi tertiæ Hierarchiæ, qui ab alijs illuminati nos solummodò purgant, ideo hoc pacto nuncupantur, quod intrepidi magna virtute, qua pollent, diuina iussa peragenda capeſſunt, ac hilari animo exequuntur, vt Archangeli quod Angelis præſidentes ea denuntiant, quæ magni momenti sunt, sicuti vltimi vocantur Angeli, quod nostræ custodiæ demissæ propria vniuscuiusque, quem custodiunt, dumtaxat curant; atque ex his omnibus Hierarchijs semper ferè inferiores nobis cuncta ministrant, quæ ad nostram salutem faciunt: sunt enim omnes administratorij spiritus pro prædestinatorum numero explendo nobis potissimum destinati. Ex quibus qui coram Deo propius, atque intimius assistit, vna forma intelligit quem Cabalistæ nuncupant, non absque secreto, facierum Principem, nec temere, nam Angeli sunt omnes quasi Dei vultus, in quibus relucet diuina essentia, sed non ex æquo propter varias, ac diuersas eorum formas, vt nec Sol percutiens diuersa obiecta, quamobrem perperam imaginantur Hæbrei cunctos Angelos esse eiusdem speciei, quoniam si sic foret, omnes susciperent diuinæ essentiæ æquales radios, omnes vnā tantum linguam haberent, quod haud ita esse vel ex ipsorum præmijs ostenditur, quæ eis data sunt ex gratia, & hæc secundum propriam naturam, quemadmodum dæmonibus pænæ variæ infliguntur pro eorum maiori natura, & culpa; nec profecto res miranda



randa cum excellentior substantia vehementiorem voluntatem causet, iuxta quam hi obtinuerunt, gratia nihilominus præcedente, maiora præmia, vt illis propria culpa atrociora tormenta; quibus singulis inæqualitates à proprijs formis successisse tam obnixè Thomistæ inhærent, vt id prò comperto habeant; eniuntur enim cunctis viribus, Angelos nullo pacto alia re differre posse, cum materia careant, quam à propria forma, in qua nimirum re, quantum à Scotistis discrepent, nemo est Theologorum, qui id ignoret, qui obnixè, & acriter repellunt hanc opinionem, asserendo nihil dedecere, dari in vna spiritali specie plura individua, cum nec in aliqua materiali tantum vnum; nec certè sine causa, quandoquidem si hoc, quod illi dicunt, verum foret, tot modi Deum cognoscendi, totidemquè eum laudandi in Cœlo deessent, quot, & qui ceciderunt Angeli, quinimo præstantissimus modus deesset, quem exercebat Lucifer primus omnium substantia excellentissimus, qui suos complicitibus animos inferens æui mensuram amisit, ac propiorem penes Deum locum, ad quem, si stetisset, denique peruentus fuisset, quem Ioannem Baptistam assequutum fuisse opinio est, & non Beatam Virginem Dei matrem, quæ supra omnes Angelos eleuata est in Cæli empyrei euexa superficie, suprâ quam aliqui Greci à Philosopho recedendo, qui tenuit suprâ Cælum nihil esse, imaginati sunt infinitum spatium, quod D. Augustinus deformitatem nuncupare videtur, vbi in toto Deus sua existens essentia infinitos mundos creare posset, atque eum locum, ad quem Satanas propria spontè peruenire conatus fuerat, Christum Dominum nostrum, qui factus est, & hominum, & Angelorum vnum Caput, multò melius consequutum  
c  
fuisse

fuisse volunt, ob quem propterea, & nos salui facti sumus, & Angeli maiorem felicitatem assequuti sunt; ex eo namque omnia peculiari gaudio afficiuntur; quoniam eius respectu Deus summam gratiam creaturis ostendit, quod adeo clarum est, ut & Thalmudistæ haud inficientur, dum asserunt Deum optimum maximum omnia condidisse propter Messiam, à quorum profecto sententia nec nostri Theologi dissentire videntur, dum referunt omnem gratiam, quæ hic conceditur, omnemque gloriam, quæ in Cælo est, & Angelis, & beatis omnibus, per eum, ceu per Solem, lucem astris, exhiberi: Cæterum, ut oratio ad suum vnde digressa est curriculum redeat, libenter referam, omnes Angelos, qui alijs sunt præstantiores paucioribus formis intelligere, ac perfectius operari ob maiorem eorum virtutem, quæ propriam substantiam consequitur, & tamen inferiores alloquuturi, ut pluribus formis utantur, indigent, uti clarius infra ostendetur, non aliter atque opus habet magister altiori ingenio & doctrina præditus plura verba faciendi, ut rudes discipuli intelligant, & pleraque exempla ob oculos offerendi, quod Dionysius perspicue demonstrat dicens, vnaqueque intellectualis substantia datam sibi à diuiniore vniuniformem intelligentiam propria virtute diuidit, & multiplicat ad inferiores, sursum ductrice analogia, etenim Deus tantum est, qui Creaturas supereminenter confortando eleuat, ut seipsum in propria essentia videant, ob quam semper magno animi gaudio utique fruendo beantur, non enim eis beatis aliquid succedit, neque etiam succedere potest, quod in fine nolint, licet omnes signi, ut scholastici aiunt, voluntatem perfici discupiant, non propterea aliquid, nisi succedat, tristantur, persistunt enim sem-

semper in diuinis placitis : idcirco nunquam ab eis præceptis recedunt: Beati enim sunt absque vlla sensus imaginatione, quæ rarò veritas non offuscatur, veluti nobis sæpe euenit, qui quòd ratione veritatem, scrutamur, assidue eam non attingimus, vnde frequenter, quod nolumus id sentimus, & quod nostris oculis patet, vt plurimum ignoramus. Verumtamen ne aliquid sit, quod in hac re desiderari videatur, referam non nihil de illorum illuminatione quam hoc modo Theologi distribui ferunt. Angeli qui primæ Hierarchiæ priores sūt, quoniā Deo magis propinqui, eam suscipiunt ante alios, exinde, qui secundæ sunt, & postremo qui tertiæ, quorum illuminatio exhibebitur vsquè ad nouissima tempora, quæ licet hoc modo defecerit, non deficiet eius continuatio; ordo namque non cessabit, nec eos amplius his, quæ dicta sunt, nominibus vocari necesse erit, erit namque Deus omnia in omnibus: eaq; aliud in præsentia certè nō est, quam æternæ voluntatis temporanea reuelatio de Diuinis præceptionibus, quæ ad nostram salutem acquirendam spectant, vt sibi Altissimo cordi est, qui cuncta, fortiter ordinat, & suauiter dirigit, & quod ab æterno meditatus est quasi lyram personando in tempore reuelat, quam licet hi antea nescirent, non propterea vlla sciendi sollicitudine angebantur, veluti nos, quos nunquam rerum ignorantia non defatigat, & cruciat, cum à peccato eueniat: etenim Beati Deum vident, qui est summum bonum; ex quo eius voluntati vtique conformes existentes, haud minus ob contrarios euentus inhaerent, cum propterea nihil eis desit, quod ad propriam eorum beatitudinem faciat; In qua quidem re Platonem, qui nostram ignorantiam materiæ tantum ascripsit, errare facile percipimus,

dum opinatur animas in corporibus , quasi in ergastulis detentas , rerum naturalium scientia , ceu leones in fouea viribus, priuari, cum animarum vnio cum corporibus uon processit à pœnarum statu, vt Origenes à Platonicis deceptus falsò censebat, redundat enim ex hac vnione homo , diuinum animal , & corpore , & anima ; quæ quoniam à materiæ gremio non educitur , sed de foris infunditur , à Deo ex nihilo creata , falsum reddere videtur, quod Philosophus inquit , animas esse in principio tanquam tabulam rasam , cum quæ Deus creat , perfectè actu creat , vt non foret , si eam crearet ad intelligendum solummodò in potentia . Verum quod nunc actu nesciat , id ei euenire dicere à peccato, quo in nobis Dei imago circà operationes , non parum deturpata est ablata innocentia , vnde intellectus ignorantia percussus est , & voluntas infirmata ad benè operandum ; sed magis quam intellectus , vndè forsàn succedit , vt utroque pane vesci indigeamus in nostri vultus sudore , & intellectuili scilicet & corporeo , quo verè viuamus , quamobrem à pœnarum statu nobis contingere inquit Scotistæ, vt sic nos in labore per phantasmata addiscamus , & non ab ipsa natura ; cum prò rerum ordine necessum sit , vt quod inferius est à superiori subiiciatur , & non è conuerso, vti modo fit in addiscendo, quia forsàn erat Adæ concedendum , ni peccaret , & nobis omnibus, dum scientiam ab experimento nuncupatam , experiremur secus, quam in præsentiariū agitur: Ad quam profecto rem , non solum Platonis opinio , sed ipsa ratio me impellit , dum considero nostrum primum parentem haud perdidisse hanc scientiam quippe naturalem post peccatum, vbi omnia gratuita perdiderit , atquè Christo nostro Saluatori natura impeccabili,

bili, eam vt homini non defuisse; crescebat enim, & proficiebat ætate, nequẽ etiam defuturam infantibus existentibus in lymbo, qui in rebus naturalibus ampliore scientiam habebunt, quam habuerunt cuncti Philosophi. Cœterum reuertor ad illuminationem, à qua sum digressus, eamque dicam non esse diuinæ essentiæ, sed diuinarum præceptionum, quæ his Angelis, qui diuini nominantur, ante alios omnes à Deo infunditur; in cuius potestate semper est nouam infundendi, quam exinde hi ad inferiores effundunt, non aliter quam Sol lumen ad diuersa specula vnum sub alio supposita, neque ex hac re quicquam consequi videtur, quod à rerum ordine exorbitet, cum formæ ritè dispositis in puncto introducantur, de quibus per quam pulchrè Dionysius refert, primam cælestium Hierarchiarum ab excellentissimis essentijs sanctificari, ordinem habentem omnibus altiore, quæ postea diuersimodè eis relucet propter diuersam eorum naturam, non secus, quam ob varia obiecta Solis lux, in qua suscipienda, qui non ita pollent, refocillantur à superioribus, non aliter atquẽ animo imbecilles à robustiori viro velociter accurrente ad seuendos grandi oppressi infortunio, neque id tibi tam arduum apparere debet, vt nullo pacto esse possit, quo hæc superiorum conuersio inferiores refocillet, vbi spiritus sint, cum hi laborare quodammodo videantur ex superdditis eorum essentiæ dispositionibus propter eorum diuersam virtutem. Ad quam profecto rem philosophi alluisse apparent, dum aiunt intelligentias per seipsas Cælos mouere, sed quod perpetuo moueant, vt falso cogitabant, virtutem à Deo suscipere. Atquẽ quod hæc illuminatio irradians in priori statu per eos, qui non temporis, inquirunt, sed

na-



naturæ sunt superiores, & utrum in inferioribus enite-  
 at, patet per Dionysium, dum ait cælestem & supe-  
 riorem essentiam traditam sibi Intelligentiam subito  
 alijs communicare, non enim eis euenit, uti nobis,  
 quibus propter originis errorem sæpe numero, qui a  
 lijs præstant illuminantur ab inferioribus; quod ideo  
 succedit, quod qui illuminantur superiorum ordinem  
 minimè participant ob inferiorem naturam, quæ sem-  
 per in superioribus fulget eminentior, atque perfe-  
 ctior, quam in inferioribus, quasi lux in leuiori spe-  
 culo, non quod hæc in se varia, diuersaque sit; cum  
 diuina essentia existat oriens omnibus, supererecta,  
 cui vllam mutationem ascribere, Philosophi, ne di-  
 cam Theologi piaculum asseruerunt, sed quoniam  
 non vno eodemque modo hanc illuminationem An-  
 geli suscipiunt, iterum nobis enucleandum est, prò no-  
 stra tamen virili, quibus modis distribuatur: Illumi-  
 nantur igitur omnes coram Deo assistentes de his re-  
 bus, quæ ad naturam, gratiam, ac gloriam spectant,  
 sed diuersimodè, nam qui primæ Hierarchiæ priores  
 sunt alijs lumen manifestant, non quasi tradentes, at  
 ut confortantes, quod quidem non omnes æqualiter  
 suscipiunt, tum ob eorum inæqualem naturam, tum  
 quod à Deo exhibetur, cuius voluntas est rerum nor-  
 ma, quo suscepto, protinus magna animi exultatio-  
 ne, ac vehementi gaudio, ad Deum sese conuer-  
 tunt, maximas ei gratias de tanto beneficio, quod  
 in se ipsos collocatum sentiunt, seseque humiliando,  
 cum magno silentio laudant, atque hanc illuminatio-  
 nem Dionysius circularem vocat, uti rectam, eam,  
 quam transfundunt ad inferiores, & obliquam, cum  
 illuminatis inferioribus ad Deum conuersi persistunt,  
 qui maiori participatione affecti, ac vehementiori  
 lati-

lætitia dispositi magnopere Deum laudant, quæ sanè illuminatione quamuis in se immutabilis sit, suscipientes tamen mutat, vti agunt omnia diuina: hoc autem modo & ordine transfundi solet. Seraphim, qui primæ Hierarchiæ sunt, ac primi chori, cum primum hanc illuminationem assequuntur, confestim illuminat priores secundæ Hierarchiæ primi Chori, atque hi statim, qui tertiæ & primi Chori, & sic deinceps obseruatur in omnibus Hierarchijs, vbi inferiores vique purgantur, & perficiuntur, ex quibus qui superiores sunt appellantur à Dionysio intelligibiles, vt illuminati intellectuales, atque hunc ferè ordinem in effundendo hoc diuino lumine obseruari vsurpatum est, vt non succedit nobis, quibus propter peccatum ordo peruersus est, & in regimine, & in reuelatione, quo euenit, vt sapè boni moneantur à malis, & sapientes à stultis dirigantur. Verum haud equidem inficiabor, dummodo mihi permittatur, hanc illuminationis tradendi legem interdum solui, ne dicam posse, vt præstantiores ità lumen suscipiant, vt non subito, sed statò tempore inferioribus id effundant, non secus ac faciunt apud nos magni Principes, qui nonnunquam ita suos animos primatibus manifestant, vt non statim alijs aperiant, sed vt sibi iniungunt, quod profecto quid sit propter quod esse nequeat, (cum ordinis exceptio, ac dispensatio ordinem confirment) non video, & idcirco potius optarem in hac re esse discipulus, quam magister, si quidem hæc illuminatio non prouenit à causis naturalibus, in quibus quod præstat non potest non agere in inferius, sed à Deo, cui hanc tradere & eo modo, quo vult semper sibi in manu est, non enim alium, quam se ipsum, suiq; finè prostituit, nec quod ipse agit est contrà naturam, cū

naturæ sit dominus; quod sic esse vel ex hac re pate-  
 fit; Christi enim passio latuit plerosque Angelos, do-  
 nec ipse Cælos ascenderit, quæ tamen prestantiores  
 minimè latebat, vt perspicuum est ex Angelo eum  
 confortante: Atque hanc illuminationem sæpe Deus  
 pandit in Cælo empyreo; potissimum cum tractatur  
 de rebus maximi momenti ob ordinem, etenim loca-  
 ta locis correspondere debent, & non ob aliquam a-  
 liam difficultatem, cum Deus vi propriæ essentia operans,  
 vbique reuelare quiret, nulla namque loci di-  
 stantia ei impedimento est, quoniam diuina maiestas  
 omnia adimplet, neque Angeli illuminando, cum spi-  
 ritus sint, vlla spatij quantitate impediri possunt, nec  
 etiam sibi inuicem colloquendo, cum eorum loquela  
 aliud non sit, quam proprii conceptus representatio,  
 quæ intellectibilis existens minimè à distantia impedi-  
 tur, sicuti nec à superiori intelligentia ipsis nolenti-  
 bus, cum in his rebus consistat, quas propria spontè a-  
 lij manifestare, & bonis, & malis semper sibi integrū  
 est, aliter quam agitur de illuminatione, quæ cum à  
 Deo sit, bonis tantum, vt Deo placet, manifestatur  
 propter eius perfectionem, qua Dæmones non que-  
 unt non carere ob eorum iniquitatem, & maliciam,  
 neque propter hoc Angelorum cum Dæmonibus col-  
 loquium prouenit aliquod extrà ordinem, ex eo enim  
 succedit nostrum exercitium, vt alibi dicemus; & ta-  
 men hi colloquendo per propriam essentiam non illa-  
 buntur, cum id Dei tantummodo proprium sit, sed  
 eorum conceptus alijs imprimunt, quos, quādiū in  
 se ipsis retinēt, alios latere necesse est, & proinde cū  
 colloqui volunt, quadam conuersione vtuntur, quæ  
 eis valet vti nobis vox; quam conuersionem perci-  
 piunt à specierum motu, quarum ope nihil est quod  
 pro-



*De Angelis, & occultis eor. oper. Lib. I. 25*

propterea eos fugiat; per quas vel eorum indiuidua omnia præterita, & extantia cognoscunt, unde prouenit, ut penes eos non sit vna lingua, sed plures propter diuersas formas; vti satis perspicue percipitur ex Apostoli authoritate, dum exprimit si hominum linguis loquar, & Angelorum, has Theologi asseuerant aliud non esse, quam quandam virtutem, qua vnus alteri suum conceptum patefacit per plures, aut pauciores species, ut sunt præstantiori natura, sed cum hac differentia, quod superior inferiorem alloquens inferioris lingua vti potest, sed non è conuerso, cum inferior pluribus, quam speciebus superior opus habeat, in quorum colloquio sæpe actum, sæpe speciem, sæpe vtrumque excitant, quod cum intellectile sit, verborum diuersitatem, quæ sensu percipitur, non continet; nec refert, quod interdum clamare secum colloquendo dicantur, id enim dicitur non propter sensum, sed propter rei magnitudinem, quocirca cuiuscunque ordinis existant, nihil sibi negotij est in vno eodemque temporis momento, vel de vna re, vel de pluribus loqui, quamuis superior id suo inferiori breuius peragere valeat ob vniuersaliores species; Cæterum nobiscum loquendo, corpus assumunt nostroque idiomate vtuntur, quo & in somno, & in vigilia vti solent, licet frequentius id agant nocte maximè intempesta, ob clariora phantasmata, cum dormientes grauioribus exhalationibus oppressi non iaceant, aut quod tunc Dæmones non sic præualeant propter Solem ad nos appropinquantem, quo iam tunc non abs re Hebræi inchoarunt eorum diem, & Virgo certior facta est ab Angelo de Verbi incarnatione, & Christus nostra resurrectio propria sponte corpus suscipiens resurrexit. Qui quidem Angeli si non semper

d  
exci-

excitant phantasmata purgatiōra, vt facile intelligantur, in causa non sunt, quemadmodū ratus est Simonides referens nobis immitti oracula obscura Deorum inuidia, cum nihil agant absque charitate, vt nec si frequenter quod intendunt non succedit, sed dormitantium oscitantia, & socordia, nec non & Dæmonū techne, & fraudes in causa sunt, perinde ac Iudæorū peccata ansa erant, vt Christus non apertè os suum aperiret sed in parabolis; at nihil mirum, cum Philosophus tradat quidquid recipitur recipi recipiētis more; tuncque Angeli hallucinari dicendi non sunt, licet non succedat effectus, egerunt enim quod potuerunt, ita sese adaptando, vt par erat; & proinde cum rerum successus eorum desiderio non responderet, minimè tristantur, etenim Deo in euentis semper inhaerent; Verum vbi in somnis loquuntur, quod raro contingit, nisi personis publicis, atque magnatibus, semper phantasmata melius purgant, quam intellectus agens; etenim intellectum imprimunt (quod Dæmones qua sunt iniquitate nequeunt: proinde maxima cum astutia somnia multiplicant) vt percipere queat, quibusdam rerum simulachris certos euentus indicantibus, alioquin enim diuinus radius haud illuminaret, quod Pythagoras non ignorans tibi abstinencia dum optaret aliquid sibi in somnis reuelari, ac lyrae cantu accubitus pergebat, non enim cum fugiebat exhalationibus impeditos sic somnia suscipere, vt qui imagines sub tremula aqua eam Solis radiis ferientibus suscipiunt. Quocirca Eliseus psaltem petiit, vt attentior euadens in maiorem prophetandi excessum raperetur, sciebat namque spiritus cantu, celi naniis vagientes, infantes quiescere, ab omni animi perturbatione. Atque etiam ex signis

eorum

*De Angelis, & occultis eor. oper. Lib. I. 27*

eorum conceptus exhibent, quæ suscipiunt, quasi è literis hieroglyphicis, ut suscepit Adam ex Agni pelle, post peccatum, ne tanto crimine desperaret, & Noe, ex Columba ramum viridis oliuæ afferente, & Ezechiel ex quatuor rotis, ventorumque turbinibus. At ubi sensibili voce loquuntur hominis formam assumunt, sed venustiore, ut eorum est animus, vel effectus quem intendunt, tumquæ eorum, quos alloquuntur, vocabulis utuntur; non enim est ullum linguarum genus, quod clam eis sit, quinimò hæ lingua, quæ nobis in poenis succedere Gigantum superbia ob turris molitionem prius illuxerunt in eis, quam in ipsis; quandoquidem quæcumquæ à Deo estuunt, dummodo gratuita non sint, prius relucet in Angelis, quam in proprio genere. Verumtamen si hi, cum quibus colloquuntur linguam callent, hebraicam, quæ Adam rerum nomina indidit, ac in Patria remansuram aiunt, ea utuntur ob innocentiae statum; ex quorum colloquio sæpe sub eorum nomine materia, offenditur de qua agitur, ut claret ex hoc nomine, Raphael, quod Dei medelam significat, qui comitatus est Tobiam ad Ragem usque, & Michael, quod diuinam potestatem ostendit, qui cum dracone præliatus est, & Gabriel, qui salutem dicturus ad Virginem accessit, quandam Dei virtutem præferat. Addunt Hebraei Angelum illum, qui expulit Adam è Paradiso voluptatis, quem nuncupant Uriel, quod nomen iuxta eorum interpretationem iustitiam Dei denotat. Quos omnes sub humana specie locutos narrant non ad suppositum, sed ad officium; quam quidem formam hunc alacrius assumunt ob Christum incarnatū, propter cuius rationem iam à nobis adorari non permittunt, ut faciebant olim in veteri testamento;

d 2 quam

quam cum ostendunt, corpus suscipiunt, non sicuti habent Græci, Arabes, & nonnulli Latini, qui eos haud priuant quibusdam corporibus per quam tenuibus, & proinde cum sic apparent, aut ex aere corpus assumunt, vt est communis Theologorum opinio, aut ex æthere, vt sentit Anselmus, aut ex mixtis vti tenent, qui Scotum sectantur, ex hisce enim rebus Angelos corpora assumere tantū à plerisque asseritur, & non à Terra, vel ab Aqua, nè à nostris oculis euanescendo Dæmonum technæ apertè apparerent; tunc toti in toto, ac in qualibet parte totius existunt; sed secus faciunt, cum corpus suscipiunt, vt solum moueant, quoniam tunc vel in extremo existunt, vel in medio in vno tantum loco versantur, de qua quidem re, ne quid amplius desideretur, dicam inferius; sed nunc vt aliquantulum tractem de eorum cognitione, enucleabo non illibenter hanc duplicem esse, vespertinam, atque matutinam, quarum prima sic dicta videtur, quod ex proprijs idæis seu speciebus emanans est suboscuro, quoniam ex hoc non omnes formæ vnico actu intelliguntur; sed cum quadam eorum successione, iam vna, iam altera, vt sibi lubet; sed diuersimodè prò diuersa eorum natura; semper enim cognoscendo, per species cognoscunt cuncta eorum indiuidua, & accidentia, & præsentia, & elapsa, quæ cognitio cum sit rerum naturalium, est bonis, malisque communis, nec mirares; etenim qui speculum videt, & imagines videt in eò relucentes, tuncque eorum actiones, quia totæ simul oriuntur, tempore discretò mensurantur, vti non Cœli motus, sed eorum intellectus præscribit momenta, horas, dies, hebdomadas, menses, & annos. Verum altera cognitio quæ matutina dicitur, est supræ earum

naturam; per eam enim vident omnia in Verbo vni-  
co intuitu, omnique æuo fruuntur, æternitate sibi  
impartita, quæ tota simul possessio est, suprâ omne  
tempus, id tamen non excludens, vt nec punctus  
circulum, cui vbique opponitur, dum ingitum ver-  
titur, cuius mensura, & quod mensuratur Deus est,  
qui vndique infinitus existens nullo clauditur ter-  
mino, primum rerum omnium initium, primaque  
omnis substantia. Sed vt ad explicandum redeam  
quod reliquum est de Angelis, referam quasi semper  
esse usurpatum, mitti inferiores, quamuis non dene-  
gauerim interdum aliter actum, ne dicam posse, vt  
clare demonstratur ex Angelo, qui accessit ad B,  
Virginem salutem dicturus, quem nullo pacto ex in-  
ferioribus esse decebat ob tantum, quod manifesta-  
ret mysterium, in quo Deus nobiscum, vt optimus,  
sele communicauit, facta est enim Dei Mater ex Vir-  
gine ante, & post partum, & ex Ancilla Domina;  
mirabile atque stupendum Sacramentum, lideis  
scandalum, garrulis ignoratio, solum Christianis  
Dei victus, quod ipsa iustificatione præstantius est,  
& mundi creatione eminentius. Quod etiam claret  
ex altero Angelo Christum in horto alloquente, atque  
exterius eum hortante, neque enim interius pote-  
rant ab Angelo immediate animam Christi, eiusque  
potentiæ excitari, sicut neque tentari, nisi vt ait D.  
Gregorius per externam suggestionem, quem ex præ-  
stantioribus esse conueniebat, ob eius quem horta-  
batur respectum, cõque magis quod eius sensibili  
obiecto refocillatus est, viribus ita lassus propter eius  
passionem in vnica sibi imaginẽ ostensam, vt sangui-  
nem quasi aquam effunderet, vnde Angelus propriũ  
corpus sibi assũpsit, quo Christus adẽ recreatus est vt  
du-

durissimam mortem sustinens, & nobis salutem abundantius mereretur, & sibi nomen super omne nomen compararet. Adde quod eū esse ex superioribus cōtinentens erat, vt ex eo sufficiens virtus efflueret, altior nāq; causa altiolem causat effectum, & mala prohibendo, & quæ prodest, virtutem procurando: alioquin cum nulla tunc temporis in Christo redundantia superiorum partium ad inferiores emanaret, quæ confortarentur, vt nec inferiorum ad superiores vlla animi perturbatio, vt: humana conditio fere, oportebat, nisi confortatus fuisset, Christum, & motum, & sensum omnino amittere, quo eius passio impediretur, quæ Dæmonis est ablata Tyrannis, & nostra salus effecta. At quamvis huic Angelo passio Christi nota esset, qui erat vnus de præstantioribus, latebat tamen Angelos inferiores: quod ita fuisse confirmatum videtur per Esaiam dicentem sub inferiorum nomine, quis est iste Rex Gloriæ, & per Apostolum, vt innotescat Principatibus, & Potestatibus per Ecclesiam: ex quo Hieronymus inquit Angelicas Potestates Incarnationis mysterium prorsus nesciuisse, donec esset impleta Christi Passio; quod tamen ad maiores nullo modo latuit, vt superior dixit.

\* \* \*

**Finis Libri Primi.**

DE

# DE ANGELIS.

Et occultis eorum operationibus.

A V T H O R E

IO. LAURENTIO ANANIA

T H E O L O G O

L I B E R S E C U N D V S .



**L** si ea breuitate, qua nobis concessum est narrauimus quo pacto Angeli, effecti sint omnes: suam propriam facultatem felicissimi ob diuinam visionem, & quonam pacto sint in tres Hierarchias diuisi, in nouem Choros distincti, deque nonnullis alijs rebus, quæ ad eorum substantiam, ac beatitudinem spectant, nihilominus tamē reliquum est, ne quid in hac re desiderari videatur, vt nonnihil tractetur de eorum mynisterijs, sed breuissimè, vt nobis moris est, in quibus Deo ictu, vt aiunt, oculi præsto adsunt, tum vt hanc celestem machinam moueant, vt iungitur, tum quod potissimū est, vt homines, qui ab æterno immutabili eius voluntate prædestinati sunt, his adiuncti, diuinæque gratiæ fulci regnum eis, antequam essent, præordinatum, à corporibus, quasi ab ergastulis soluti, liberique facti per filium ab omnibus miserijs, omni cum animi exul-

exultatione obtineant, & vnà cum Angelis in æternum gaudeant, & conregnent, quod mynisteriũ libentius agunt, partim quod ex hoc sese diuini operis cooperatorum esse, eos non fugit, partim etiã, quod nos satis, ac satis amant, atque hinc consequuntur aliquam beatitudinem, non vt eis aliquid desit na & beatitudini, quæ essentialis dicitur, sed vt eam in dies augeri certo sciant, quæ accidentaria est, cum Deus eis hanc tali merito non ascribat; quoniam nihil ex hac re contrà proprium commodum sentiunt, verum. tamen Deo conuenit ob suam liberalitatem, vt quãuis hi nolint, nec possint diuinis mandatis non obtemperare, etiã hanc, accidentaria scilicet postremo obtemperando, consequantur. Sed ne nostrum ordinem transgrediamur, iam dicendum videtur quonã modo Deus omnia, quæ sub natura lege reperiuntur, cuius caput Solem dicunt, continet, & conseruet, per Intelligentias Cœlorum motu, & planetarum, ac syderum lumine, & aspectu; atque etiã quonã pacto nos ad perpetuam per eos salutem consequendam disponat, & coadiuuat, sunt enim omnes administratorij spiritus interno, externoque mynisterio eius diuinę prouidentię, hominum linguis, & Angelorum ineffabilis, à qua nihil excluditur, nec in ea, cum causa sit vniuersalis, quicquam casu contingit, quam naturæ legem nonnunquam sinere, vt in particularibus erret, ne, quem debeant, effectum consequantur; ex summa Dei prouidentia prouenit, qui vel hac re, haud alijs concessa, prouentum elicit; nam aut propterea peccatores gratia resurgunt, ac mala patienter tollerando, maiorem, quam amisere, adipiscuntur, aut cadendo, amplius Dei iustitia, & misericordia elucescit, dum per hæc potiora mundi or-



*De Angelis, & occult. eor. oper. Lib. II. 33*

namenta apparent, & indicibili eius iudicio, iusto tamē cunctos præseiros ex præiis operibus reos peragit, & omnes prædestinatos gratis saluat. Hac igitur, quam cernimus tam immensa mundi machina, quamquam finita, infinitæ similis, aetherea scilicet, & elementaris ita à Deo in principio creata ordinataque fuit, vt omnia, quæ natura superiora sunt, inferiora disponant, & regant, quod factum est, vt spiritualis substantia corpoream ob maiorem eius excellentiam, moueat, gubernet, & conseruet, regioquæ cœlestis, à qua omnis virtus dependet, hanc nostram elementarem continuè foueat, cuius non temere rationibus Philosophus cuncta corporea supponit, alioqui enim nihil rerum produceretur nec consisteret, quoniam si in Cœlesti globo primum mobile non moueretur ab Oriente in Occidentem, spatio viginti quatuor horarum, ac alios orbes secum contrā enitentes non traheret, vario tamen motu, atquæ firmamentum, vbi stellæ fixæ sunt, tam tardè suum cursum non perageret, nec Sol moueretur cum alijs planetis in circulo obliquo, iam ad arctica signa, & iam ad antarctica, diuersimodè astra illuminando, nihil corruptionis neque generationis nobis eueniret, nec mixta, quin dissoluerentur, consistere possent, neque mutuo agere, quamuis non pauci, qui à Scoto sunt, id inficiantur, dum asseuerant esse contra naturæ nexum, cum per cœlestem motum rerum virtutes tantum determinentur, quo circà, firmiter teneant lapidē in aere cœlesti motu absque necessario corrūere, & stupamigni ad motam ex necessitate ardere. Addunt ad hæc nihil, quod hic apud nos vitam habet, sursum tenderet, nisi quæ sursum sunt deorsum influerent, vt ergo mundus persisteret, totque rerum species conseruarentur, atq;

ex influxa virtute operarentur, necesse fuit vt, in omnibus Cœlis, Angeli, quinimò in omnibus orbibus, & in astris, vt Platonici aiunt, quæ tantum mille, & viginti duo apparent, singulis singuli præessent, quò eos Orbes mouerent, astraquæ variè emicarent, ac eorum viuificum calorem ab hoc elementari, qui rebus inmiscetur, valdè diuersum fouerent, & dirigerent, etenim, sine ipsis tam variij motus existere non possent, nec diuersi influxus congruè operari; non enim coelestes orbes à propria forma mouentur, vt aqua & ignis, quemadmodum quidam noster Philosophus in pluribus quidem rebus, de quibus nouiter tractat, non contemnendus mihi affirmare nitebatur, quoniam haud conuenit tam nobili subiecto, vt est Cœlum, hæc tam vilis forma, quæ tantum moueat, cum & herbæ, & plantæ habeant, præter motum vim nanciscendi meliorem formam, & bruta eam, quâ sentiunt, longè illa potiore, atquæ omnes motus tandem existant propter quietem; sed mouentur ab intelligentijs, quæ se habent vt orbium, Planetarũ, & astrorũ formæ non quidem informantes, sed assistentes, vt clarè Astrologi manifestant propter diuersos Orbes, variosq; motus in epiciclis, quod, & affirmant nostri Theologi ex Iob autoritate referentis, corâ Deo curuâtur qui portant orbes, & ex David canente qui fecit Celos in intellectu, Angelos scilicet, vt eos moueant, vt vel ex hoc dicto claret, virtutes Cœlorum mouebuntur, & ex D. Petro Apostolorum Principe dum dicit Cœli magno impetu transibunt, quo scilicet ignis gliscens terram, cœteraquæ elementa cōbureret, cœliq; omnes proprios motus complerent, ne aliquid imperfectum remaneret, in quâ profecto re nihil discrepant à Philosophis præsertim Peripateticis,

cis, qui Cœlos intelligentiarum virtute moueri omnibus nervis contendunt, quam imprimunt propria applicatione, non sua expansa per Orbis essentialia, cum in Cœlis non assistant quasi formæ, vti modo innuimus totæ in toto, ac in qualibet parte totius, vti animæ in nostris corporibus, veluti censent Platonicî, & Arabes, & nonnulli Theolgi, qui Cœlos animatos affirmant, vna cum Origene, sed tanquam in vno loco existentes, vt Scholastici ferè omnes sentiunt, necnon & Cabalistæ, quorum opiniones libenter refero, non quod eas firmis rationibus fultas rear, sed potius vt cognita earum imbecillitate habeantur, pro vt sunt, tanquã commentitiæ, & nullius ponderis: aiunt enim Cœlos moueri ab Angelis per decem attributa, quæ Hebræi appellant, Keter, Kochma, Binà, Tipheret, Ghedullà, Gheburà, Hod, Nefach, Iesod, & Malchut, quæ apud nos valent quantum, Corona, sapientia, intelligentia, benignitas, fortitudo, venustas, valor, decus, fundamentum, & festum; per quæ quidem attributa varios influxus à Cœlo empyreo eos arripere, & in inferioribus Cœlis, & planetis eorum motu effundere referunt Mechubales, vnde non modo tempora variant, sed etiam diuersas nobis, & Corporis, & Animi qualitates succedere sibi persuadent, quo certè motu non beantur, cum æternus non sit, cœli enim transibunt, inquit Propheta, & eorum actio, ob quam eos Deus effinxit; multo eminentior est actio, qua Angeli beantur, quàm hæc temporanea, quam Philosophus eis ascribit, est enim Diuinæ essentialis contemplatio. Quo liquet perperam Aristotelem rimatum esse intelligentiarum numerum ex cœlestibus orbibus, vbi non Cœli, vt Angeli sint, in causa fuerunt, sed Dei opti-

mi maximi summa bonitas, mundi perfectio, specierum conseruatio, atque singulorum quoque nostrum custodiendi necessitas, cum propter quodd unumquodque tale, & illud magis, facta namque sunt omnia, propter hominem, quem idcirco magnum in mundo miraculum appellauit Habdala Saracenus, & ipsa met veritas omnem creaturam, vt Ite, & prædicate Euangelium omni Creaturæ, cuius anathomiam tantopere admiratur Galenus medicorum primus, vt vel ex hac Deum nosci infinitæ sapientiæ posse innuit, necnon hominem in principio natura mortalem præstare cunctis alijs rebus; cum huius causa sint vnita vltima, primis, cæteraque, quæ æterna non sunt, trahantur quodammodo ad immortalitatis perpetuū gradū per hominum resurrectionem quasi eorum materiam trahentium. Sed ne amplius digrediar, redeam vnde recessi, referamque Angelorum numerum non modo excedere cœlestes Orbes, qui sunt quinquaginta octo, vt Philosopho placet, sed omnium specierum multitudinem; quinimò cunctos quos custodiunt homines, quorum sententiæ inhærere videntur Thalmudistæ, qui quamuis verū asseuerant, tamen cōmentitiū est, quod ad id probandum referunt, videlicet totum spatium, quod interiacet hinc vsquē ad firmamentum, plenum esse candidis intelligentijs; ac melius Rabbi Moyse, qui sedulo de hac re considerans, affirmat eorum cætum esse propemodum infinitum, nec non & Dyonisius Areōpagita, qui inquit, multi sunt beati exercitus excedentes penē omnem nostrorum numerorum naturalium commensurationem, & propterea dicerem, non ritē sentire Albertum Magnum, dum imaginatur Angelorum numerum sciri posse ex hoc dicto Danielis, millia millium ministrabant

bant ei, & decies centena millia assistebant ei, nec Cabalistas; dum asserunt per quasdam eorum summas Angelos esse tercentum, & vnum millia millium, sexcentum, & quinquaginta millia centum, & septuaginta duos, nec etiam quosdam neothericos Theologantes, qui singulis ordinibus superioribus semper augendo decuplam multiplicationem (ad eundem modum, quo elementis superioribus, pariterque orbibus eandem decuplam proportionem nonnulli assignant) affirmant eorum legiones esse centies milles millia millium, quæ comprehendunt quatuor millia nouies centum, nonaginta quinque millia millium, sexaginta duo millia sexcentum, & sexdecim; quos omnes scopum non collinasse, dummodò mihi permittatur, dicerem, non Albertum Magnum, cum frequenter Prophetæ vtantur numero determinato pro indeterminato, nec secretiores Mechubales, cum per eorum summas, quas singulas multiplicant per triginta, tantum narrent vt ipsorum moris est, & non probent, quemadmodum in tantæ rei veritate indaganda debebant, nequè illos etiam neotericos Theologos, qui Angelorum certum numerum inuenisse arbitrati sunt elementorum, Cœlorumquæ positione, & magnitudine, cum in his nulla talis mensura certa reperiatur, nec si reperiretur, talis proportio aliquid valeret, vbi spiritualis naturæ haud sit vlla analogia cum corporea, nisi ex cœlesti reuelatione, quæ nondum habita est. At prius quam redeam ad metam, à qua digressus sum, cum simus tractaturi de motibus Cœlorum, de intelligentijs mouentibus, earumque mutatione, necnon præsentia, quam singulæ super has res inferiores obtinent, opere præciū duxi aliqua præfari, nè vlla hac in re lectori iniiciatur religio, quod videlicet cum de his diuersimodè  
agent

agant Cabalistræ, & Astrologi, vt videbimus, nos potius opinioni Cabalistarum, quam Astrologorum, adhærebimus; non quod fidem eorum dictis indubiâ habeamus, scimus enim multa parum coherentia dicere, quædam omnino incerta, quædam verò probabilia tantum; attamen in hac materia mihi videntur magis ad veritatem accedere, quam Astrologi, cum rerum inferiorum gubernationem, seu variationem, referunt ad intelligentias motrices, earumque mutationem, & non ad aspectus, & positiones Planetarû, quemadmodum faciunt Astrologi; quod quidem quâuis certum omnino non sit, cum non innitatur neque reuelationi diuinæ, neque Patrum apertæ assertioni, sed tantum coniecturis; nihilominus nostræ religioni minimè aduersatur, imò magis consonat, quam Astrologorum effata. Cum hac igitur cautione accipienda suat, quæ ex ipsorum sententia deinceps hac in re proferemus, quibus præhabitis redeamus ad seriè narrationis intercissam. Inquiunt enim Angelos non semper eosdem in mouendis coelis assistere, vt falso Philosophus imaginatur, sed mutari ad tempus quemadmodum sentiunt, qui de rebus arcanis tractarunt. Non quod ex hoc motu vlllo pacto defatigentur, cum de his sint, quos Theologi Virtutes appellant, eisquæ materia ad nutum circa motum obtemperet, eosquæ moueant virtutis contactu quâ imprimunt, vt expedire vident, æternis rationibus obsequentes, sed ex Diuina præordinatione tempus ad mouendum, cuiquæ illarû præfiniente, vnde author de causis faciliè pronunciat intelligentias Cœlos mouere, tanquam diuina organa, haud namquæ feruntur ad ea, quæ ad finem attinent, nisi vt supernè præordinatum est, neque consequitur aliquid ex hac re quod contradicat; regendi enim virtus à Deo est,

&amp;

*De Angelis, & occul. eor. oper. Lib. II. 39*

& Angeli per se cum intellectuales existant, actiones tantum intellectuales exequentur, quos quia ministri sunt mutari in regimine conuenit ob rerum mutationem, sed non tam cito, vt de coeteris Angelis fieri Cabalistarum opinio fert, quibus Deus vt Dux suis inferioribus ministris vititur, quo nos à Dæmonum multitudine conseruent, & tueantur, nos utique opprimere conantium, assistunt ergò tamdiù vt opus est, sed inæquales non propter motum, quasi intelligentiæ quadam proportionē Cœlos moueant, vt sibi sentit Auërrøes, dicens nonum motorem decimum mobile, (tot enim Cœlos Astrónomi asserunt propter trepidationis motum), haud mouere posse, nequē intelligentiæ, quæ firmamento præest illud moueret, si aliud astrum adderetur, nec quæ præest Saturno firmamentum, nec quæ Iouis orbi Saturni Cœlum, quandoquidem Cœli coniunctos motores non habent, vt eos figura, quantitate, ac motu informet, nec motus est de actionibus immanentibus, vbi omni conatu trahuntur, verum de transeuntibus in quibus variò nisu sese accomodare sibi integrum est, motus enim causatur à cognitione, & voluntate, vti sentit Dionysius dum inquit, habent Angeli substantias, virtutes, & operationes intellectuales, quibus materia dum propria essentia adsint, in qua voluntas quasi virtus in radice consistit eis nullo negotio obedit. Hinc diuersimodè attemperare motus planetarum videntur pro rerum inferiorum generationibus, quod ita esse manifestatur ex pari penè Solis cursu cum Vehere, & Mercurio, qui si vt reliqui planetae multum deformi motu mouerentur nihil generationis in rebus continuaret, concurrunt enim hi in rerum productione amplius, vt inquit Thomas

quam

quam alij; neque enim motus dumtaxat Solis causa-  
 harum inferiorum mutationum existit, quod patet  
 ex Solis retrocessione, Ezechia Rege, qui è vestigio  
 decem lineas retrocedens dominum secundarū cau-  
 sarum se non esse subinnuit, hac enim retrocessione,  
 non decem anni ei, sed quindecim additi sunt contrā  
 Astrologorum directionem, atque idem quoque ex  
 eiusdem mora, Iosue præliante, dum Sol præter na-  
 turæ ordinem staret; nec non ex eclipſi in Domini  
 Nostri Iesu Christi morte, in plenilunio. dum Luna  
 ita suum cursum accelerasse visa est, vt Dionysium  
 exclamasse aiunt, aut Deus naturæ patitur, aut to-  
 ta mundi machina destruetur, id quod acturum su-  
 spicio est, prope sæculi finem; cum firmamentum  
 multo velocius mouendum cogitent, vt suum cursum  
 compleat, ne aliquid imperfectum relinquatur, quod  
 itidem innuere suspiciantur Diuum Petrum Aposto-  
 lorum Principem dicentem, veniet dies sicuti fur, in  
 quo Cœli magno impetu transibunt; quod iam fieri  
 tradunt ex motu Solis, quem citius impræsentiarum,  
 quam antea ad Terræ Centrum, appropinquare Car-  
 danus meminit. Ex his ergò supradictis perspicuum  
 videtur Angelos inæquales in Cœlis assistere non  
 propter morum tantum. vt dictum est, sed propter  
 diuersum influxum quò superius haustum eum per  
 Cœlestes Orbes ad hæc inferiora insuenerent, ac diri-  
 gerent, varium prò varia eorum inæqualitate distri-  
 buerent, atque hoc nihil à recto ordine recedit; cum  
 omne receptum recipientis naturam sapiat; qui qui-  
 dem influxus transeuntis more ad inferiora impressus  
 quid verè sit, ac quonam pacto operetur nihil mirum  
 est, si adhuc ignoratur, sicut & qua virtute magnes  
 trahit ferrum, cum Cœli empyrei vnde influxum  
 emanare



*De Angelis; & occult. eor. oper. Lib. II. 41*

emanare referunt, & intelligentiarum natura eum effundentium; nos omnino aufugiat. Hunc ergo prius ab ipso Cœlo Empyreo, ceu suprema vniuersi parte, in alios Cœlos naturales diffundi volunt, qui de rebus abditis tractarunt per supramundanos Angelos à Dei essentia, vt à primo fonte haustum per decem Sephirot, satius quam habent Astrologi, qui firmiter diffundi tradunt à Cœli vario motu ac diuerso planetarum aspectu, & lumine iam aucto, iam imminuto, in qua profecto re hallucinati creduntur, vbi astra per se influxum non mandent, cum potius sint instrumenta, & signa, quam causæ, sed Angeli, qui eum superne susceptum pro eorum substantiis diuersificant, & cum incorporei existant diuersos influxus ex eorum meliori natura effundunt, vt beatorum animas varium lumen pro varijs meritis in Cœlo effundere minimè abnuat Henricus à Gandauo Theologus non vulgaris, quo varias beatorum sedes effici referunt nonnulli classici authores, quod etiam ab eisdem peractum legimus, cum ad nos destinantur ex corporeo, quod assumunt, velamine; sed diuersimodè pro eorum naturæ diuersa excellentia; cuius luminis splendor, quoniam à gloriæ lumine voluntariè prouenit faciliè queunt alijs subtrahere vt volunt, licet vltra præfixum terminum haud augere queant, cum gloria nobis proprio merito respondeat; quem tamen vel ipsis absentibus, etiam per infinitam forè distantiam in Cœlo empyreo minimè deesse aiunt, neque id tam absonum videtur, vt religiosum sit: nam si hoc lumen quod oculis cernitur, cum sensibile existat ab intelligentijs ad astra diffundi. Alexander Achillinus non denegat, nec etiam Cabalista, dum referunt Solis lucem vmbra esse pro ea, quam

habent Celi empyrei diuini Spiritus, cur influxus, qui calor non est, vt plerique arbitrantur; cum superior sit qualitas, occultaque virtus, quæ nullo attingitur sensu, non proueniat ab eisdem, quem cum cælesti lumine allatum inferiores Angelos, qui in hac elementorū regione versantur, ob mundi necessitatem, specierumque conseruationem, nostramque custodiam à Dæmonum perfidia, ita fouere Talmudistæ fatentur, vt diuinitus iniungitur, quò cuncta sensibilia demissum secundum loca, & tempora rerumque proprietates, proprium ac conformem hauriant; ex quo res non modo producuntur, sed conseruantur, quod ita esse vel ipsa Ecclesia, qua nihil est certius, demonstrat per consuetas roagationes ad proprium influxum impetrandum, ac per exorcismos ad fugandam anni sterilitatem; quo circa qui tractant de rebus abstrusis satis concinnè exponere videntur, Sol, & homo generant hominem, dum intelligunt non tantum de Solis calore in humano semine, verum de Solis intelligentia quam aiunt ita per suos inferiores Angelos influxum moderari, vt Dei inscrutabilibus, iustis tamen placitis respondeat, nec planè penitus absconam opinantur, opus enim naturæ opus est intelligentiæ: ad quod forsitan alludit D. Thomas, dum inquit animalia imperfecta è naturæ gremio per se educi respectu Celi; nam si spiritalis natura corporeæ non assisteret, ac superior inferiorem non gubernaret, dicant quæso, quis in puncto effingit in animalibus, quæ ex putri materia producuntur, tot tantaque hetherogenea membra, vt confestim nata motu, sensu viuant vti nos sæpe fieri vidimus in æstiuâ pluuiâ circa ranunculos, calor tantummodo, ac Cælum cum planetarum radijs absit cum

*De Angelis, & ocul. eor. oper. Lib. I I. 43*

cum quæ producuntur, ex agente à proposito produci opus est; cœteroqui natura ad plura tenderet contrà Philosophum dicentem, naturam solummodo ad vnum tendere; omitto quod haud tamdiu rerum species durarent, vt tempori coexisterent, quas Philosophus tanta cum sollicitudine Deum curare refert, vt si vel vna decisset, sapientes non iniuria meditati sunt, totum hoc mundi Theatrum corruere, quæ cum à Cœlestibus vultibus pendeant non abs re sentiunt non esse herbam, non fruticem, non plantam, nec animal, quod stella ex firmamento non percutiat, nequæ etiam virtutes, quas à propria substantia appellant, rerum sensibilia haberent nisi Angeli eas subministrarent, nec si haberent, vllò pacto, cum hæ ex elementari qualitate non procedunt sciri possent, quibus tot tantisque morbis nostris medicaremur, & ex originis crimine, & ex nostris flagitijs insurgentibus, quæ vt interdum vel nouæ ægritudines pullulent in causa sunt; atquæ adeo vt. tot tantæque in nos mala hac nostra memoria, tam diuturna, sæua, acria, noxia, ac frequentia irruant, vt pauperes rerum penuria oppressi vix vitam ducant, quod etiam ita esse vel ipsa animalia superius mota nobis manifestari videntur, dum per semetipsa in eorum periculis, & necessitatibus propria, quo conualescant, remedia reperiunt in morbis, in quos incidunt atrociores ob corruptam mundi harmoniam propter Adæ peccatum, quo vel nobis ipsos rebellasse autumant, ne dicam elementa, & mixta, quæ aliquantulum à propria quam prius obtinebant virtute diminuta videntur, ad quæ reperienda non modo bruta, quæ voluntate non mouentur, sed ne homo ipse propter peccatum deturpatus idoneus existeret; & ideo nisi

à propria intelligentia horum vnaquæquæ species ad necessaria remedia consequenda commoueretur nulli tempori coexisterent quemadmodum inferius ostenditur. Ex quibus intelligentijs cæli assistentibus septem quasi Principes planetis præsidere tradunt, quas varijs his medijs dominandi vicissitudine pro diuerso signorum aspectu Cæli influentias dirigere nihil dubii est apud Platonicos alijs Philosophis religiosiores, & propterea magis veridicos, à quibus etiam produunt cuncta animalia gignendi vim suscipere omniaque semina propriam suipsorum produchdi virtutem sortiri, perinde quasi fieri aiunt de animi donis naturalibus, quæ nobis à Deo tribuuntur, non tamen absque nostri arbitrii facultate, eorumque Angelorum medio, quos Hebræi vocant Ischim, sed non sic fieri aiunt de his quas inspirationes nuncupant, cum ab ipso Spiritus Sancti impulsu sine vlllo cœlesti medio exhiberi referunt, Deus namque solus est, qui nos supranaturali perfectione mouet, vt per Theologicas virtutes operemur, & non cœlestis influxus, vt ferè omnes Astrologi tenent, qui quæcumque nobis contingunt astris ascribunt, quandoquidem astra influxum per semetipsa haud habent, nec si haberent circa intelligentias rectè distribui posset, vt ergo res consisterent, ac ordo necessarius in cunctis rebus obseruaretur, necesse fuit hanc corpoream naturam per spiritalem regi, ac gubernari, quod benè S. Augustinus per quam ritè sentit inquiring, omnium primam, & vltimam causam cuncta in cunctis, & singula in singulis operantem, corpoream per spiritalem naturam gubernare, pariter, & D. Gregorius dum affirmat in omnibus rebus Deum corporaliter Angelis vti, & Philosophi dum dicunt ex astrorum lumine

ne quicquid hic gignitur excitari : nec non & diuerfa nobis dona exhiberi vti à Saturno qui primo quoque mense vnicuique partui propria quadam influentia, præsidet, vt iactum in vulua semen retineatur, & à Luna vt augeatur, & sic ex ordine alia ab aliis planetis infundi, vnde fit, vt per eundem Saturnum octimestres partus nullibi sint vitales, præterquam in Naxo Insula, & in Ægypto ob magnam regionum temperiem, à quo nobis solertiam dari tradunt per quamdam dispositionem temperamentis, & occultas qualitates, sicuti à Ioue dominium, animi vigorem à Marte, sicuti & à Sole sensuum claritatem influi, amoris ardorem à Venere, & à Mercurio interpretandi acumen, ac à Luna omnium planetarum influxuum receptrice, gignendi fecunditatem ; ita tamen vt singulæ requirunt mortalium necessitates. His intelligentijs nomina propria indere Cabalistæ, & Mechubales ausi sunt contra Ecclesiæ institutum, quæ non agnoscit, neque admittit, nisi tria illa Angelorum nomina, Michael scilicet, Gabriel, & Raphael, quæ nos quoque præter hæc tria, reiicimus, quamuis ipsi se fecisse profiteantur, vt mox videbimus, ob quamdam analogiam, quam habent illæ intelligentiæ cum officio seu ministerio, quo perfungi volunt. Vocant igitur illas intelligentias Gabriel, Raphael, Kananel, Azrael, Sciamiel, & Vriel, quæ si rectè interpretantur, valent apud nos, quantum Dei robur, medela, gratia, potestas, auditus, iustitia, & lux. Et vltius progressi, quamlibet intelligentiam, quam cuique ex Planetis assignant proprio nomine nuncupant, quod etiam ineptum esse, seu saltem incertum omnino fatemur, vt ea, quæ Lunæ præsidet dicitur Gabriel, quæ Mer-

cu-

curio Ariel, quæ Veneri Vriel, quæ Soli Michael nuncupari referunt, & vt opinantur, non absque misterio, sicut nec reliqua forsitan Hebræorū more, qui imposuerunt nomina secundum rerū significata, quā intelligentiam, nomine Michael propterea Dei vultū nominant, aliasque omnes omnium Cælestiū Orbium, tum inferiorum, tum superiorum itā excedere perhibent; vt Sol proprio lumine excedit alia cuncta, astra, dum suum omnibus alijs flectens nihil ex eis reflexum ob intensam eius virtutem suscipit, quinimō quicquid reliqua sydera faciunt, & ipsum quoque facere narrant; vnde non ab re dicitur fons cœlestis lucis, cor Cæli, mundi oculus, vitæ lumen, naturalis legis Princeps, & hominum Pater, nauigantium scopus, ac itinerantium norma, & nihil sensibilibus, quod is virtute non contineat, foueat, & efficiat, & denique non conseruet animantibus imperfectis formas ex putri materia, vt perfectis ex proprio vnus cuiusque semine educens, & nobis materiam disponens, nec quicquam dixeris extrā rerum ordinem, continet enim omnium rerum formas substantiales, & accidentarias præter nostras animas, quæ deforis veniunt, nec ijs, quos informant priores existunt, vt Plato, & Origenes perperam imaginabantur, atque adeo eum perfectius, ac latius in virtutibus operari referunt, quam res ipsas in proprio genere; cum ex eius influentia perfectior virtus rebus imprimatur, quam ex propria ipsarum substantia. Quamquam non admitto id quod nonnulli dicunt de ceræ imagine sub proprio influxu elaborata, habente vim sistendi sanguinem, quæ ei nec vt subiecto, nec vt imagini conuenit, cum per naturam saphiro, & non ceræ conueniat, neque vt imagini, cum imago consistat in

ter-

tertio qualitarum genere, neque id quod aiunt de  
scorpione effictio sub scorpionis ingressu, contra scor-  
pionum morsus, atque de aliis pluribus rebus, veluti  
Iatro-Mathematici produnt, quæ non per influxum,  
acceptum à Cælo, vt ipsi volunt sed per tacitum pa-  
ctum Dæmonis operantur, licet Caietanus non pro-  
fusus id abnuat non tribuens quidem figuræ, sed mate-  
riæ. Sed his omissis redeamus ad Solem cui nonnulli  
tantum deferunt, vt dicant, talē nobis esse animum,  
qualem Sol habet cursum in signis, Homerum imita-  
ti, qui ait, tales mentes mortalibus esse, quales quo-  
tidie dat summi rector Olympi; Quem propterea re-  
ferunt ritè obtinuisse medium locum inter planetas,  
vt Astrologi probant ex vmbra, cursu, ac aspectuum  
diuersitate, vt etiam sentiunt Caldæi contra Ægy-  
ptiorum opinionem; cum immediatè suprâ Lunam  
locantium, sed non ritè quoniam cum omnes Stellæ  
ex eo nobis eluceant, influxumquē per eius lumen ef-  
fundant, atque alii cuncti planetæ proprios cursus  
ex eo dirigant, vnusquisquē tamen suum id nullo mo-  
do effici posset, nisi is in eorum medio consisteret ac  
Eclipticam non excederet, quemadmodum si cor ho-  
minis non esset in corporis dimidio homo non viveret;  
namquē si secus foret extrema nimis frigerent, aut  
propinqua nimis calerent. Omitto quod sydera, quo  
nobis emicant, eius splendore emicant, sicut cæteri  
planetæ suos motus ad eiusdem motus dirigunt, omne  
enim irregulare per regulare dirigitur, nec ad nos  
astra influxum, si de eius lumine benè effluerent, quo  
aliquantulum suspenso, nihil consisteret nisi ex mira-  
culo, vt factum est in Christi passione, cum licet Sol  
Lunam excedat octuagies, & haud fieri potest, quin  
eius vel modica passio summopere rebus inferioribus

non

non officiat; attamen tunc cū totus eclypsaerit, quemadmodum bene annotat Phlego Olympiadum supputator, ac etiam Tertullianus; nihil mortalibus offecit; sicut etiam quod Celi, Terræquē animantia, stante Celi machina cum Sol sterit, mouerentur, dum Iosue præliaretur, fuit speciale munus diuinæ prouidentiae; nec Philosophus abludivit ab hac re; qui ait, datur natura in omni genere primum, quo cessante cessant omnia eiusdem generis, proinde haud crassa minerua confirmant Solem esse omnium rerum naturalium, ac specierum sensibilibus vehiculum, quem non abs re Platonici Regem Celi appellant; eiusque radios animam mundi existimant; cui legem Fati Pythagorici ascribunt; (sic futurarum rerum seriem in secundis causis existentem vocant) & Hebræi eius intelligentiam Michael ut dictum est nuncupant; quo nomine si is Angelus appellatur; qui altercatus est cum Lucifero Dei similitudinem appetente, nihil refert, sicuti nec si eodem nuncupatur, qui ad magna denuncianda mysteria raro non destinatur, etenim sub vno nomine plures Angeli; vel diuersi ordinis assidue appellantur, eorum namquē nomina officium, & non naturam indicant ex quibus Hebræi, ut de more fabulantur, quorumque dicta nihil pensi facio, volunt intelligentiam, quæ præsidet Marti nuncupari Sciamiel, & quæ Ioui Sadchiel, & quæ Saturno Ariel, quas nonnulli ex varijs Choris putant, quod tam diuersas voces sortitæ sunt, quemadmodum quæ nonum Cælum mouet dicitur Cherub, quæ & firmamentum Sciarub, hoc ardor peragit ob Stellarum lumina, & illud scientia, qua opus habet, ut alios orbes iustè moueat, ex quibus, ut iidem opinantur, nullo tamen nixi fundamento, quæ assistit Saturno est



*De Angelis, & occult. eor. oper. Lib. I 149.*

ex Thronis , vt & quæ Ioui , & Marti ex Potestati-  
bus , quæ Soli præsidet ex Archangelis , ac quæ alios  
orbes inferiores mouent ex Angelis ; nihilominus  
equidem eos non bene sentire dicerem cum in hac re  
dissentiant à Theologis , qui hoc officium solum Vir-  
tutibus attribuunt vti claret ex hoc , virtutes Cælorū  
mouēbuntur ; verum itā eas denominatas putarem  
non quod sint ex diuersis ordinibus , sed propter eo-  
rum multiplicem virtutem , ac varia quibus fungun-  
tur officia , quas ex inscrutabili Dei sibi iniuncto  
præcepto , vario Cælorum motu , ac inæquali influxu  
hunc mundum inferiorem , cælū Principes ad tempus  
regere Mechubales credunt , non enim continuè eus  
regere , vt Philosophus opinabatur , sed solum ter-  
centum , & quinquaginta quatuor annos , & sex men-  
ses , asserunt , sed nullo fundamento , non pauci , qui  
de rebus secretis scripserunt , quibus completis alias  
potestatem inire volunt ; ex quibus omnibus extitisse  
aiunt Michael , quæ mundum rexit , pro Astrologorum  
sententia dicentium Solem in Ariete , in quo exalta-  
tur , tempus aperuisse ; vnde Hebræi huius rei haud  
nescij suum annum in eorum ceremonijs inchoant ,  
& Abraham Isaac filium immolare iussus est , quo  
figura figuratum , & tempore , & loco repræsentaretur ,  
& tādē eodē mense Israel ab Ægyptiaca seruitute  
ereptum perhibent , & dominum nostrum in vtero  
Matris Sanctissimæ conceptum , & mortem passum ,  
vt pœna crimini eodem mense , & die ad vnguem re-  
sponderet , quo etiam et Abel in eius figura ligno  
peremptus est . Quibus intelligentijs proprios Ange-  
los sub esse volunt quemadmodum Gabrieli , qui ele-  
menta , & animatorum corpora regunt , & Michaeli ,  
qui proprium influxū ad nos Solis radijs allatum di-

tribuunt, vt cœlitus iniungitur, idem iuxta ipsorum placitum dicendum videtur de cunctis alijs intelligentijs, ad quam rem respexisse suspicio est, quod legitur in Psalmis, per dies Sol non vret te, nequẽ Luna per noctem, Angelis scilicet animales, vitales, quẽ spiritus à malo influxu præseruantibus, alioqui noceret, quibus spiritibus succumbentibus ad quẽ non incideremus mala dæmonum malitia, & astutia, continenter nobis officere vigilantium. Hinc inferunt, qui harum regnandi vicissitudines ponunt eos, qui illas non ignorant, aut qui Cabalam cum Astrologia coniungere, vt alibi dictum memini, benẽ sciuerit, non pacta quã à Cœlo nobis ventura sunt, certius quam purum Astrologum præscire, nulla enim hic potestas erigitur, quin prius Cœlestis non humiletur, sicuti retulimus in libro de natura Dæmonum ex Pici autoritate, magis namque intelligentiarum mutationes ipsi dicunt, quam Cometarum apparitiones, ac planetarum etiam coniunctiones, excidia & minas, dignitates, & dominia causant, perdunt, & propterea neque regna, neque regiones, neque Vrbes, neque familias ab hostibus expugnari contingit, nisi Angeli ea protegere destiterint, veluti satis claret per Isaïam Prophetam dicentem, aufertur sapem, quã est Angelorum custodia, & erit in conculationem gentium, veluti etiam claret ex Angelorum voce Hierosolymis à multis percepta emigremus hinc, quã audita aëntum Iudæorum animi, qui in defendenda eorum Patria, & libertate pertinacissimi erant, ita prosternati sunt, vt confestim Sancta Ciuitas hostibus diruenda succubuerit, veluti etiam liquet ex Angelo qui apud Rhodios apparuit supra eorum vrbs mania, sub Equitis forma, dum

Tur-

Turcarum exercitus in humum exponeretur, qui semel visus subinnuit, haud eos amplius protecturus, cuius ostento Turcæ facti audaciores tota Insula potiti sunt, sciunt enim haud incassum Prophetam cecinisse frustra vigilat, nisi Dominus custodierit. Civitatem, qui custodit eam, quos Angelos non semper singulos assistere in vrbibus claret, ex Hierosolymis expugnandis, vbi plures auditi sunt, nec mirum, accurrunt enim præter Custodes, & alii in earum virgentibus necessitatibus, præsertim cum plures, quos acturi sunt, effectus occurrunt aut plures insunt Dæmones impulsores, non quod vnus Satis non esset, verum id Deus facit sua, qua nos prosequitur, magna pietate, quo scilicet nos hæc videndo maiores ei gratias exhibeamus, cum referre non possimus, ac libentius à peccatis abstineamus, quod largè patet ex magno catu eorum, sub equorum curruumque similitudine Helisæo eiusque puero Giezi apparentium, nec non ex Salomonis templo, quod dum Heliodorus ingredi vellet, Domini Thesauros erepturus ab eisdem verberibus cæsus, vix semivivus relictus est, at nihil mirandum, tunc enim Tempia erant tantummodo sub Angelorum protectione, quoniam nondum Christus Sanctus Sanctorum venerat, nec Sancti Dei videbant, quo nos tuerentur, quod etiam liquet ex loco, quem Domini castra Iacob denominavit propter Angelorum ibi visorum magnam turbam, quorum accessu nos corroborati, facile nostros adversarios licet præpotentes vincimus, alioquin nos vincerent, quod & Pithagorici & Platonici, etiam nihil in sacris differentes sentiunt, dum confirmant summo perè nobis proprios Genios in periculis prodesse, qui quod magis vni, quam alij proprii sunt, id Scotistæ

tistæ animarum præstantiæ ascribunt, vt Astrologi feliciori Horoscopo, & Cabalistæ numero, nomini, & professioni; Ad quod respexerunt qui Hetrusca disciplina eruditæ, admodum curabant propria vrbium numina magno sacramento oculi: his enim enulga-  
tis Genios ab earum tutela euocari posse sibi crede-  
bant, ex quo Romani, qui vt non poterant Phrygijs  
artem militarem acceptam non referre, ita Thulcis  
Religionē, & præcipuè in expugnandis Vrbibus se ea-  
rum Dijs (sic tutelares Genios appellarunt) proprios  
cultus, nè sibi earum ruinæ displicerentur, in Vrbe ex-  
hibuituros potestabantur, agrè enim ferre vrbium de-  
structiones Angelos cogitabant, vnde forsan euenit vt  
ingruentibus calamitatibus, varia signa, & portenta,  
ostendantur ab Angelis ob nostram, quò corrigamur,  
causam, & Sanctorum imagines sanguinem, nedum  
lachrymas effundant, nec non & Cometæ in aere ap-  
pareant, & in Terra, & in Mari multa portenta in-  
quibus præsidere ferunt, vt ea loca in proprijs termi-  
nis, quos Deus certa quadam lege præfixit, retine-  
ant, eaquē conseruent, quoniam nisi hi adessent, qui  
Dæmones arcerent à patrandis, quæ possunt, malis,  
aqua magnam Terræ partem ob eorum perfidiam, &  
iniquitatem operirent, & aerem igne comburerent,  
& deniquè cuncta sensim destruerent, & propterea  
Iob Dei afflatus numine inquit, circundedi illud (de  
mari verba faciens) terminis meis, & posui vestem,  
& ostia, Angelos scilicet, & dixi hucusque venias, &  
amplius non procedas; atquè Dauid posuit ea termi-  
nis suis, quos non transcendat; Hocquē ob cælestes  
planetarum Dæmones, sic eos appellant, qui abdita  
litteris tradiderunt, non quod eorum orbibus assi-  
stant, sed quod eò interdum tendant, vt propitios in-  
fluxus

*De Angelis, & occult.eor.oper.Lib.II.5;*

fluxus prohibeant ; quos propterea tendere vsque ad firmamentum , quod à Centro distare Astrologi ferunt, Terræ diametris duobus, & viginti mille, sexcentum , & duodecim , sed sic dictos volunt , quod malignis eorum influxibus, quibus in pœnis infligendis contra nos vtuntur , tanquam Dracones vtrique inuigilant, quas nobis vt vellent , infligerent, nisi à proprijs Angelis prohiberentur ; id manifestatur ex Pharaonis Magis qui tertium prohibiti defecerunt, & ex Balaam harioło , qui vt noxium influxum captaret dira in Israel imprecaturus , plures montes peragrauit , iugiter loca opportuna , & tempora obseruans , sed incassum cum nequiret ab Angelis impeditus maligno influxu intercepto : nam si aliter foret , vt semper Dæmones attenti sunt mortalibus noxas inferre, nihil esset quod in particularibus Regionibus non destruerent , in omnibus enim nequeunt ob præsidentes Archangelos naturæ ordinem conseruantes, vt sibi placeret turbine, procellis, fulmine, grandine, & vredine noxam inferre, naturalibus enim naturalia raro non pessundant : tamen si minimè inficiarer, aliter nocere posse ob imperium, quo pollent circà materiam, vnde messes excantatæ sunt, ac de vno loco ad alium translatae, quod tunc maximè intendunt hi Dæmones, cum quibus obesse enituntur eorum influxus propitios, quadam coniectura consequuntur, eosque impediunt & sunt ex ijs qui conuersi ad infima à Deo auersi sunt, quos Platonici terrestres vocant, ex quibus plures cum eorum Ophineo ruisse volunt, hoc nomine Luciferum nuncupant, quamquam Diuus Gregorius refragetur huic opinioni asserens amplio-rem numerum ex præstantioribus cecidisse, & ratus quod eorum peccatum emanauit à superbis fonte,

Quo igitur hos cohiberent Angeli eis præfecti sunt, quorum præfectura dabitur, ut nos, mundumque conseruent, donec Coelorum motus penitus desinebit, quibus ita Dæmones subsunt, quoniam Dei ministri, ut nihil eis inuitis præualeant, vel si Angeli ex minimis existant, & Dæmones è superioribus ordinibus, quin imò nec si Angelus sit vnus, & illi plures, vsquè adeò inferiores missi corroborantur ex diuina potestate sibi impartita: nec propterea aliquid dissonum emergit, cum prælationis officij natura facultatem eminenter excedat, & Angeli Deum videndo, vident non modo præsentiam, sed etiam nonnunquam venturam, sed superna reuelatione, ac crebro cum duplici visionem rerum contingentium, ex cuius altera fines tantum, & ex altera cur succedant, causas agnoscunt, quibus itaque à male faciundo dicto citius potestatem inibent, signis, seu loquela, vno namque ictu in actum, atque obiectum feruntur, quos interdum ex Dei iussu ad tempus, nè male faciant, vinciunt, sicuti peregit qui Sathanā ligauit per mille annos, & propterea velim ne cogites coelestes spiritus qui Dæmones ligant id facere pro magorum desiderio, ut sibi cogitant Arabes, dum putant id à Cælo fieri posse, cum in hac re non potest non adesse peccatum, à quo Angeli immunes sunt. Sed ut ad scopum vnde recessi redeam, referam Angelos præpositos esse elementis, tum ob naturæ conseruandum ordinem; tum etiam ob diuinum Ius custodiendum, quo percepto nihil inter se contendunt, quin imò ad vnguem iussa confestim exequuntur, uti non faciunt Dæmones; qui nullam veram concordiam, nisi ex proprio, quod intendunt, commodo habere possunt, carent namque charitate, qua vel rationale, ne dicam

*De Angelis, & occult. eor. oper. Lib. II. 55*

cam intellectualem animal. in pace atque amore stabilitur, nam si hoc non esset, quod Angeli his præfecti assisterent ob mundi ordinem conseruandum, & ob nostrum beneficium, uti supernè mandatur, nihil esset quod Dæmones non diruerent, & pessundarent, ut perquam clarè ostenditur, ex Pharaonis Magis, qui Angelico mynisterio impediri defecerunt in tertio signo, cum prius quæ Moyses fecerat cuncta fecissent, atque adeo prorsus elementa corrumpere, ut interdum corrupisse creduntur, quod tunc accidit, quando nos sæua pestis occupat nulla sensibili qualitate, corrupta, veluti manifestatur ex ea, quæ Ephesi sedata est ab Apollonio Tyanco, atque etiam ea, quæ Romam diu vexauerat, absque vlllo remedio, quæ nihilominus Tauro immolato, Ioui Lycao à quodam Græculo statim destitit, & ex ea quoque, quæ antea Pelusium, & postea Byzantium infestauerat, in quibus Dæmones dira terribicula ita sub humana specie miseris ingerebant, ut plagas sibi infligi ab alijs opinarentur, quibus oborta febris insitus calor non mutabatur, nec vlla erat inflammatio, sed infecta tussis, ostendebat tubercula, propter quæ mors iacebat in limine, quod etiam sic se habere demonstratur ex eadem, quæ in Aethiopia orta, totam inquit Galenus Græciam afflixit, quod fieri non potuisse videtur sine Dæmonum opera, ut tam dira huiusmodi contagij semina in tot tantaque locorum intervalla diffunderentur, plerisque alijs regionibus medijs intactis &c. Adde simul quod absque Angelorum opitulamine nulla maria navigari possent, quin nauigia, & nautæ fluctibus non obruerentur, tempestates enim frequentius à Dæmonibus cieri paret ex dextri pedis Sanctæ Crucis clauo in mare ad sedandam

dam tempestatem proiecit à magno Constantino, qui cum primum eius vndas satis fluctuantes tangeret, Dæmones fugati sunt, & mare ita sedatum est ac si antea nihil tempestatis passum foret, vbi prius vehementer fluctuaret, & ex ea etiam quæ Urbem absque villo remedio ita affligebat, vt desolationem minaretur, tandem sedata viso Angelo in Adriani mole, quæ mutato hinc nomine Sancti Angeli Castrum nuncupata est, nec etiam fluuij, nec fontes, nec vlli putei extarent, quos Dæmones tabe, vt nos perderent, non inficerent, quinimò in vanum ignis noctu, ne nobis vllam noxam inferret, cinere sopiretur, nec aliqua Domus ventis sæpe per eos furentibus resistere posset, quinimò nos prosternerent, vsque adeò ardente in nos continua inuidia, & in Deum perenni odio, quod potissimum præ oculis habent, in qua planè re assidue ab Angelis impediti, quibus incumbēbant, captis desistunt. Neque ex hac re aliquid est quod à trita semita recedat, cum id ex Dei ministerio proueniat, cui causæ secundæ cedunt, vnde Apostolus Romam accedens meruit, vt quotquot cum eo nauì vehebantur conseruarentur ab Angelo, cæterò qui submergerentur; Ex quo fit vt Dæmones de quibus sancti triumpharunt, non modo subiecti sint eorum meritis, sed etiam eorum reliquijs, quas propterea admodum timent, vti videri potest etiam in veteri Testamento per illum pseudoprophetam, qui hallucinatus Iadonem videntem, vt cum eo comederet, in causa fuit, vt is à Leone discerperetur, cuius rei non ignarus, suis liberis mandauit, vt se post eius obitum cum eo, vt mala euitaret, sepelirent, dicens hoc facite, vt benè sit mihi pro eo: sacrantur namque prophana loca Sanctorum reliquijs, ex quibus



*De Angelis, & occult. eor. oper. Lib. II. 57*

bus Dæmones fugantur, non secus quam ex thuris suffumigio, & ex aqua expiationis, qua sepulchra asperguntur, propter Cobalos, sic vocabat antiquitas quoddam Dæmonum genus, cadaverum pulverem, ne dicam, carnes comedentium, quas furor, quodam deuorare quasi Canes, & famelicos Lupos, satis claret ex historia Hæmuli, & Amundi apud Saxonem Grammaticum, & apud Apollonium Thyaneum, ex relatione Menippi, propter quos spiritus fugandos antiqui Thufci, & Romani summopere curabant illuminanda eorū sepulchra perennis flammæ splendore metallica aqua emanante, quos Baluæ vocant Cabalistæ qui huiusmodi nomina fingere minime dubitant. Sed ut prosequar cœpta, dico Angelos non solum assistere, ut dictum est elementis, sed cunctis rerum speciebus, auium, piscium, reptilium, & quadrupedum, & pro earum conseruatione, & pro mundi pulchritudine, & pro nostra etiam utilitate, pro quibus cuncta facta sunt, ne scilicet Dæmones nos per ferocia animantia vlla noxa afficiant, quibus optimo iure interdum sauire conceditur absque aliqua nostra culpa, & in nos, & in nostra, etiam pecora rabire, ut ex Iob videri potest, qui de proprijs erroribus verba faciens, ait, utinam appenderentur delicta mea in statera, omnia enim mala in eum patrari Sathanæ permissum fuit, præterquam in ipsius animam, neque id ab irrito rectoque tramite vel hilum exorbitare dixeris, quod tantus vir sine proprijs erroribus vexabatur, cum non omnes pænæ, quæ nobis infliguntur sint ob propria facinora; non abs re inquit Deus de Cæco orto à natiuitate, nec is peccauit ut Cæcus nasceretur, nec parentes eius, contrarium autem succedit, cum pænæ genericæ dantur,

h

tunc

tunc enim eueniunt aut propter nostram aut propter  
 nostrorum maiorem culpam , vt regnent aduersa,  
 propter peccata populi, & propterea liquet neminem  
 in via , nec propter quæ patitur mala , nec propter  
 quæ possidet bona , dignum indignumue diuina gra-  
 tia iudicare posse , quamuis raro bona , quæ fortunæ  
 ascribuntur , cum in his sæpè committitur abusus, non  
 possideantur à peccatoribus ac prauis hominibus, non  
 enim sine causa dicitur plura Deum concedere ira-  
 rum , quam propitium . Veruntamen ne nostra ora-  
 tio à suo themate defistat libenter eam continuabo ,  
 addamque tantopere Deo homicidia displicere , vt  
 pro his etiam animalia bruta , ne dicam homines pæ-  
 nas dent, vti percipitur ex Genesi per hæc verba ,  
 requiram sanguinem animarum vestrarum de manu  
 cunctarum bestiarum , sed nihil mirum , cum propte-  
 rea scriptum referant occisorum sanguinem ad Deum  
 clamare , & sanguinem Abelis perempti , vel hucus-  
 que Damasci è quodam saxo scaturire peregrini cer-  
 nunt . Sunt etiam Angeli , quos Hebræi Ophanim  
 vocant , qui , vt monuimus potestatem nomina  
 Angelis imponendi sibi temere vsurparunt , quos  
 præsidere variis fruticum , virgultorum , herbarum ,  
 gemmarum , necnon & metallorum speciebus Orige-  
 nes non denegat , & quos libentius vni , quam alteri  
 propter eorum naturam sese extendere Platonici non  
 dubitant , nec etiam Talmudistæ dum affirmant An-  
 gelos magis vni , quam alteri propitios esse ex diui-  
 nis attributis , ex quibus tradunt eas virtutes dirigi ,  
 quas Astrologi planetarum aspectum ascribunt . Quos  
 etiam vel brutis animantibus succurrere aiunt in eo-  
 rum necessitatibus , eaque adiuuare , vt se suosque  
 defendant in his præsertim rebus , in quibus proprijs

*De Angelis, & occult. eor oper. Lib. I. c. 9*

viribus nequaquam sibi subuenire possunt, qua propter cuncta Cœli, ac Terræ animantia in arcam Noe, quò à Diluuiò præseruarentur per eos introducta, fuerunt: quibus etiam mediis, & Asina Balaam dum acutis calcaribus percuteretur, locuta est dicens, cur me stimulas? & bouem locutum ante bellum Ciuile legitur in gentium historiis dū magna solitudine à quodam colono defatigaretur, inquires, cur me tantoperè premis, cum homines potius quam tritici cum post hac defecerint? quorum etiam opera, & Corui, vt excocta oua prolifica reddantur, frigidos quosdam lapillos reperiunt, ad eorum nidos afferunt, & iidem suis pullis escam inuocantibus subueniunt, nam nisi hoc foret, quonam modo vultures triduo antea locum præfagiant vbi cadauera successura sunt, an dixeris ab odore? absit, cum in sensatione requiratur obiectum, an actu à cœlo? nequaquam, nisi vt in causa quod ipsi per se scire nequeant, cum id solum contingere valeat ab agente à proposito, quod aliud, quam intellectuale aut rationale esse non potest: nam nisi hoc esset, quomodo Crocodili pariunt oua à Nili futura inundatione, vsque ad eò distantia, vt se, & suam prolem sospitem reddant, & quomodo Pæus herbam excerpit, qua cuniculum ab obstruso foramine vbi suos pullos alit, expellat, & quonam modo cancer à colubro morsus calamento, vt conualescat inhæret, & quonam etiam modo Ceruus in eodem discrimine existens dictamum inuenit, & testudines cuniculum, Mustelæ rutam, Ciconiæ origanum, & Cuilum Trapobanæ animal cum angue præliando ligni cuiusdam morsu se defendit, & Accipiter quomodo hieracium requirit, & Canis tormina patiens propriam herbam, qua se muniat, qua-

dam indagine reperit; quo pacto Ichneumon certaturus cum Crocodilo limo se linit, quo etiam pacto hirundo calidoniam inuenit, quo suis pullis erutos oculos sanat, & quomodo Pellicanus proprio sanguine mortuos filios aspergit ut reuiuiscant, & Aquila ut suos pullos legitimos noscat, ad Solem erigitur adde quod nec quæ de duobus, ut alibi retulimus, gemellis narrat Albertus magnus, vera essent, alter quorum talis erat, cuius tactu omnia claustra patebant, nec quod de Gallorum Rege referunt in strumas patientes; nec quod dicunt de Pirrhi digito, aut de Alcisi ungue, neque forsan sine Angelo mouente, qui in Apulia morfi sunt à vitrosa aranea proprium sonum, choream, & colorem eligunt, ut valitudinem recuperent, cum nulla ratione moueantur, certum propterea indicium causæ superioris, quæ omnia de quibus alibi tractauimus, cum propriam eorum facultatem superent, nature instinctui, qui in eo quodd intendit certior, ac melior est, propterea quod intelligentiæ non erranti subest, cui id Philosophi, ut dictum est ascribunt; à qua re tantum abest, ut dissentiam, ut constanter asseuerem hanc intelligentiam, tanto nos lumine in naturalibus rebus præcedere, quanto cæteræ intelligentiæ astris assistentes nostras animas; & tamen Deus animalia bruta non sicuti nos regit, quorum capilli numerati sunt, quos ultra præfixam metam haud protendi clarum est: non enim inquit D. Hieronymus pari rationabilia; & irrationabilia diuina prouidentia gubernat: satis namque est generalem dispositionem in his, ordinem rerum, cursumque intelligere, quo piscium multitudo nascatur, & uiuat in aquis, quo reptilia, & quadrupedia oriantur in Terra, & quibus alantur cibus; absurdum nam-

*De Angelis, & occult. eor. oper. Lib. II. 61*

namque est in hoc deducere diuinam maiestatem eo  
scilicet modo quo deducitur ad homines curandos,  
idem ait vt per singula momenta curet eo pari modo  
quo de hominibus quot nascantur muscæ, & culicēs,  
quotque moriantur, quæ cimum, & pulicum, &  
muscarum sit in terra multitudo, quanti pisces natent  
in mari, & quæ de minoribus maiorum prædæ cede-  
re debeant, non est dicendum, nisi iniuriosi nobis  
ipsi simus, nam non ita humiliter de nobis satagit, vt  
de rebus, quæ ob mundi ornamentum nostræque  
commoditatem factæ sunt; de quibus hominibus quo-  
niam sui actus dominos effecit, æternoque fini ascrip-  
sit, particularem curam per proprium Angelum, vel  
per plures gerit; de omnibus enim æqualiter, at non  
similiter diuina prouidentia curat, præterea An-  
gelos nostræ genesi quò formæ introducantur Orige-  
nes minimè abnegat, cui & Platonici forsân assen-  
tiunt dum per abstractas rerum species particularia  
generari sibi habent, scilicet vt naturam, siue semi-  
nalem rationem quadam influentia confortent; cum  
ex semine tantummodo, vbi causa sit conformis non  
succedat difformis effectus, neque à Cœlesti calore,  
cum sit causa vniuersalis in toto medio vniformis, quo  
solo neque vna pars secundam totam elementorum  
portionem sursum tenderet, neque alia deorsum, ne-  
que in circuitu alium, diuersumque agerent effectū,  
vt opus est fieri in rerum mixtione, ac dispositione  
actuū, vt formæ introducantur, à quorum senten-  
tia Astrologi dissentiant, qui hoc Cœli imaginibus, &  
Solis radijs ascribunt, asserentes omnes terrestres  
vultus cœlestibus supponendos, neque esse sensibi-  
lem speciem, cui propterea intelligentia non præsi-  
deat, quin nec in Cœlo signum quod peculiarem

in

in nostro corpore locum sibi non vindicet, nec etiam Planetam, cui membrum non subscribant, nec denique: quod in hominis generatione non obubret, & imprimat in facie, & in manibus signa, quod annotasse apparet Maculatus Theologus non spernendus, per quam nimirum corporis compositionem aiunt nonnulli interdum perspicere proprii animi inclinationem, contra quam tamen nobis resistere semper est integrum &c. quorum opinioni favere videntur, qui nati in astrorum exaltatione Iouis filii dicuntur, qui nec vultu parentes, nec etiam viliis moribus referunt: ab his enim omnibus summopere discrepat Aristoteles, quæ ipsam naturam præ manibus habuisse memorat, dum nullo negotio hanc corporum plasmationem diu secundum veritatem scrutatus coelesti tantum igni, & generationis semini ascribit, quasi in eius spumosa parte existat virtus gignentis, vel æthereus spiritus aëtri non assimilis, tanquam ars in Artificis mente, quamvis in libro de animalibus virtutem formativam agentem, intelligentiam vocat, a qua membrorum effigies, & omnes formæ præter nostras eliciuntur, in qua profecto re Platoniorum sententia veritati magis consona videtur, uti vel ex hac rite inspicienti apertum est, quod naturæ facultatem, quæ ad unum tantum tendit, longè excellat: & propterea Galenus medicorum facile Princeps cum in hac intellectum requiri perspiceret Peripateticorum, ac Astrologorum opinionem, quasi impossibilem perspicere, hanc virtutem in seminali ratione locantem, rotundo ore inquit, in suo de temperamentis, quam male pronunciant, qui corporum formationem Solis dumtaxat qualitatibus ascribunt, cum organi esse, necessarium sit, formatorum alium, & alibi interdum contingere ait,

ait, vt formatiua virtus à temperamento discrepet, quam certè difficultatem Hieronymus Fracastorius benè intelligens hanc virtutem animæ mundi mortaliū animabus superiori tribuit, sed non ritè sensisse apparet, cum mundus animal non sit ob multa quæ sequerentur absurda, neque facit ad rhombum, quod prò anima intelligentiam capiant, vt ait Auicenna, vbi intelligentiæ mediante Cœlo agentes limitatæ sint virtutis, atque vt operentur propria existentia opus habent, cum earum virtus in essentia, quasi in radice consistat quod rectè Scotus perpendens id Deo ascripsit, vt & Antonius Andreas, & Georgius Ariminensis, qui dicit in propria vniuscuiusque generis proprium Angelum requiri, quo hoc diuinum opus effingat, à quo non dissentiant Cabalisti, qui spiritus animales ab intelligentijs dirigi tradunt, sed dicerem, Angelos assistere, dummodo mihi permissum sit, vt propriam ac particularem naturam confortent, & Dæmones prohibeant, & qui seminalem generationem corruptam ex Adæ carne magnopere oppugnant, tum ob Dei æternum odium, tum ob nostri inuidiam, tum etiam ob eorum non paruum timorē, ad quam quidem rem non parum facit quod Theologi ferè omnes dicunt, (quod tamen neutiquā certum est, sed asserere fidei non officit, potuit enim Dei iussu id fieri) ab Angelis in Dei incarnatione sanguinem Virginis in tempore collectum, vt in instanti ex Spiritu Sancto conciperet, mulierquē virum circumdaret, secus enim operari nequeunt, quod ita esse perspicuū est, vel ex hominis admirādo opificio, in quo tota hæc mundi machina, eam quasi sub epilogo concludens, sic depicta apparet, vt nihil in mundo magis admirabile, quam hominem esse non temerè dictū ferunt,

ferunt, quod vel ex hoc vno cordis naturali motu liquet, qui alios omnes nostros motus in corpore causat, non aliter quam in Coelo primum mobile alias motiones; ne dicam ex duplici qua constat natura spiritali; & corporea, quarum vna Angelis assimilatur, cuius potentie Dei imaginem referunt, & altera quicquid corporeum est satis continet, sed excellentiori modo, vt relatum non me fugit, in eo enim Cœlestia terrestri modo sunt, cum figura Coelum repræsentet, quam sphericam habere peritiores dicunt, vt ex diuaticis cruribus, extensisque brachijs posito in vmbilico circino, ac circumdato facillè demonstratur, vt et corporea substantia ipsa elementa, vnde constat ex eius præcipuis membris Zodiaci signorum qualitates referentibus & ex partium vsu elatiore artificio compactatum Dei sapientia, cū nihil sit quod in tanto artificio demi, addiue valeat, ne dicam ex ossium, & membrorum numero, quem iudicialium præceptorum numerum coequare aiunt, quæ sexcenta & tredecim esse perhibent, quod casu factum minimè est, vt cuncta fieri Democritus censebat: non enim hoc finè Dei nutu, à quo casus procul, & fortuna abest, actum putare licet, Dei admirabile artificium quo homo omnium metrum esse indicitur, ac proprium imperium ante peccatum habuisse ostenditur, cuius voluntati crebro vel superiora obedire visa sunt, vt perspicuè videtur ex Magno Alexandro cuius desiderio vt fama est Panphilicum mare retrocessit, ex Moyse cui Rubrum, ex Iosue cui Sol stetit, & ex Elia cui Cœli pluuiam dedit, quod etiam ostenditur per nonnulla animantia, quæ dum ferocia horrescunt, ad hominem quasi ad proprium dominum accurrunt. Ad quod non parum facit quod scribunt, Adam

com-



compactum fuisse ex virginea terra, de quatuor mundi partibus oppositis, collecta Angelorum ministerio, sicuti colligentur nostrum omnium cineres novissimis diebus à proprio uniuscuiusque Angelus custode ex omnibus in quibus reperientur, uti perpenditur ex hoc, descendet Dominus in voce Archangeli, & congregabuntur omnes à quatuor mundi partibus quorum Angelorum quoque ministerio Deum usum tradunt, dum Euam ex Adæ costa formaret, in qua nihil feminis erat, mira profecto res, sed à veritate minimè aliena, quandoquidem Deus Angelis in omnibus serè rebus utitur, præter mundi creationem resurrectionem mortuorum, & unionem hypostaticam; ac iustificationem impij, adde & panis transubstantiationem, quæ creaturæ communicari non possunt, cum nostrâ naturâ excedât, quod ita esse, ut supra dictum est, vel ipsa monstra ostendunt, quæ haud naturæ tantummodò errores putandi sunt absque ullo significato, cum raro aliquid non portendant, nec casu, si altius inspicias, contingunt, uti Philosophi arbitrantur, qui hæc materiæ solummodò ascribunt ob defectum, aut diuersum situm à naturali; cum ne solum quidem moueatur absque Dei voluntate, nec ea tam assidue tot tantaquæ ingruentibus magnis calamitatibus euenirent ut sæpe fit propter peccata populorum, quæ prius quam eueniant, Deum cuncta præcire, & curare pro comperto habeamus, eosque omnes damnemus, qui hanc curam à diuino intellectu eripiunt, cum nihil sit, quod contra eius voluntatem, quam placiti nuncupât, succedere possit; Omnipotens namque est, & omnia sua maiestate adimplet, nec inde intellectus vilescit ut censebat Auerroes, cum intelligere, & regere idem sit quod esse, nec ex his quidquam

i

quam recipit, sed magis cunctis illapsus nobis influit  
 velle, nedum existere, & conseruari, quod nos, quos  
 tantopere amat his monstris in terra succedentibus,  
 & in Coelo cometis visis certiores factos verè poeni-  
 teat, vnde raro contingit, quin instantia mala non  
 portendant, quamuis non me lateat interdum esse  
 tantum signa minacia. Verum mirabile dictu, na-  
 turam, passim peccantibus hominibus, sua præferre  
 deliria; id Deus facit, & ipsa natura, vt sciamus no-  
 bis errantibus, omnia quoadmodum errare nec mali  
 quidquam esse, quod Dominus non faciat, nec quod  
 eius infinitæ prouidentia legi, quæ nec falli, nec fal-  
 lere potest, non subsit, quam Angelos executioni de-  
 mandare superius relatum est, vt coelitus  
 mandantur, quos propterea, &  
 Dæmones valde timent, natura vt  
 mo- bilis ad nutum  
 pareat.

### Finis Libri Secundi



# DE ANGELIS.

Et occultis eorum operationibus.

AUTHOR

LO. LAVRENTIO ANANIA

THEOLOGO

LIBER TERTIVS.



**P**OST EA QVAM dictum est hanc totam vastam mundi machinam, quæ pro sua magnitudine infinitum propemodum attingit, Deum optimum maximum, summa qua est sapientia, ac inexplicabili prouidentia regere, & conseruare per intelligentias cælorum motu, atque syderum influxu, quibus vt adiunctis instrumentis vtitur, vt hæc scilicet elementaris regio persisteret, & cunctæ rerum species, cum earumdem individua minime durarent, eorum continua successione extarent vsque ad nouissima tempora, reliquum est vt nonnihil tractetur quoniam pacto nos, quorum causa omnia facta sunt, exciter moueatque per res, quas Philosophi naturales, & contingentes nuncupant ad æternum finem, ad quem eius pietate omnes ferè vocati sumus, qui præliando cum Sathana, mundo, & carne, tandem saluemur viua fede, per Dominum No-

strum Iesum Christum, in quo Deus est, tanquam sibi coniuncto instrumento, est enim Deus, inquit Apostolus, in Christo sibi mundum reconcilians propria ipsius morte, ab animarum Tyranno liberans absoluto Chirographo, in quo nos Adam affixerat, qui per easdem res nos suauiter agit ad Patrem, quarum usus nos effert ad astra, & abusus tradit ad Tartara, quas nobis studio, quò mereamur, cœlitus obtrudi Theologi ferunt, quamuis Philosophi fato nobis contingere imaginati sunt idque factum est ineffabili Dei consilio, studioque, omnia enim propter nos, quos initio rerum Dominos condidit, acta sunt, & ob animam propter eius præstantem naturam, & etiam ob corpus, cum in eo cuncta corporea miro quodam arcano, & excellentiori modo coniuncti, relatum est, iussit propterea, ut Angeli non modo assisterent, & in Cœlis pro conseruanda hac mundi mole, & in elementis pro tuenda tanta rerum multitudine, sed etiam ut assisterent in cunctis nobis pro nostra particulari tutela, singulis vnus, pluresue ampliori nihilominus custodia post Adæ peccatum propter auctam internis nos tentandi Dæmonum tyrannidem iuste permissa, etsi iniuste possessam, ne tota nostra natura pessum, rueret obfessa à tribus præpotentibus inimicis in hac continua perennique pugna, vbi raro non infliguntur lethalia vùlnera, licet sint natura, & officio nobis custodiendis destinati, iussit iam inde cum semen iacitur, vel cum anima infunditur, vel post hominis ortum, quem Astrologi capiunt, cum partus descenderit à materno vtero, extra sui corporis centrum, putant enim prius, satis esse maternum Angelum, nō enim eos latet poma custodire, qui arborem custodit. Ab his omnibus discrepant, qui asseuerant Angelos accedere

accedere post spiritalem natiuitatem hoc enim meditantur, quoniam sibi credunt Dæmones non inuehi in Deum vt Creatorem, sed vt Redemptorem, quod tunc euenit cum infantes baptisinate renati proprio fini ascribuntur, qui aliud non est, quam diuinum, obiectum, à quibus equidem facile, dummodo mihi liceat, dissentirem, qui quidem Dæmones nescientes certos prædestinatos, quorum numero completo confestim iudicium erit præ foribus, non queunt tanta rei dubij non semper impedire quoscumque oriundos, ne dicam ortos tentare, modo vascant propter eorum amplioret futuras penas, ac Dei æternum odium. Qui quidem Angeli & si omnes nos custoditum accedunt ex ultimo ordine, non tamen omnes æquales accedunt, seu animarum maiori gratia seu eorum præstantiori natura, vt patet vel ex eo, qui datus est Adæ Custos, antequam peccaret, per quam vaticinium obtinuisse Mechubales non dissimulant, cum de propria coniuge diceret, os ex ossibus meis, & caro de carne mea, & nomina indiderit cunstarum rerum pro earum virtute, quæ & in Cælo, & in Terra rata firmaque fuisse Iustinus Martyr Theologus non infimus non cunctanter affirmat, quem propterea haud ex inferioribus fuisse dicebat, cum Adam nisi Dominus foret, ubi tunc nihil seruitutis adorat, saltem magister tanquam nostræ naturæ principium esse decebat, à quo omnium rerum naturalium scientiam, eius posteris edocerentur, quam propterea calluit supra omnes alios tum in inditis idæis, tum etiam ex acquisitis, hunc Angelum, ex quadam ipsorum coniectura, & opinione Raziel Cabaliste appellant, vt alibi enarrauimus, qui statim post commissum peccatum ei apparuit sub humana forma, non sine

my-

mysterio cum ex ea aperte ostensum sit non defu-  
 rum remedium eius tanto crimini, quo adeo refocil-  
 latum referunt sibi iudicij virtute corroborata, ut  
 animam non exhalauerit, quam alioqui exhalasset, ex  
 eo quod viderit, inferius ob suam culpam superiori,  
 aliquo modo praevalere; intellectum à sensu, scilicet  
 appetitu iam tactu perduelli, & calcitrone sepius  
 obnubilari, id enim peractum arbitrantur omnes,  
 qui à Scoto sunt in nostras penas, sic diuina expo-  
 scente Iustitia, qua Dei potestas cognoscitur; hoc  
 Adam sibi, & nobis omnibus causante, qui spreto  
 Domini iussu dum pomum, quo uxori obsequeretur,  
 gustaret, non tantum seipsum, & nos omnes rebus  
 inferioribus subdidit, sed utramque mortem sibi, &  
 nobis astrinxit, atque adeo vniuersi harmoniam ab-  
 stulit, qua Celi propitii erant, & omnia ei interius  
 & exterius parebant, proinde ne tanto crimine de-  
 speraret, quod Cabalists (penes quos fides esto) fa-  
 ctum ferunt cum ei agni pellis ab eodem Angelo  
 ostensa est, in futurum remedium tanti facinoris; ut  
 etiam claret ex Angelo, quem Noe magistrum asse-  
 quutus arcam struxit, quæ cuncta animalia caperet,  
 ex mundis septena pro sacrificiis, & bina pro eorum  
 multiplicatione, dum diuinitus perciperet mundum  
 alluione, propter gigantum bestialem libidinem,  
 submergendum; absit namque, quod scribit Berosus,  
 eam ab Astris percepisse, cum penæ tam genericæ à  
 Cælo non succederent, non enim natura seipsam de-  
 struit, quin aliquid corrumpendo, generationem per-  
 se intendit, & per accidens excidium. Omitto nomi-  
 na Angelorum, quæ Cabalists sibi fingunt cum nos  
 præter eà, quæ Ecclesia recipit non admittimus, idem  
 verò agnoscì potest ex aliis Angelis cum quibus ex-

teri

teri Patriarchæ assidue loquebantur quasi amici cum amicis, ex quibus plura percepisse, idem non denegant, quæ inferiores nescisse certum est, at quid plura? summopere, inquam, dedeceret diuinam sapientiam, quæ omnia numero, pondere, & mensura metitur, æquales Angelos destinare sapientibus, qui dati sunt pro nostro exemplo, ut ignorantibus, qui nesciunt quid distent æra lupinis, altiora scilicet his phantasmata suggerendo, proptereaque ex præstantioribus existere, qui ad magnates, atque sapientes mittuntur, nullo pacto denegandum videtur, sicuti ex infimis qui ad miseros, & stultos destinantur, quorum inæqualitas facile comprobari potest, vel ex his, qui sub sensu sæpe apparuerunt, & factum percipitur ex eo, qui interdum noctu Beatæ Franciscæ Romanæ apparens Lunam magno fulgore obscurare videbatur, & diu Solem, atque ex eo quoque, quæ in Platonicis apparuisse narrat Plotinus Philosopho, qui tam fulgentissimus apparebat, ut vel ex ea, se Deum Aegyptij cum nominarent, quamvis putatam fuisse, Angelum Sathanæ, qui se transfigurabat in Angelum lucis, apparent namque Angeli corpora assumendo, alij alijs nitidiores pro eorum præstantiori natura, qui tamen non semper, nec ex æquo curam gerunt de omnibus, quos custodiunt. Nam cum tria bona nobis custodienda curent, natura, fortuna, ac animi, maiorem curam præferunt circa naturæ dona, de infantibus, ac pueris, qui nondum arbitrij facultatem assecuti sunt, quam frequenter post septimum annum nisse qui volunt, cum prius loco stare nesciant, nec imminencia pericula præcanere, imò Coeli motum ita sequuntur, ut nihil supra phantasiam efferantur, propter imbecilliores ætatem, pariter & de in-

infanis, ac furiosis, qui intellectu nihil praevalent ad cohibendos Dæmones, qui nunquam nobis nocere, dum possint desistunt; de quibus etiam naturæ donis multum curant de illis, quos insignes futuros præfagiunt, ex quibusdam præcedentibus signis, quæ admodum Moyses, qui iniectus in fluuium submergendus, seruatus est per Pharaonis filiam, ac ut ostenderetur futurus magnus Princeps, impulsus est in seipsum contra ipsius propriam naturam, quæ se suosque tueri omnibus datum est, dum arripiens tenellis manibus magis prunas, quam aurum in os sibi iniiceret, unde hæsus redditus est. Res certè digna non pauca consideratione, & custodiam Angelorum comprobante, quod quidam expositi sublatis sunt ad maiorem potestatem eorum conditione, vti claret apud Sparranos ex Nabide, apud Romanos ex Romulo, & apud Persas ex Cyro, & non ita pridem apud Lucenses ex Castruccio Castracane, quos omnes, aliosque similes nullum non lapidem Dæmones, præsertim si fideles sunt, non mouent, modo possint, ut ab vnguiculis perimant ob eorum probam indolem, ob quam timent, nè ad eiusmodi sanctitatis fastigiū perueniant, ut eorum meritoria opera Sanctæ Ecclesiæ thesauris aggregentur, quos tantopere Lutherani sperniunt, sed in cassum, vti bene sciunt qui Sacram Scripturam seriò scrutantur, alioquin dicant quæso quid erat nisi hoc esset, quod Christi nostri Salvatoris passionibus decrat quod Apostolus ait se adimplere in corpore suo? Idem factum est Moyse circa naturalia dona qui centum, & viginti annos habebat, quando mortuus est, & dentes ei mori non sunt, nec oculus caligauit, quod ideo scriptura meminisse videtur, ut ei id concessum videretur supra propriam

cuius



*De Angelis, & occult. eor. opes. Lib. III. 73*  
 eius naturam, nec sine causa, haud namque conce-  
 niebat tantum virum, qui cum Deo crebro loque-  
 batur deformiorem videri tot populis, quos regebat,  
 ne vel ex aliqua eius deformitate quicquam conci-  
 perent contra eum, ac diuinam providentiam, quasi  
 nihil humana curantem, cum mandet Angelos inter-  
 dum plures, ut ab instantibus discriminibus, quos  
 custodiunt, tueantur; sed diuersos, ut diuersæ sunt  
 eorum dignitates, & officia, uti peractum est Israeli,  
 dum fugeret ab Ægypto, cui fugienti, mare rubrum  
 cessit, sitiienti petra dedit aquam, & aer pluit co-  
 turnicibus, & manna habente omne delectamentum,  
 Angelico ministerio conglobato, quo ipsorum mem-  
 bra usque adeo confortata sunt, ut nunquam agri-  
 tudinem passi sint; nec pediculis vexati, nec etiam  
 vestimenta attrita, seu etiam noctu in tenebris An-  
 gelus iter ostendit flammea columna, & diu nubes  
 eum à Solis æstu protexit; cuius medio lex data est  
 in Monte Syna, inter promissionem Abraham, ac re-  
 promissionis retributionem, ut qui naturalem legem  
 non metuebant Dei percussi timore à peccato metue-  
 rent, qui Asinam Balaam ad loquendum mouit, qui  
 etiam effecit ne in Templo Salamonis aliqua mulier  
 abortum faceret ob tantam sacrificiorum, quæ Deo  
 litabantur, nauseam, & ne fumus ventis furentibus  
 aliò, quam recta sursum tenderet; quin ut ignis de  
 Coelo descendens statim holocausta comburenda ab-  
 forberet, stantesque viros eum his arca ostenderetur,  
 in maxima angustia existentes cernuos locus largè  
 caperet, qui etiam peregit ne angues vllum propè  
 Hierosolymam morderent, & ne Leones Daniele  
 Prophetam in lacu existentem vlllo pacto offenderent,  
 qui & D. Petrum ab ergastulis liberavit, necnon &

Proculum martyrem aliosque plurimos Sanctos à periculis protexit, & Policarpum à flammis, & Iphigeniam Æthiopiæ Regis filiam, quod Hirtacum in virum suscipere respuerit, Deo vota virginitate, qui etiam effecit, vt fratrum Siculum Phantini votis obediret, dum Messanam petens Tyrannum aufugeret, & vt D. Margarita à Diabolo sub Draconis forma deglutita, vinctaque euomeretur, vt & Ionas absorptus à Cethe, atque ne angues Beatam Christinam, sed illos in eam irritantes deuorarent &c. Idem quoque Angeli frequenter curant, vt ægroti à morbis conualecant, cum de eis actum esset, animas confortando, vt proprium calorem extitarent, quem antea nequibant, impeditæ vel naturæ errore, vel proprio peccato, vtrumque enim patet, alterum ex Tobia, qui cæcus ab hirundinis stercore ex Callionimi felle facto suffumigio Raphaelis iussu, confestim visum recuperauit, & alterum ex Ezechia Rege cui vita prolongata est ob eius penitentiam, quod etiam videmus interdum fieri vi Sacramenti, extremæ unctionis, non enim frustra, ait, D. Iacobus vt infirmi malè habentes sordes deponant, & presbyteros inducant, & super eos orent, oleo vngentes in nomine Domini, nec propterea vel imprudens lector quicquam admiretur, cum Angeli valeant expellere non modo morbos, qui à proprijs particularis naturæ infectis humoribus emergunt, sed etiam quos syderibus ascribunt, nec non eos, qui ex veneficijs enascuntur, aduersus quos parum, aut nihil medelas profunt, hoc agunt per eorum assistentiam, quæ oppressos confortant, atque subleuant, multò citius, atque perfectius, quam medela, dum obstrusa quam primum aperiunt, & pollutos humores expellunt.

Idem

Idem quoque curant de Principibus tam pijs, quam impijs, quo demonstrent omnem potestatem esse à Deo, quemadmodum apertè manifestatur ex Rege Antiocho, dum contrà Galatas præliaretur, cui demonstratum est à triplicato trigono, se hostes victurum; atque ex Iuda Mathathia filio cui hisce sibi litteris in aere ostensis Machbi victoriam percepit, quæ expositæ Cabalistarum more miranda continent, quæ volunt obscura nomina, quæ apud nos nihil significant, magis mouere, quam clara, & significantia nostras animi affectiones, quæ superioris causæ operationem ex agentium credulitate trahere solent; quāquam in his nominibus, quæ ab Ecclesia comprobata non sunt, haud equidem abnuerem latere, nonnunquam superstitiones. Dæmonum astutia &c. Quod etiam percipiunt (sed nescio unde id acceperint) ex Magno Alexandro, cuius precibus referunt montes conclusos fuisse in Hebræorum pænas, atque ex Cinge Tartarorum Cam, ad cuius vota Sericum mare retrocessit, ut Sericam Prouinciam debellaret, erat enim non parum Nestorij hæresi infecta, ac etiā ex Casimiro Sarmatiæ Rege cognomento Monacho, quem certantem contrà Ruthenos adiutum legimus ab Angelo in Polonicis historijs, & ex Lesca quoque cognomine Nigro, & Magno Constantino, qui se triumphaturum de hostibus intellexit ex Cruce Domini nostri Iesu Christi sibi in aere Angelico ministerio adumbrata, necnon ex Alphonso Rege Congi, cui ex quinque ensibus dum Deum oraret pro se alijsque sibi fidelibus demonstratis cognouit se superaturum Pansam eius germanum, ob cuius rei miraculum omnes Regnicolæ his pro insignibus vsi sunt &c. quod idem patuit in veteri Testamento ex Israe-

le, cui vt vnusquisque postea Thau agni sanguine  
 signaret, mandatum fuit, ne Angelus Domini per-  
 transiens sibi noceret, rem profecto admirabilem,  
 cum hæc littera crucem tulerat in Samaritanorum  
 characteribus, qui sacri reputantur à Moyse inuentis;  
 iidem quoque Angeli curam gerunt non modicam de  
 doctis, qui nobis cœlitus dati sunt, vt alijs quasi lu-  
 mina præluceant, vti apparet ex D. Hieronymo, qui  
 obdormiens Ezechielis interpretationem ab Angelo  
 accepit, atque ex D. Thoma. quem multa scripsisse  
 tradunt diuina reuelatione, & Sancta Catharina de  
 Senis, quæ litterarum nescia, linguam latinam cal-  
 luit, & pleraquæ Sacræ Scripturæ arcana sciuit; Nec  
 non curant non parum de Prophætis, qui nobis con-  
 cessi sunt, vt Deum agnoscendo, omnia videntem, &  
 curantem, peccare abhorreamus cum nullum malum  
 inultum, nec bonum irremuneratum remaneat, quod  
 etiam verum esse apertè patet ex Abraham qui serua-  
 tus est ab Angelo ne in Vr Caldeorum iniectus com-  
 bureretur, & ex pœnis Iob Saram in Abimelech in-  
 flictis, quod eius pudicitiam attentaret. Hinc infer-  
 re licet, optimum factu esse si in dubiis, & in peri-  
 culis, ne erremus, aut succumbamus Angelum. Cu-  
 stodem deuotè imploremus. Verum non erit hic  
 abs re ea referre, quæ de custodia Angelorum circa  
 probos, & improbos, eorumque fortunas qui sapien-  
 tiores cum sint, se abdita scrutari sibi arrogant, quo-  
 rum tamen leuissimas opiniones nihil facimus, cum  
 veris falsa, vel saltem improbabilia seu incerta mi-  
 scentes nulla fide digni sunt, vti postea ostendemus.  
 Dicunt autem in donis, quæ vulgo fortunæ ascri-  
 bunt, maiorem diligentiam Angelos præferre de-  
 prauis, ceruicosis, assentatoribus, & insipientibus  
 ad

ad fortunæ influxus capiendos magis dispositis, quam de bonis viris, sapientibus, veridicis, atque prudentibus, qui propria arte, scientia, & industria vitam ducere possunt, quod alij nequeunt cum in eorum actionibus parum vtantur de intellectu, quinimò in his mouentur vt animalia, quod Astrologi tantum astris ascribunt, sed incassum cum stellæ agant solum in sensum, & non in mentem, quam Græci Nus dicunt, & Hebræi Nesciama quasi cœlestem ob eius immortalitatem, quod Abraham Chaldeis id denegantibus, miraculo ne dicam disputatione comprobauit, cum propterea in ignem iniectus incolumis euaserit, Deo propriâ eius actionem suspendente, quod etiam perspicuum esse inquit, vel ex hac re, quod rarò bonam fortunam non assequantur ij, de quibus superius meminimus, quorum maior pars nò solum vlla prudentia in suis rebus, non vtuntur, sed affectatam ignorantiam duramque peruicaciam amplexi, bona quæ consequi deberent non sequuntur, vriminè agunt, qui benigniori sùdere afflati, vitam ducunt arte, scientia, & industria, ij namque agi vòlunt à proprio Angelo ad ea, quibus opus habent, tanquam natura, vt relatum est, nulla ratione vtentes, non secus, quam bruta animantia, quæ in discriminibus ab altiori, quam ab interno principio mouentur (quod longè melius est non modo eorum sensu, sed nostro intellectu) in id, quod intendunt, etsi exteriori impetu excitentur, quasi formicæ quæ hieme natæ triticum æstiuo tempore colligunt, aut quasi Araneæ, quæ vere productæ telam vt Muscas, quas prius non senserant, facile decipiant, transparentem ordiuntur, in cuius medio ita sese adaptant, & accommodant, vt ocyus eas inhaerentes excipiant, ac deuorent,

norent; hoc Philosophi intelligentiæ non erranti ad-  
 scribunt. Et pro inde hinc colligunt nihil esse, quod  
 mirari queas; si probi homines, sapientes, & pru-  
 dentes in quibus Deus elucet per quam clarius, raro  
 fortunati sunt, namque hoc ideo succedit, quod in  
 his donis erogandis, non modo præsens, sed omne  
 tempus mundique ordo attenditur, aut quod docti,  
 & prudentes, proprijs viribus, & ingenio nancisci pos-  
 sunt locum, tempus, atque etiam modum, quo eo-  
 rum genij amplius præualeant, ut quod necesse ha-  
 bent sibi reperiant, & acquirant proprioque sudore,  
 vitam ducant, quod Dei maximum esse perhibent, ac  
 quodammodo certum suæ gratiæ argumentum, quin  
 propriæ salutis firmum stabilemque arrabonem. Nec  
 profecto quicquam doctis dubitandum esse aiunt cum  
 artes quibus vita degitur successerint in pænas, Deus  
 enim vult ut hi conformes fiant imagini filii sui, qui  
 verà sapientia est, de quo passim fertur vulpes foueas  
 habent, & volucres Cœli nidos, filius autem homi-  
 nis non habet, ubi reclinet caput; non enim conue-  
 niens est, ut membra discrepent à capite; nam quod  
 Deus amat his ea impartitur, quæ ipse amplexus est,  
 quæ aliud hic non sunt, quàm paupertas calamitates, mi-  
 serix, & ruinæ; vnde verum manifestatur Philosophi  
 dictum, ubi plurimum de fortuna, ibi minimum de  
 intellectu. Volunt præterea Angelos curare de his,  
 quomodo ditescant, qui nihil præ oculis aliud habendo  
 tantummodo hæc bona à Deo absq; vlla conditio-  
 ne instantè exorant, ex quo non abs re fertur plures  
 Deū exaudire irati quàm propitios, atq; ex hac re inferre  
 nihil mirari oportere Deū tantopere malorum sata-  
 gere, cum ampliora per eum beneficia collata sint in  
 eos, qui proprio ingenio degunt, quam in illos qui  
 quæ-

quæcumque desiderant pro vocis obtrinent, quia admodum superant ars, doctrina, & ingenium, quæ quasi diuinam naturam participant, aurum, argentum, & gemmas, quæ de terra excavantur, quæ propterea terrestres homines maiori amore persequuntur, ad ea enim, quæ amplius amant maiori inclinatione feruntur, miroque Dei secreto magis aliis ea præsentiant, nec quicquam esse sentiunt, quod in hac re reuocetur in dubium, huiusmodi scilicet homines fortunatos esse, etenim id succedit ob magnam dantis liberalitatem, ac magnificentiam, Dominus enim est, qui non nulla malorum opera remunerat. Quod non absque secreto percipi posse asserunt à doctis ex hoc proprio nomine Græco Τύχη in quo non paruum mysterium abscondi ferunt in litterarum numero quatuor existentium, quot scribitur nomen Dei apud omnes peritiores populos quemadmodum cernere licet apud latinos, ex hac voce fors, atque ex hoc nomine Elaha apud Chaldaeos, & ex Ichoua apud Hebræos, & ex vocabulo θύη apud Græcos, apud latinos Deus, apud Aegyptios Theuoh, Siri apud Persas, apud Aeoles εὐχρη, atque ex hoc nomine Esar apud antiquos Tuscos, & ex hoc apud nouos Indos Gemi, quot litteras referunt Cabalisticæ continere nomen viri pacifici in miserationibus, quem prius Adam intellexisse ab Angelo affuturum sibi saluti, & omnibus posteris Cabalici pro suo libitu innuunt. Nec ideo quod diuitiæ nonnunquam possideantur à bonis viris, qualis fuit Abraham, Isaac, Iacob, Iob, & Ietro, quæ dicta sunt vacillare volunt, sunt enim inquit de his rebus, quæ non ex merito, vt sibi Hebræi persuadent, & hominum vulgus, conceduntur, cum interdum eas possideri contingat

80 *Io. Laurentij Anania*  
 tingat per Angelos nequam, vt alibi diximus ex Pici  
 auctoritate, propter earum abufum; non enim citrà  
 caufam dictum eft; diues iniquus, aut hæres iniquus  
 neque certè aliquid absurdum emergit, cum Deus  
 Angelis in his tantum rebus vtatur, quæ pietatem,  
 mifericordiam, & salutem præ fe ferunt, vt alibi sæ-  
 pe abundè diximus pro Cabalistarum opinione; ha-  
 bent namq; per gratiam diftraxat vsù cū fidelibus,  
 probis, Dei timentibus, sapientibus, iustis, piis, pru-  
 dentibus, & humilibus, carnis opera penitus aufu-  
 gentibus; & quæ spiritus sunt prorsus fequentibus,  
 in quibus illapfus per meliores operationes clarius  
 lucere perfpicitur; qui à prauis hominibus procul  
 abest, & propterea hos miseros dixeris, nunquam enim  
 quòd cèntent bonum consequuntur; sed in malum,  
 quòd non putant; raro non incidunt; hæc enim bo-  
 na temporalia nobis dantur exercitationi, vt his ritè  
 vtendo æterna non amittamus; quorum effrene de-  
 siderium sic naturæ lumen tenebris offundit, rationis-  
 que vsum ligat, vt sæpè fortunas in penas possideri  
 sapientiores videant, possidentur enim ab avaris,  
 prauis, ceruicosis, insipientibus, & assentatoribus,  
 qui hæc amore hærentes assiduè diligunt, & quæ  
 maior cæcitas, exclamant, quàm his vinculis ligari  
 tam arctioribus, vt demum ad infidelitatem trahant;  
 quòd circà non abs re fertur à Domino, vbi Thefau-  
 rus tuus, ibi & cor tuum, & necessario inquit Hie-  
 rocles, incidunt in technas, mendacia, & blasphemias,  
 qui diuitias venantur, non enim conniuentibus  
 oculis prætereundum est; quod Dominus ait, im-  
 possibile esse, hoc est admodum difficile diuites in-  
 gredi in regnum Cœlorum, & quod fertur in hymno  
 Dei Matris Sanctissimæ, & diuites dimisit inanes,

Quam



Quamobrem non in vanum se consulere perhibent ,  
vt euitemus foeneratores, tanquam nauæ scopulos, &  
Clericos negotiatores , quasi pestem , etenim rarò eo-  
rum consuetudo non contaminat , vbi tales sumus  
quales cum quibus conuersamur , ex quibus hanc il-  
lationem ducunt anilem porro, & futilem fortunatos  
quos benè natos Philosophi appellant , forsàn prò  
Astrologorum vana sententia dicentium ex nono si-  
gno post horoscopus assignari *ἡ ἀγνή* rarò ad pro-  
pria loca , quæ ad seipsos faciunt , & artes , scien-  
tias , & industrias cælitus non impelli , ibique vt pro-  
ficient moram non contrahere , id enim agunt impuls-  
i à Dæmoniaca , vt Proculus tradit , potestate , quo  
Cæli propitium influxum aucupantes , facilius acqui-  
rendas opes, congregandos Thesaurus, & consequen-  
dos honores curēt, Per hanc potestatem Angelos intel-  
ligunt eos diuersimodè quasi naturā excitantes , mo-  
uentisque , quos propterea à fælici sydere inclinari ,  
ac à proprio Angelo satis custodiri sentiunt isti , qui  
de rebus abditis tractare se credunt , prò rerum scili-  
cet subordinatione , ac iuxta Angelorum mutatio-  
nē, quòd Platon<sup>is</sup> oīsfacientes suadent , vnumquem-  
que sui animi propriam inclinationem in omnibus re-  
bus sequi debere , ac ad propria loca pergere , quo  
præfixos gradus , & honoris , & scientiæ consequan-  
tur non enim temere volunt dictū fuisse ad Abraham-  
in Genesi ( vbi ne iota vnum , aut vnus apex reperit-  
ur ; quod mysterio careat ) vt ad Australem partem  
ambularet ; ibi enim magnificabitur eius nomen , &  
ad Isaac , vt tenderet ad Borealem quo proficeret ; at  
quid nam mirum inquit cum loca valdè faciant in-  
acquirendis bonis , ac scientijs , ex cœli influxu , &  
Angelorum præstantia , quo euenire sibi persuadent ,

ut non sic proficiant, qui student Parthenope Theologiae, ut qui Lutetiae, veluti olim non ita proficiebant Philosophiae, qui vacabant Marfiliae, ut qui Athenis, quos nobis propitiores nosci Marfilius Ficinus ostendit ex frequentiori rerum successu; illic enim raro noster animus non gaudet, mens tristitia, diu non iacet oppressa, omnia quasi arrident, nec aliquid succedit, quod denique proprijs votis non cor-  
 respondeat. Addunt præterea commenta quadam Cabalistarum non minus euania, quod scilicet, ut res præterea succedat non modicum facere nominum mutationem, vel ob Ethymologiam conformem rei, vel quoniam in his mutandis, mutantur Angeli, officij videlicet, ac professionis, quos conformes multum prodesse, ut difformes multum nocere non denegant, propter æquale quæ sibi imaginantur eorum numerum æternis rationibus correspondentem, quem magnam vim habere minimè abnuere ferunt Rabbi Adarson, nec Georgium Venetum, dum inquit imparem par esse fortiore, hinc Poeta ait non sine causa, numero Deus impare gaudet, quod certe comprobari posse aiunt, ex sacra pagina, quandoquidem in 4. Libro Regum legitur dictum ab Eliseo ad Ioas, si sex, aut septies sagittas emisisses, ut misisti rer, penitus destruxisses Philistin, à quo nihil dissentire volunt, quod nonnulli Platonici perhibent de eisdem numeris, dum produnt ex eorum multiplicatione, & subtractione, sæpè certum rei quæ sita euentum habitum esse, à quibus neque dissentire contendunt Hebræos, dum asserunt nomina mutata fuisse Abrahæ, & Saræ propter numerum, ut gignerent cum prius steriles essent, ex quo factum tradunt non abs re, ut Angelus vocaret Danielelem nomine.

He-

*De Angelis, & occult. eor. oper. Lib. III. 8;*

Hebraico spreto Chaldaico Balthassar, mutatumque nomen Abisai in Abisa ob necem Abner, ad quod alludere affirmant, quod referunt Thalmudistæ præualere nigrum Angelum ob malum nomen, sicut ob bonum candidam intelligentiam, & proinde nostri hortantur non citra rationem imponi debere Infantibus baptizandis Sanctorum nomina; non enim sine causa Cabalistæ innuunt septuaginta duos Angelos, ex septuaginta duobus Dei nominibus, eorum secreta arte ex tribus Exodi versiculis, per quæ quasi per canales nobis bona cælitus exhiberi autumant, ad quod respexisse volunt, quod scriptum est, Angelus matris tuæ præcedet te obserues nomen meum in illo &c. Idem etiam fieri referunt, per mutationem, artis, scientiæ, industriæ, & officii, cogitant enim per horum mutationem Angelos mutari his præsidentes quasi omnes Mechubales, qui Astrologorum opinionem in hac re imitantur, hæc omnia astris ascribentium; verumtamen his Platoniorum, & Pythagoricorum, nec non & Cabalistarum opinionibus, ut potè fictitiis, & inanibus omissis, dicam minimè inconsistentaneum esse, si hoc hominum genus, qui fortunæ influxus facile percipiunt non semper honores, aut diuitias consequantur; cum non omnes proprii animi inclinationem ad vnguem sectentur, neque semper à Deo sic disponente illis concedantur; ut neque etiam, si non semper sapientes rerum penuria oppressi in rota miseriæ versantur, cum de his interdum curatum sit, ut fortunas assequantur per bonos Angelos, quemadmodum patet ex Thobia, quem ad Ragem vsque (quàm modo Echbatanam nuncupant) quo locupletaretur comitatum per Angelum, Raphaellem legimus in Sacra Scriptura. Itaque in

confesso est, fortunam, ita Philosophi vocant quandam proprietatem nobiscum natam, cum scilicet natura operamur, seu ut latius inquam quendam impetum superius nobis immissum præter nostram electionem sequi, procedere non à Coelo, ut à prima causa, cum astra neque causent, neque signent, neque villo pacto anfa per se Theauri inueniendi esse possint, quoniam in tali re, necessarium est, ut agens sit à proposito, quod aliud esse nequit, quam Deus, aut intellectilis creatura, quod ideo contingere peritiores existimant, ne propter hæc, quæ & à bonis, & à malis possidentur, aliquem dignum, indignum uè diuina gratia arbitrentur; vult namque Deus nos omnes in omni, qua versamur, conditione nostram salutem curando his gradibus ad quos vocati sumus, quippe facillioribus ad nos saluandos contentos esse: semper enim Dominus nos inducit ob suam pietatem per tutiorem viam, ac magis nostræ saluti expedientem, & ideo aperte patet, quod quamuis religio sit sæculo securior, non propterea existimandum est eos, qui in sæculo sunt, & damnantur, saluandos certò fuisse, si essent religiosi, quin forsitan in ampliori damnatione interdum extitissent, quoniam de prædestinationis nulla hic certa salus scitur, nisi ex diuina reuelatione; ut actum est cum Apostolo, cui cælitus dictum legimus, sufficit tibi gratia mea, prædestinationis enim nihil ex parte nostra causæ est, non enim opera, quæ Scholastici appellant de congruo, sunt causa prædestinationis, nec etiam quæ nuncupant de condigno, quanquam in eam cadant, nisi dono perseuerantiæ consummentur, & ideo nihil de æterna salute, nec de damnatione sciri potest, quamuis non negauerim frequenter mala magis latere in secundis rebus,

*De Angelis, & occult. eor. oper. Lib. III. 3;*

bus, quam in aduersis, quocirca euenit, sed non absque mysterio vt raro Lares, hoc est spiritus, qui nuncupantur familiares non versentur in superbis atrijs, & non in humilibus tugurijs casisque; id ascribunt, sed frustra eorum præstantiæ, cum si ita forent haud versarentur in locis horridis, nec in vmbrosis conuallibus, vt sæpe contingit, vitijs ergò magnatum, & diuitem flagitijs tribuendum videtur, quæ vel in pœnas operibus transcunt, cæterum de his quos æquus amauit Iuppiter, quos Græci *Θεοφύλακται* nuncupant, Angeli raro non ostendunt maiorem diligentiam, ac sollicitudinem circa bonum nomen; quod nemini velim negotium faceffer, hi namque præpositi sunt, tanquam aliorum exemplar, itaque legitur in sacra pagina, custodiuit Angelus Saram à Rege, Abimelech eius pudicitiam attentante, ac etiam eandem à Pharaone, & viuit Dominus, inquit Iudith, quia Angelus custodiuit me, atque Angelus Domini circumdat in circuitu timentium eum, vt eripiat eos, nec aliquid refert quod legitur Dæmones præualuisse quandoque circa bonam famam aduersus pios, ac Sanctos, cum postremo veritas manifestata sit cum maiori eorum laude, & grauiori Dæmonum ignominia, & cum eorum futuro damno non exiguo. Curant etiam non modicum de sapientibus circa dona animi, quas raro boni viri non amplectuntur, in animam namque maliciosam non intrabit sapientia, quæ quidem dona distribui ferunt, & prò varijs naturæ dispositionibus, & prò maiori animarum excellentia, per quæ Angeli crebrò excitant lucidiora phantasmata, præsertim cum ea tractantur, quæ ardua sunt, ac magni momenti, & ad publicam spectant salutem, quæ vt gratia perficiuntur, ita peccato

to obscurantur, verumtamen non sic fieri perhibent de meritoriis donis, quæ propter facinora prorsus deperduntur, Dei enim gratia, per quam habentur, aliud non est, quam diuinæ essentia participatio, cui flagitia ita opponuntur, vt tenebræ luminī, etsi non semper æqualiter ob culpæ inæqualitatem, quandoquidem quanto culpa maior est, tanto vehementius nos diuino auxilio priuamur. Insuper Angeli non semper æqualia phantasmata nobis excitant, quamuis ea excitando, lucidiora excitant, quam intellectus agens, id enim agunt, vt nos per ea nostros errores agnoscendo faciliè resipiscamus, quod nisi succedat nostræ ingrauiæ attribuendum est, semper enim Deus quærentibus præsto adest, haud enim sine causa, inquit Dominus, Ego sto ad ostium, & pulso, si quis aperit ingrediar, ad quam profectio remisit nos Angeli mouent sensum compescendo, rationemque illuminando, vt si velimus, gratia disponi, satis valeamus, nunquam enim nobis propitios esse in urgentibus necessitatibus desistunt, nisi altius iussi, & proinde si non semper nobiscum propria essentia assistunt, à custodia nihilominus non cessant, nisi supernè iussi fuerint, Deum namque vident vbique existentem, ex quo vel nostras necessitates agnoscunt melius quàm in proprio genere, & nos adiutū accurrūt, dummodo expediat, etiamsi in Cælo Empyreo sint, quo frequenter pergunt Deo vacantes, ac nonnullis de rebus, quas Deus alibi reuelare non conlueuit, propter imensam eius maiestatem, & indicibilem rerum ordinem, vt conijcitur ex Angelis Persarum, & Israelis, tamdiu secum certantibus, atque præstolantibus diuinæ reuelationis tempus, qui non tam longam moram contraxerunt ob yllam loci distantiam: cum quo-

quo-

quocumque velint accedere; nihil impediuntur ibi  
confestim esse, modo corpus assumant in primo in-  
stanti in vno loco, & in altero in secundo iuxta forma-  
rū introductionē; spiritus enim sunt extrā quantitatis  
terminos, quorum actiones quippe intellectuales ac à  
proprijs idæis tempore discreto mensurantur; sub  
quō nullum medium intercedit inter duo instantia, ut  
euenit in continuo; quod à Cælo est. Sed de hac  
re hactenus, cum alibi largè tractauerim; id circò  
libenter recurro vnde digressus sum; dicamquē An-  
gelos raro nobiscum non adesse in vrgentibus pericu-  
lis; tamen rarissimè sentiantur; propter nostra faci-  
nora, quæ in causâ sunt, ut nos ipsi à nobismetipsis  
distemus; nec ardua res est, etenim tantum ponderis  
in animam imponimus, ut vel si ipsi fortius in aures  
intonuerint, non percipiantur, sed tamen contrarium  
euenit his, qui gratia viuūt, quibus his superuenien-  
tibus, & vestigio eis inferni horror præ oculis adest,  
Spiritus Sancti opera in mentem suppetunt, summo  
odio ea quæ carnis sunt abhorrent, seque per Ange-  
los ex ingenti discrimine exemptos facillè agnoscant,  
compressi aliqua animi mœstitia ità dilantur, ut sta-  
tim robur, fortitudo, & consuetæ vires castæque co-  
gitationes enascantur, Dei timor, & diuinarum re-  
rum magnum desiderium; ingens æternæ veritatis  
amor; summa sceleris detestatio, peccati perpetuum  
odium; mundi quæque magis contemptus, ultimi dam-  
ni timor, & denique Dæmonum horror insurgunt.  
Cæterum non ità fit aduenientibus Dæmonibus, qui  
nos initio exhilarant, sed in fine repentina tristitia  
afficiunt, etsi aliter querant, propter proprium cir-  
cà inferiora, quod habent, imperium, at crebro ab  
Angelis prohibentur; quibus iuste subsunt, nec si  
per-

permitterentur, opus diu duraret, ne eorum fraudes, ac technæ euulgarentur, vnde succedit, vt à flagitijs abstinemus, insita nobis verecundia, & animi imbecillitate, quò hæc continuo odio, atq; animi auersione quantum in nobis est, prosequamur, & itaque si Angelorum ad nos venientium promptitudo atque beneficium à paucissimis sentitur, nihil absurdum, consequitur, pusillus enim est Dei timentium Grex, & non pauca malorum agmina sectantium animi passionibus &c. Quò circa ne mireris, si non sentiuntur, cum vt sentiantur Ezechiam Regem imitari opus est, in parietem, dum ægrotaret, sese vertentem, ac Moysen dum à monte descenderet, aut Eliam pallio se ad Domini transitum operientem, sensus namque, qui temporis subiicitur, ita rationi aduersatur, vt propter eius solutionem necessariò mentis ligatio succedat, & proinde quàm concinne referunt eas Angelos aures habere, quales habent nostri animi linguas, qui quidem aufugiunt à peccato, sicuti à fumo apes, vt à grauiolentia Columbæ, non quod his, cum spiritus sint, aliquid ex corpore contrarium sibi sentiant, sed quod eas res, quibus incumbunt, è regione oppugnant, itaque nemo peccatis inuolutus, Angelos statim ad se intus, vel exterius venientes animaduertit, quorum auxilium, vt antiqui innuerent, eos alatos pingebant in templorum valuis, ex quibus propterea Iacob plurimos vidit ascendentes per scalā tam altam, vt Cælum tangeret, quasi reportantes nostras orationes, & bona, malaque opera ad Deum, Deique ad nos opiculamenta, quæ si non semper sentimus nihil absurdum, vt dictum est sequitur, cum Angelus vel sub corporea imagine factus obuiam Balaam Ariolo nequaquam, ab eo visus, quoniam

pcc-



peccator erat, nō sentiebatur, & tamen sentiebatur ab Asina, qua vehebatur, latens fortasse vel aeris crassitie, vel phantasmate, organorumque immutatione, vel alio etiam modo nondum nobis manifesto ob eorum præstantem naturam, quo in animum agunt, necernamus; vti egerunt in Sodomitas eos cœcitate percutiendo &c. Sicuti eos quoque, quos Syriæ Rex miserat, dum Eliseum, ac Giezi eius puerum persequerentur, cuius oculi confestim Propheta Deū orante æthereo sensu donati sunt, & statim multa Angelorum castra pro eis adstantium viderunt, quod si sæpè eorum tutela suspendi supernè mandatur, ob nostra delicta sit, vt his malis oppressi, faciliè respiscamus, elicit enim Deus ex malo bonum, & ex peccato proventum, quandoquidem eorum pœnitentia gratiam maiorem, quam deperditam consequimur, ex quo perspicuum est, quod fertur verum esse vbi abundauit delictum, ibi superabundauit & gratia. Ad hæc Angeli nō semper quæcūq; bona, quæ procurant Vrbi-bus, Regionibus, & Regnis, succedunt, his præsertim, in quæ Deus animaduertit, vnde legitur, Curauimus Babylonem, & non est sanata, ab his non temerè emigrandum consulunt bonos viros; nam vbi Deus generali influentia castigat, illic frequenter boni trahuntur in rapinam vnà cum malis, non enim exiguum obstant loca tetra, & prophana, ne Angeli infortunia nobis instantia euitent pro eorum votis, namque non sine causa dictum est Abrahamæ, vt à sua familia, & cognatione exiret; & Loth, vt cum sua coniuge, & filiabus Sodomam defereret: nec temerè non licebat proferri Dei nomen Iehoua alibi, quam in Sanctuario, nec etiam frustra prohibitum est tantum instantia, ne Deo sacrificium offerrent in loco

m

pro-

prophano, quem Deus non eligeret, produnt namque bonos viros nunquam proficere in contaminatis locis, à quibus Platonici nos aufugere pro virili suadent, dum referunt ita corrumpi à pollutis locis puras, castasque hominum mentes, vt bonorum virorum mores à malorum consuetudine; nonnihil à recto, iustoque tramite exorbitant; nam vbi regnant delicta, ibi Dei maiestas soluitur, Angelorum protectio diminuitur, daemonum augetur licentia, & potestas patrandi facinora maior permittitur, & tandem necessario Dei vindicta consequitur, quam frequenter fieri consuetum est contra fideles per Angelos, sicuti peractum ferunt contra Adam, dum expelleretur à Paradiso per Vriël, quæ ex his fuisse, quos Hebræi Betheloim vocant, suspicio est, per quos vniuersam terram aqua opertam aiunt in diluuiò refusa, non tantum ex imbribus, sed etiam ex Oceano, ac abyssò, haud enim pluuia sola Terram cooperire poterat, vt quindecim cubitis supra altos montes extaret, etiam si per biennium omnes Cæli catharactæ apertæ essent; omitto, quod Cæli nō influant nisi per climatas, quibus medijs etiā Gygætes diuersis linguis percussi sunt, & Aegyptiorum primogenita perempta, & centum octuaginta millia Senacherib Assiriorum Regis interfecta, ac omnes Sodomitæ igne combusti, necnon & Maria in Moysen eius Germanum murmurans lepra polluta est, tamen si clam me non est, non paucos doctos opinari daemones fuisse, & non Angelos, quorum opinio haud dissona videtur, quando aduersum tantum virum absque causa insusurraret, & ex Angelo etiam David exercitus deletus est, propterea quod Dei populum numeraret; Angelique medio & Elias ignem à Cælo aduocauit, & quinquagenarios vnâ cum militibus

com-

*De Angelis, & occult.eor.oper.Lib. III.* 91  
 combussit, pariter etiam & Zacharias mutus redditus, quod minimè crederet Elisabetham eius vxorem, cui iam muliebria defecerant, parituram præter naturæ ordinem filium, donec proprijs oculis eum natū cerneret, eique nomen Ioannes inderet, & Iacob nervus non sine misterio hebetatus est, dum lustraretur cum Angelo; is enim erat Synagogæ typus, vt qui Esau custodiret typum Ecclesiæ, ob cuius tantam rem, vel adhuc Hebræi à neruo abstinent, necnon ex Angelo D. Hieronymus verberibus cæsus est, vt alibi dictum recorder, quod magis quàm Christiano conueniret Ciceroni, & Platoni studeret, &c. Quod etiam demonstratur per Esaiam Prophetam, quinimò Prophetarum Euangelistam, dum ait; Scribe hunc virum sterilem, tantum namq; ignominie olim sterilitas ascribebatur, vt steriliū primitiæ à Sacerdotibus renuerentur: Vnde Mercurius Trismegistus prohibet, conuersari cum homine sterili: à Deo enim, vt à prima causa, & non à Cælo, materiaue, etsi concurrant, sterilitatem infligi in grauissimas poenas tantum abest, vt in dubium reuocetur, vt sit luce meridiana clarius; nam magis influit prima causa in causatum, quam secunda, id patet ex familia regis Abimelech, cui Dominus omnium vulvas clausit, quod is in Saræ pudicitiam attentasset, nec ex eis vlla peperit, quousque Abraham pro eis oraret. Verum non sic euenit bonis viris, iustis, & pijs, de quibus dicitur, filij in circuitu mensæ tuæ, sicut nouellæ oliuarum. Per quos etiam Angelos, vel mortem inferri, nihil est quod repugnet, quoniam vel procedit ab homine, vel ab ipsa natura, vel à sydere, hoc enim triplici mortis genere animas à corporibus seiungi perhibent, semper Angeli ad eam concurrere videntur; aut enim

homicidia alius iussi non prohibent, aut quos custodiunt ægrotos propria virtute non sic confortant, vt naturalis calor infectos humores resoluat, expellatq; aut aëtorum malignos influxus non impediunt, hoc mortis genus primum violentum nuncupant, secundū naturale, tertium verò fato adscribunt, quod postremum mundum inuasit ob Nini idolatriam, vt non perperam subinnuit Epiphanius ex hoc dicto, & tunc mortuus est Aram ante Patrem, antea enim Deus suspenderat malignos Celi influxus ob mortalium multiplicationem, veluti prohibuit nefandum vitium ante diluuium; quo infectos non abs re vocant diffidentiae filios, vt & Idolatras infideles: quamuis non probem, quod quidam volunt hos habere certum pignus suæ damnationis, præsertim si vltra triginta tres annos perseuerent in hoc enormissimo vitio, tot enim annis pro eis Christus poenitentiam fecit, cum semper peccator vsque ad vltimum spiritum possit per poenitentiam resipisci, fateor tamen in maximo versari discrimine. Satis autem claret propter peccata mortem infligi, cum sit peccati stipendium, vt innui videtur per Danielem Prophetam referentem in Seniores Iudices, percutiat vos Angelus per medium hoc vestrū indicium: & ex Gregorij Dialogis, in quibus scribitur, Angelos sub corporeo velo proprium diem non paucis indixisse; quod etiam patet de Christo in Euangelio, vbi legitur, Vigilate, & orate, venit enim filius hominis, tanquam fur, sed non in corpore; vt sentit Dionysius Carthusianus, & Hebraei sibi somniant fieri ab Elia Carmeli incola in vnaquaque circumcissione, sed in spiritu; & quidam putant ministerio Angeli orbatum fuisse Dauid filiolo, quem tantopere amabat propter adulterium, quod commisit cū

Ber-

Bersabee, & propter Vriæ homicidium, & Herodes etiam ex Angelo percussus est, ex quo Platonici referunt animas haud à corporibus facessere, nisi solutis quibusdam harmonicis numeris, quibus vinctos tradunt, quos à proprio genio solui miro quodam secreto cælitus iniuncto imaginantur, ad quorum quidem sententiam alludere videtur, quod scribunt, pios, ac sanctos viros rarò in mortem non rapi, quasi in fenum, & è conuerso impios, & obstinatos, aut ab hac luce repentino interitu emigrare, aut moribundos maximis doloribus diù laborantes derineri, dicerem, ab Angelo Custode, dæmonijs reluctantibus, id peragi, qui tunc, nè eos poeniteret, de repente ex humanis abripi optarent, quòd minimè à recto tramite delirare dicunt, quandoquidem confirmari volunt ex Ecclesiæ autoritate, dicentis, Deus qui animam famuli tui emigrare ex hoc sæculo iussisti, Angelico scilicet medio, qui interdum dicitur Deus, & interdum Dominus, secundum propriam, quam referunt personam, quemadmodum satis perspicuum est ex Iacob, qui vocauit. Angelum suum protectorem Deum, ex Moyse quem Scriptura perhibet cum Deo locutum, qui alius, quam Angelus non fuit, &c. Ex hoc enim dicto adduxit Dominus ad Adam, cuncta animalia, hoc est Angelus Domini, & ex hoc quoque, quod legitur in Euangelio, Apparuit Dominus in somno Ioseph, quorum opera factum est, vt vel ipsa animalia diuinas personas repræsentarent, vti patet ex Columba appa-  
rente, dum Christus baptizaretur, quæ Spiritum Sanctum retulit, & ex voce, quæ Patrem repræsentauit, dum resonaret, Hic est filius meus dilectus, in quo mihi benè complacui, ipsum audite; hæc omnia, & pleraque alia eorum medio facta esse volunt, qui ap-  
primè

primè callent hieroglyphicarum litterarum eruditionem, dum ferunt Angelos multa effecisse, conuersos iam in aerem, iam in gemmas, aurum. & volucres, & in alia non pauca: veruntamen rarò, quos sub corporeo habitu puniunt, boni viri non sunt, ac Dei timentis, vt punitum aiunt D. Hieronymum, à quibus etiam interdum & bonos plexos legimus etiam sine vlla eorum culpa, quemadmodum peractum videtur per Sathanam contra Iob, Dei tamen permissu, in quem tanta mala patrauit; nec mirum, sapiunt enim penè aliquod bonum, cum earum causa non modò respiciamus à culpa, sed saluamur à poenis, interdumque ab omnibus, quibus obnoxij eramus, solum ob contritionem, quæ tanta esse potest, vt vel mors, quæ euitari nequit patientèr tolerata habeatur penè loco martirij. Et quamquam vterque Spiritus puniat Dei iussu, magna tamen inter vtrumque differentia est, punit enim Angelus ob charitatem missus à Deo, quo nos peccata abominando corrigamur; sed non ita dæmon, quoniam plexurus, semper nos astutia, doloque circumuenit ob odium, quo nos maximè prosequitur; sed id facit non tamquam nobis naturalis inimicus, cum natura nihil oderit, substantia namque substantiæ non est contraria, sed vt voluntarius, ex inuidia, & odio; proinde coniectura consequi possumus eos haud delectari de damnatis cruciandis, nisi breui, & imaginario quodam gaudio, quia scilicet facti sunt de his voti compotes, ac vtiq; Deum execrantur, sed non vt Creatorem, cum nemo non esse natura appetat, neque esse possit sine Deo; sed vt sibi, quem falsò imaginantur, iniustum Iudicem propria, qua sunt malicia, & quamuis non omnes in Deum æqualiter inuehantur ob eorum inæqualem naturam, maioremque iniquita-

quitatem, tamen omnes odio in Deum conueniunt, non secus quam nostra memoria hæretici aduersus Summum Pontificem, alioquin summopere inter se differentes, &c. Id quod eo magis sic esse apparet, quod ibi tantum Dei tortores sunt absque vlllo, vel imaginario, ne dicam reali commodo, neque illis datur locus refocillationis, quòd si ita esset, daretur, quamuis apud nos contrarium contingat, cum eos imagine tenus gaudere possent ob nostram ruinam Theologi asserunt, sed hinc sibi, quasi turdus malum causat, cum vel ex imaginaria læticia æterna mala, quasi Cæcias nubes contrahant, ita Diuino iudicio exposcente, vt vnde imaginarium gaudium gauisi sunt, inde perpetuas, realesque poenas sine fine luant. Verum si infideles sunt à dæmonibus puniuntur, sed non cuncti; propterea quod qui magna autoritate eminent, raro non castigantur ab Angelis, cum omnis potestas à Deo sit, quemadmodum Sacra Scriptura demonstrat Abimelech, ac Pharaonem, vtrosque Reges infideles, atque obstinatos peccatores, quod alter Saræ pudicitiam attentaret, & alter Dei populum iniuste detineret. Neque etiam semper castigantur à dæmonibus Regna, nec Regionēs, nec Vrbes, ob prestantes maiores Angelos, vti apertè videtur ex combussis Sodomitis per Angelos, & ex Senacheribi exercitu ad interuersionem vsque perempto, cui mentum, & capillos abrafos Hebræi referunt in eius seruitutē. Neque etiam Religiosorum collegia, vt punitos legimus in Gallia D. Martini Cœnobitas, propter eorum corruptos mores, tametsi inficias non iuerim eos interdum à dæmone plexos, ne dicam posse, quod tunc succedit cum à cunctis habitantibus Dei gratia floccipenditur, cuius cōtemptu ita Dei Numen subtrahitur,

tur, vt in reprobum sensum traditi, videntes minime videant, ita Dei iustitia exigente, quo demones insurgant aduersos hoc modo peccantes atrocissime viatores, &c. Rursus Angeli perfecta qua nos diligunt charitate non solum Deo porrigunt fidelium preces, eleemosynas, & vota, sed pro eis intercedunt; rogantque, tum maximè cum exaudiri agnoscunt, quod agunt, per quam læti, & exultabundi, veluti manifestatur ex Apocalypsi, in qua legitur, Ascendit fumus incensorum de oblationibus Sanctorum è manu Angelì; interdum etiam precantur, vel diuinam voluntatem nescientes, vt quousque Domine exercituum, misereberis Hierusalem; Qui etiam crebrò in precibus effundendis opposita petunt, vt liquet ex Persarum Angelo, qui contendit cum Angelo Israelis viginti & vno diebus; Qui etiam assidue exorant bona temporanea, vel pro his, qui extra Ecclesiam sunt, & nonnunquam æterna ex Dei nihilominus reuelatione, sicut claret ex Angelo alloquente Cornelium Centurionem, qui tunc Gentilis erat cum Idolatris, dum diceret orationes tuas, & eleemosynas exauditas esse coram Deo; quod ex Angelo factum etiam videtur Constantino, dum sibi Crucis imagine ostensum est se suos hostes debellaturum, quam propterea prohibuit, nè in posterum extaret in delinquentium penas; In quo nimirum colloquio sæpè intelligunt non parùm hilares, eorum exaudiri desideria, qui naturali tantum lumine Deum agnoscentes vt primam causam, ac eum propterea adorantes eripiuntur propter eius misericordiam ab infidelitate, non aliter quàm cæci, dum illuminantur suprà eorum naturæ facultatem à perpetuis tenebris. Necnon & Urbium, & Regionum, ad fidei dispositionem propensarum vota agnoscunt, gratiam,



gratiam, seu lumen perspicientes; nouosque habitus  
superinfusos quemadmodum demonstratur ex histo-  
rijs Messicanis, in quibus legitur Angelum quemdam  
Malum consolatum fuisse, cū eum ad perdendum in  
sacrificium traherent vehementer lacrymantem, dum  
ei diceret, vt à lacrymis desineret, propediem enim  
futurum, vt Deum Cæli, quem ipse toties, acclama-  
rit omnium incolarum miseretur. Præterea Angeli  
vsque adeo nostra bona æterna peroptant, vt non  
modò nobis deuotè, rectèque orantibus assistant, &  
nos à malo continuè dehortantur, sed nos pro eorum  
virili ad ea consequenda iugiter signis, & inspiratio-  
nibus excitant, & in somno, & in vigilia, & ideo ra-  
rò euenit, vt qui in procinctu aliqua patrandi scelera,  
aut in euidenti moriendi discrimine versantur, non  
sentiant, ni peccato obdormiant, Angelorum inspira-  
tiones; & proinde sæpenumero visi sunt nobis instan-  
tibus periculis, vti adolescentes, qui faciem ostenden-  
do tantopere olim formidabantur, vt qui illos vide-  
bant sibi mortem imminere non dubitarent, vti cla-  
rum est ex Gedeone, qui vsque adeò timebat propter  
visum Angelum suum diem claudere, vt diceret, Heu  
me Domine Deus, quia vidi Angelum Domini de  
facie ad faciem, & manè moriemur, inquit vxori, quo-  
niam Angelum Domini, dum in flammam ascende-  
ret, vidimus, at non sic timebantur, dum terga osten-  
derent; altera enim re eos ad bona opera cohorta-  
bantur, & altera eis euidens, instansque periculum  
manifestabant: Quò forsan euenit, rarò non ostendi  
omnibus ferè moribundis proprium lethum signis,  
portentis, ac ostentis vel ab Angelis, vel à Sanctis no-  
stris tutelaribus, quibus quamquam Deus non vtatur  
nobis ad pœnas infligendas propter communem no-

stram naturam, ad percipiendam tamen gratiam crebro vitur; etsi infidelibus id à dæmonibus effectum, fuisse proditum est, ut in suis scilicet superstitionibus persisterent, sicuti effectum legimus in gentium historijs cum viris præstantioribus, at ingratissimis, uti fuit Silla, Brutus, Iulianus, & alij, quibus plaudente dæmone ob eorum in authorem ingratitudinē vel mors, vel victoria à malo genio præmonstrata fuit, quibusdam verò nonnunquam Angelos pro alterius salute succurrere facillè colligi potest ex vita D. Ludouici Beltrandi, in qua scribitur Angelum peregrino habitu apparentem cuidam Indo, cum ut suum filium tenellæ ætatis baptizandum Ludouico afferret vehemēter hortatum esse, & ex visione Angeli etiam D. Paulo dum in Troade concionaretur, ostensa sub cuiusdā Macedonis forma, se ut in Macedoniam pergeret confortantis. Atque interdum ex alijs euentibus, veluti apparuit Balthassari Babylonis Regi per manum scribentis in pariete, & Nabuchodonosor in æneon & Pharaoni per somnia, quæ nulla arte coniectari posse, nisi ex Prophetis, Theologi nihil ambigunt, cum Prophetia dumtaxat ex Dei reuelatione procedat, quæ naturæ lumen satis excedit; absit enim, quod Philosophi meditantur nobis concedi omnes Prophetas à Cælorum conuersione, & ab intelligentijs, cum si ita foret, nulla sæcula transirent absque Prophetis; nec prophetia regnasset tam frequens in Iudæa ante Christi aduentum, cum Cælum non inluit per tam diuturna tempora, nec tam continuè in vna Regione durasset, uti fiebat in Iudæa, sed per diuersa climata, & tempora, quocirca prophetia altius existente, quàm à cælesti conuersione, cæcutit per se in eius lumine nostro intellectus, ut nocturnæ oculi in Solis radijs, vsque

adeo

*De Angelis, & occult. eor. oper. Lib. III. 99*

adèd eius signa, seu figuræ, difformi, remotaque analogia nostris rebus correspondent. Præterea Angeli adsunt cunctis fidelibus animam agentibus, ut si bene vixerint, eorum animas à corporibus seiunctas comitentur pro earum triumpho propter virtutis contactu, quo ob præstantiorem naturam eas admodum refo-  
cillant, sicut comitatum legimus Lazarum, ut mortuus est Lazarus, & portatus ab Angelis in sinum Abrahamæ, quemadmodum comitam vidit D. Benedictus animam Sancti Germani, & animam Sancti Arnulphi B. Paphnutius, quam vel ex reuelatione agnouit, vel ex propria eiusdem corporis, à quo recessit imagine, quam Platonici omnibus nervis sic esse affirmant, à quibus minimè dissentiunt Thalmudistæ asserentes ita cognitam à Saule ex eadem figura Samuelis animam ab inferis reuocatam per Phitonissam, haud enim abnuunt animas ante annum reuocari posse; quas Angeli portant ad Paradisum, aut ad Purgatorium ubi pœnas dant semper ferè de peccatis mortalibus nondum plenè expiatis in hac vita, cum venialia quasi omnibus ob contritionem, quamvis minimam, ante earum à corpore discessum cuncta, condonari piè dixerim, ne aliqua contritio esset, quæ nihil pœnarum deleret, quod si alitè eueniret vel ob inadvertentiam, vel ob repentinam mortem, tunc eorum culpam sibi remitti proprijs actibus, & Ecclesiæ comprecatione necesse est; tanto magis, quod venialia gratiam non auferunt, quamobrem verum redditur aliqua crimina in altero sæculo remitti. Quò frequenter vniuscuiusque Angeli Custodes descendunt, non quod illic eorum custodia necesse sit, cum animæ segregatæ nec peccare, nec sibi merere, valeant, sed ut eas consolentur de durissimis tormentis, quæ

ab igne, vt diuinæ iustitiæ instrumento ad tempus patiuntur, quod non Cæli motus metitur, sed doloris conditio; quamobrem vel inferni tum intensius excedentia Angelorum accessu diminui referunt, subleuantur enim à dæmonum cachinnis, & subsannationibus, quas molestè ferunt, ac eò vt eas pœnas luentes derideant, crebrò illuc sese recipiunt; Quò autem dæmones eò tendant propter animarum atrociorē afflictionem, nihil veritatem oppugnat, cum pro pœnarum statu, locique ratione sint quodammodo in via, vt apparet ex precibus, quas Ecclesia fundit pro defunctis, dum audacter cantat, Libera Domine Iesu Christe Rex gloriæ animas omnium fidelium defunctorum de pœnis inferni, & de profundo lacu, libera eas de ore Leonis, ne absorbeat eas Tartarus, ne cadant in obscurum. Quò etiam se conferunt, vt eas tandem ab omni reatu expiatis stipent, & comitentur ad Paradisum, quorum contactu, quamuis earum essentia non illabatur, cum Dei tantummodo proprium sit, resocillantur, sed inde non prius eripiuntur, quàm harum vnaquęque astiterit ante Christi tribunal, iustum in eam iudicium exequentis, cuius sine percepto Angelidiſto citius id exequutioni demandant, tamen nonnunquam miro quodam arcano id in tempore fieri tradunt, quo nos instruamur, vt promulgatur ex Historia Sæcti Brunonis, & cuiusdam Parisiensis Iudicis, qui inter celebrandum eius exequias surgens è pheretro inquit se assistere coram Deo, exinde resurgens iudicari ait, tertium iusto Dei iudicio damnatum esse clamauit: Quòd Angelis comprobantibus peragi claret ex varijs imaginibus, quæ in diuersarum ædiũ frontispicijs pinguntur, vbi cernere licet Michaelem animas trutina librantem, in qua cerni-

cernitur gratiam, ac Spiritus Sancti opera ad sublimia efferre, at è conuersò peccata, & carnis illecebras ad inferna trahere, vbi perpetuò igni animæ cunctæ ardebunt: Verùm si fuerint infantum sine baptismo, ad Limbum, in quo olim deputabantur Patriarchæ ante Christi aduentum, quod Ligatorium nuncupant, vbi licet dæmones non deerunt, non tamen carebunt Angelica consolatione. Ex quibus profectò animabus interdum nonnullas, vel in via, vel alicubi deputatas à Sanctis liberari serunt, vti ex Traiani anima patet, quam Diui Gregorij patrocinio liberatâ prodit Ioannes Damascenus, atque ex illa etiam Dagoberti Gallorum Regis, quæ dum damnata portabatur ad inferos, vindicata est ab eorum manibus Sancti Dionysij suffragio; à Sanctis namque potissimum tutelaribus nos frequentius in gratuitis protegî, vt in naturalibus ab Angelis tradunt, qui pia tractarunt, alteros impellit generis similitudo, & Christi ratio, & alteros naturalis potestas, perfectaque charitas, quæ nostros Custodes esse valdè gaudent. Adde, quod Sanctorum animæ maiori ibi, quàm hic pollent charitate, quos vel viuentes hic pro nobis orare etiam Lutherani non denegant; hinc propterea non ab re viri pij consulunt, nos confessos vnumquemque suum protectorem suscipere, vt agunt Iesuitæ in suis Congregationibus, à qua quidem re quam impiè dissentiant Hæretici, dicto opus non est, cum si hic iusti existentes poterant pro alijs orare ob charitatem, cur in Patria, vbi perfecta charitate vigent non poterunt? poterunt, vti meridiana luce clarius demonstratur à Theologis, ac posse ab Ecclesia observatur, quæ à Spiritu Sancto recta errare non potest, atque ex Sacræ Scripturæ autoritate comprobatur, ex quo non temere

merè post Christi mortem apparuerunt multa corpora Sanctorum in Sanctam Ciuitatem, vt nos scilicet se nostram salutem apprimè ob Christum curaturos admoneant, non aliter, quam apparuit Angelus Adæ delinquēti sub corporeo habitu, ne peccato desperaret, quod factum non est absque magno misterio, delinquentium enim conuersione Beati summo perè letantur; gaudent namque Angeli super vno peccatore penitentiam agente cum charitate, tum etiam ex propriæ gloriæ augumento; sed quantum his sit augendum, nec verbo, nec opinione nobis consequi possibile est; quandoquidem eorum actiones à nobis satis distant, satisque diuersæ sunt, hi namque quo possunt conatu ad charitatem feruntur, sed vario, vt varia, eorum forma existit, qua varij merendi actus enascuntur, &c. Cæterum si non semper nos eorum tutelas percipimus, nos ipsi, vt alibi retulimus, ansam præbemus, qui eorum inspirationibus oblectamur, maxime quando sensibus indulgemus, de qua profectò re dolent, non tamen vt nos vniuoco dolore, cum spiritus sint, sed propriæ voluntatis naturali renisu, quo legitur Angeli pacis amarè fiebant, vbi reuera nunquam non lætantur, quod à dæmonibus procul abest, cum semper à diuinis præceptis dissentiant, ac omni quantum possunt conamine in Deum impiè feruntur, magnisque cum execrationibus, ac blasphemijs, quæ contra se obueniunt inuiti tolerant. Amplius, Angelos inscrutabili Dei providentia nostræ custodiæ adscriptos, eorum perfuncto officio, circa quos custodiebant, alijs custodiendis adscribi, quasi omnium Theologantium communis opinio est, à quorum custodia neque Antichristum, quoniam homo, nè iuste conqueri possit excludendum tradunt; Christus enim

dum-

dumtaxat quod natura peccare non poterat propter  
personalem vnionem exemptus est, quamuis vt homo  
hauit caruit eorum ministerio ob corporeas commodi-  
tates, & Virgo Maria Dei Mater, gratia ab omni labe  
etiā originali præserruata, cui assistunt, non vt eam  
à peccatis dissuaderent, sed vt eam illuminando am-  
plius mereretur, cuius præterea filium Caietanus præ-  
dit mūdātum fuisse Angelico medio sine vllō ablūio,  
ne eius mens Deum laudare distraheretur de tanto  
contemplando Sacramento; quos propterea assistisse  
in eius morte, non vt dæmones arcerent ab intēiore  
tentatione, cū sic eam tentare non possent, nec in  
eius cadauere, sicuti assistunt in alijs, cū nunquam  
eis obnoxia extiterit, ac vt ad Paradisum cū supre-  
mā eorū, nostramque Reginam concomitaretur;  
cuius gratia maiore gloria eos auctos dicerem, qui no-  
bis assignantur custodiendis, non vt Beatorum sedes  
expleantur, cum Angelorum ruina non fuerit causa  
nostræ creationis, vt nonnulli suspicantur. quando  
quidem cum quatuor cœua concreata fuisse obnixè  
contendat Magnus Albertus, naturam Angelicam,  
Cælum empyreum, æuū, & materiam primā, hanc  
ultimā in cassum creatam dicerem, si meliores, quas  
posset, formas minimè susciperet, quod non succede-  
ret, nisi homo crearetur, propter quem cuncta facta  
videntur, an materiam dixeris factam absq; eo, quod  
hæc forma omnium optimā informaretur? absit cum  
vnuquodque tale, & illud magis. Sed redeundo  
vnde recessimus dicam non illibenter Angelos pera-  
cta circa quos custodiebant protectione aliorum cu-  
stodiæ adscribi, licet id abneget Iustinus Martyr, qui  
vult eos post primam custodiam defunctorum animas  
comitari, aliaque misteria exercere, cuius sententiæ  
& alij

& alij subscribunt: nemo enim adeò delirat, vt asse-  
 clis prorsus careat. Verùm aliter rem se habere opi-  
 nor, quandoquidem si ita esset, non omnes Angelos,  
 quos habuimus Custodes, haberemus conregnatores  
 propter grandem præscitorum numerum, proinde  
 nullo pacto eorum votis standum iudico, qui eorum  
 sententiæ inhaerent; sed dicerem tunc Angelos à par-  
 ticulari cura desistere, vbi nonnulli, quos custodiebant  
 superstites euaserint, vt saltim nobiscum conregnent,  
 non quod eorum numerus nobis vndique congruat,  
 cum de prædestinatis dicatur, Vidi turbam magnam,  
 quam dinumerare nemo poterat, ad quam profectò  
 rem videbatur alludere D. Thomas, dum inquit, de-  
 decere indiuidua à speciebus superari, qui propterea  
 non priuantur accidentarijs meritis, vbi Deus conti-  
 nuè eis vtatur circa diuersa, quæ contingunt ministe-  
 ria, vticernere licet ex maxima eorum catrua sub  
 militum imagine apparentium Heliseo, ac eius puero  
 Giezi, eos à persequenti hoste protegentium, ac ex  
 his, quos Iacob aspexit ceu pueros specie pulcherri-  
 mos ascendentes, & descendentes ex scala, quæ tam  
 alta erat, vt Cælum tangeret, atque ex ea caelestis  
 militiæ turba Deum laudantium propter Christi na-  
 tiuitatem, & ex eo etiam, quod ostendere videtur no-  
 ster Saluator suis discipulis, dum referens se non in-  
 uitum nocentium manibus tradendum, se posse Pa-  
 trem plusquam duodecim legiones Angelorum exo-  
 rare, vt seipsum tuerentur, qui ex alijs, quam ex his,  
 qui custodiæ munere perfuncti forent, haud accipien-  
 di erant propter eorum propria officia, cum si aliter  
 esset, aut eorum numerus esset infinitus, quod creatu-  
 ris concedendum non est, aut hi essent suscipiendi à  
 mortalium custodia, quos quasi orphanos deserere,

non



non conueniret ob magna pericula à dæmonibus his instantia ; hoc magis, quod ea, quæ à Deo procedunt sine ordine non sunt ; aut si sic foret, sequeretur . excubiarum ergo munere completo , eo modo, quo dictum est, frequenter nos protegent à dæmonum cætu in aliquo regionis tractu immorantium qb mortaliū stragem infausto, aut in sepulchris, & præruptis, horrendisque locis, in quibus ne dæmones malefaciant sæpè inueniuntur, siue liberi deseruntur noxam ad tempus structuri, &c. Propterea quod hæc vel aspectu horrenda ne dicam ex Angelorum absentia, valde idonea sunt ad patranda continua, quæ machinantur mala, vbi rarò noctu, quando tenebrarum filij magis prævalent non infiliunt in tam tetris locis prætereuntes horribilibus fragoribus, subitaneis terriculamentis, & tenebrosis phantasmatibus, quæ haud ab animabus, quas Hebræi Nephesc vocant, aliqua labe pollutis patrantur ; vt Pythagorici, ac Platonici sibi credunt, quas propterea suos peremptores tanto odio prosequi perhibent, vt earum cadauera sanguinem, contra præsentes homicidas effundant, à quibus nihil discrepant Arabes, dum putant animas pati ex proprijs cadaueribus, decepti forsàn à Thalmudistis, qui idem meditantur propter nonnullas huiusmodi illusiones ibi crebrò visas, cum animæ separatæ non sæuiant aduersus propriam speciem, nec corpora moueant præterquam quæ informant, & ideo dæmones aucti malefaciendi viribus sæpè in his sese diuersis obijciunt, vt mala obstrusa, vtique sæuiora, quam quæ manifesta sunt, haud namque aliquid agunt absq; nostri excidij proposito, quemadmodum non ita pridem successit in monte Bello, per quædam lumina, quæ diù conspecta à plerisque prius hominum non

parua luc, & postea frequentiori latronum acie grafsantium; rura; ne dicam viatores; eius ruinam attulerunt; quæ cum incertis quibusdam nostræ regionis tractibus eadem appaerent singulis ferè noctibus in plenilunio, nedū in eius defectu, ac silentio, quādo miro quodam secreto dæmones magis prævalent, ydo quā sudo aere, valde verendum est de aliquo instanti, grādique, quod Deus auertat, infortunio, quod videatur adesse præ foribus, & pro hominum discordia, & pro magistratuum avaritia, qui hic apud nos potius emolumenta, quam iustitiæ zelum intendunt; sed quid mirum? ubi omnia quasi præposterè Principe, iustissimo se habeant, præmium enim, & non meritum in rebus distribuendis exquiritur; hisce horribilibus portentis, admirandisque scintillationibus, & diuersis propter ignis naturam motibus vehementer inspectores perterrentur, apparent namque hæc phanatica lumina, iam subobscura, iam satis lucida tantæ interdum magnitudinis, vt Lunam representent, & interdum tam paruula, vt vix referant Galli oculum; nunc in plures faces diuisa iam humi sese moquentia, iam in aere vti volitantia, iam diu temporis immobilia sub diuersa figura triangulari, & quadrangulari, referunt quædam ymbra, quasi hominum pyrronica, saltatione salientium intra semetipsa; horresco dicere cuncta, quæ conspeximus, ex quibus tam mirificis, fidis tamē illusionibus, raro immensus non innuitur timor prætereuntibus, præsertim in eorum solitudine, vt nos certo scimus, qui de cunctis, quæ proprijs oculis ceruimus cū sæpenumero id obseruauerimus, quempan libellum intendimus, cuius rei figuram non ipsi effinximus, Regique nostro Philippo Secundo destinauimus, quare non potuerunt cuncti eam inspi-

cientes non admodum mirari hos anteaambulones ignes, an ab vno dæmone excitentur ob vnum effectum? an à pluribus ob varias illusiones? illis tantummodo clarum est, qui serio in sacris litteris versati sunt; &c. Ob quam rem ferunt nostri seniores, cum diu sic apparerent erectum fuisse vix quatuor sæculis elapsis quoddam superbum Templum Virgini Deiparæ vulgo de Pesata nuncupatum, multis Sanctorum reliquijs plenum, & auctum opulentiæ vestigialibus, quod statim hi phanatici ignes euanuerunt; factus est enim huiusmodi locus adeo religiosus, vt vel ex eius intuitu augetur visitantibus deuotio; sed nunc, proh hominum fidem, ita iacet ruina dirutum, vt vix quod fuit conijci possit, nec sine lacrymis considerari, ablata enim est frequens populi visitatio, ac concursus peregrinorum, vota quotannis offerentium, prorsus destitit; idcirco hæc lumina nobis calamitates, & ruinas minari suspicarer, & tanto magis, quod Dei contemptus nullum non malum non procurat, Veruntamen vt oratio intentum finem consequatur, dicam libentissimè hæc omnia prophana loca Sanctorum sacellis, & imaginibus, expiationis aqua, Domini nostri Cruce † Sanctissima, orationibus, votis, & ieiunijs, Græcos, quibus hæc Ciuitas originem acceptam refert, expiare solitos, haud namque clam eis erant dæmones nisi illinc arceantur, vires, vt in proprijs locis, quotidie maiores acquirere ad patranda peiora, facinora; nec mira res; loca enim destituuntur propter peccantium flagitia Angelorum tutamine; non enim ab re Apostoli iussi sunt, vt puluerem à proprijs pedibus excuterent, ac terga verterent vbi Euangelium intelligere renuebant. neque sine misterio legitur in Euangelio Christum nostrum Saluatorem in

Sepulchro, quod erat nouum, depositum; ex hoc enim manifestatur cum nihil huius Mundi Principi debuisset; exitit namque ab omni corruptione immunis, neque hoc sine causa, ea namque mala perpeffus est, quæ propria voluntate patiendò, & nobis salutem, & sibi nomen supra omne nomen meruit, quo Deus vocaretur, quocirca dictum est, Non dabis Sanctum tuum videre corruptionem; etenim carnem assumpsit, non uti nos peccatricem, licet peccato non dissimilem, & propterea moriendo mortem destruxit, & nos, & nostras pœnas fide deificauit. his enim in locis, sic pollutis, dæmones, ut sibi proprijs, & noxijs versari aiunt, ut inexplatis, & in sacris verò Angelos, ex quibus fuerunt; qui Loth cum filiabus à Sodomeo incendio vindicarunt, & quos Abraham tres vidit sub meridie, & vnum adorauit, cum postea ad vespertas duo apparerent, dum ad castigandos Sodomitas pergerent, non absque misterio, uti & is, qui ad locum ascendit, qui silentium dictus est, ob quas Israel lacrymas fuderat, Deique beneficia exprobans ait, quoniam eius pactum irritum egerat, propterea suos hostes prorsus non deleuisse; quo eorum Dij ipsi essent ruinæ, &c. Necnon & is, qui Isaac à mortis discrimine liberauit Abraham manum, nè eum mactaret, impediens, & quem Iacob præsto habuit, ut ab Esau, si necessarium foret, defenderet, & etiam qui coruum duxit, ut panem ad Eliam Prophetam afferret, dum impiam Iezabelem aufugeret, & qui cum transtulit igneo curru in terrestrem Paradisum, sicuti prius fecerat de Epoch, cuius etiam ministerio Eliseus duplicem spiritum consequutus est rei, & significari, ut & qui Thobiz filium ad Ragem vsque comitatus est, & is, qui Iudith ad Holofernem sospitem euntem, & redeuntem, atque

is etiam, qui Abacuch per aerem, capillis, gravitate, suspensa, transportavit à Iudæa in Chaldaeam ad Danielelem in lacu existentem, & Leonum ora clausit, ne contra eum sauirent, & qui Philippum transtulit ex Azoto, & Apostolos ex varijs, atque diuersis Regionibus, vt omnes Virgini ex humanis emigranti adessent, sic etiam dicerem de eo, qui effecit ne ignis tres pueros Babilone combureret in fornacem iniectos, quo deperderentur, atque eidem qui tubarum clangore prostrauit Hierecuntis muros, necnon & qui egit ne rubus, quem Moyses ardentem viderat, consumaretur, & qui persuaserat, vt omnes in Christum, credentes sese reciperent ad Agrippæ Regnum, propter Dei furorem contra impios Iudæos, omni perfidia perfidiores, & qui materiam disposuit, vt quidam mortuus tangens defunctum Eliseum reuiuisceret, necnon & qui fecit, vt ignis deiectus à Sacerdotibus in puteum, pergentibus in Persidem, conuersus in crassam aquam lapides, ne dicam sacrificia, adureret. Miram profecto rem è proprijs rerum formis actiones suspendi per Angelos cum miracula creaturæ propria facultate efficere non valent, vbi Deum tantummodo authorem habeant, & in rebus aliter quam existunt peraguntur. Deus namque cuius proprium est miracula agere his concedit, vt solum materiam adaptando, tantæ rei fiant cooperatores, quod etiam fieri assolet, vbi diuina misteria, ad quæ propria potestate perueniri non potest, nobis panduntur, in quibus quoniam cælestia dona sunt in fidei testimonium acta, aut in exercitium, Deus dæmonibus non vititur, sicuti nec in gratuitis ne eorum, qui sunt malæ voluntatis vel testimonio, vel medio vitatur; hanc tamen virtutem cooperandi ad eius miracula nobis voluit,



xander Magnus Iadonem summum Sacerdotem, equo defiliens cernuus adorauerit, quamuis Thalmudistæ referant, id fecisse ob nomen quod gerebat in cidari, quo fulgente supra Ephod in duodecim gemmis tradunt Hebræi crebro eorum Sacerdotes intellexisse certos rerum successus per prophetiam, quam vocant Vrim, & Tummin vti factum produnt ad Dauid ex Abiathar sacerdote, qui etiam ansam præbuerunt, vt Attila Hunnorum Rex, qui Dei flagellum dictus tantopere Leonem Summum Pontificem metueret, vt eius iussu capeßens ne ad Vrbc̃m tenderet libenter pareret &c. Idem quoque actum legimus ab eodem dum Beato Lupo Trecenti Præsidi obediret iubenti vt à Gallia discederet; quoddam simile Platonici sentiunt, dum narrant varios genios nobis ex genesi exhiberi, quorum qui sortitus est inferiorem timet eum, cui superior genius assistit, vt narratur de Marco Antonio, qui ob id Augustum timebat, & de Francisco Primo Francorum Rege, qui palam dicebat Carolum Quintum se superiorem nosse. Sed vt redeamus ad Angelos, hi non solum viros pios, quibus assistebant venerabiles reddebant, itaut sermone ceteros ad se trahebant, sed etiam indumentis virtute ab eisdem influxa, sicuti actum perhibent ex Elia Propheta proprio, quo utebatur, pallio ad Eli-seum proiecto, quo statim boues arantes deseruit, atque cum secutus est, & ex Diuo Bernardo proprio baculo, quo inuitus Dæmon expulsus est à quadam puella, quam diu infestauerat, ac etiam à Domino Nostro proprijs simbrijs per quas omnes eas tangentes actutum sanabantur, &c. Verumtamen ne ab intento themate egrediamur, firmiter inhærendum videtur Angelos Regibus, vel Infidelibus præsidentes.

non enim eis defunt, ubi omnis potestas à Deo sit, curare non tantum, ut iuste regant, sed ut ne quantas velint noxas populis inferant, qui nisi hoc egerint populorum peccatis ascribendum videtur; quibus ita Dei gratia propter scelera subtrahitur, ut neque, si verba aperte facerent, auscultarentur, quinimo nec si Iupiter (quod aiunt) in aures intonaret, periret ab huiusmodi infatuatis populis: non aliter quam ingentia Iudeorum flagitia causa erant, quo minus Prophetæ concionando intelligerentur, atque adeo ut Christus os suum aperiret in parabolis, & in ænigmatibus, atque ut resurgens varius diuersusque suis discipulis appareret, iuxta dispositionem eorum variam, apparent namque diuina sub nostra mentis imagine, ac dispositione, ex quo etiam crebro factum referunt, ut sapientes in consilijs, quod ante benè nouerant, perpetam decernerent, neque propterea aliquid absolum dixi, quoniam ipsis in rebus particularibus, ne ipsi errores paterentur, altioribus donis opus est, ut erudiantur; ergo Principes, & Iudices animo sapiant, ut rite pro æternis rationibus gubernent; quoniam ob David peccatum Deus castigauit populum, ipso tamen haud impandè ferente, neque ab re; Principum namque vitia paucissimi sunt, qui non amplexentur, neque velim ex hoc frontem capeant, qui alijs præsumt quasi dixerim indecorum, aliquid, ubi vix quicquam reperiatur quod magis populos moneat, quam magnatum exempla, quibus propterea, ut iuste regnent, vitamque ducant pro æternis rationibus, Archangeli eos illuminantes dati sunt, quo fit, ut ne Antichristus hoc Angelo priuaretur, neque profecto sine causa, eius namque regiminis ætate non deerit iuris dicendi observatio. in-

cau-



causis forensibus, aut rectius inquam eius iuris imago etenim tunc vigeant maiores, & plures, quam alias vnquam, lites, rixæ, fraudes, doli, concussiones, illusiones, præuicationes, aliaquæ huiusmodi mala, ob Dæmonum tunc largum imperium, quibus sæuiri in omnes optimo iure datum est, soluti enim erunt ab Inferis, ex quo Regna, & Reges aliud non erunt quam furta, & latrocinia, erit namque pecunia rerum Domina, & cuncta vbique venalia, non enim absque secrete Sybilla exclamat se nolle tum viuere, cum hylara imperitarit, & proinde nisi Angelus eis assisteret nihil ordinis in rebus staret, nec aliquid Iustitiæ genus obseruari verè posset, imò neq; vita vllò modo duci ob solutos tunc Dæmones, diuersis phantasmatibus homines affligentes, ac defatigantes ob ipsorum auctam in eos potestatem, qui tamen iam non degent, vt feræ in nemore, aut in mari pisces, ita vt penitus se ratione præditos obliuiscantur, alijsque benefaciendi natura obnoxios esse, tametsi carnis opera, tunc magis, quam aliàs sectabuntur, & mundus amplius placebit propter plures eius excellentias, quibus summopere, sensus oblectatur, sed quid mirum? regnabit namq; tum omnium, qui sensibus erit maximè addictus malorum caput, perditionis filius, & iniquitatis, errorumquæ magister, his enim epithetis nuncupatur hæc belua, quæ mortalium nemo esse potest, qui plura flagitia patraturus sit, sedebit enim in Dei Templo impudentius tanquam Deus, vbi scelestissimus sit, quinimò ipsummet scelus, nequæ quasi Deum adorari se renuet, ad quod tantum facinus muneribus, atquæ adulationibus, & quod peius est minis, & tormentis perinde adiget, quos sibi reluctari videbit, vt etiam, electi, nisi dies abbreviati fuissent, periclitari dicantur

tur, quem non propterea reterunt omnium commissurum maximum crimen, cum id commissum videatur à Pontificibus, & à Iuda; quandoquidem Christum cognoscendo cruci tradiderunt, nec non & à Lucifero ob eius præstantiorem naturam, nihilominus non est, quod non erit maximus peccator, ubi nihil mali sit quod non committat, vel per se, vel per suos ministros hæc bestia, sic D. Ioannes hominem appellat in Apocalypsi inquit, numerus bestię numerus hominis est sexcentum sexaginta sex Cabalistarum more. Insuper mittuntur Archangeli ad bonum denuntiandū varij, ut eorum varia sunt, ad quæ destinantur officia, talis est, qui Iosepho apparuit in somnis, quem Gabrielem Origenes appellat, cuius nomen Dei fortitudinem sonat, eo quod eius Sacramentum aperuit, qui aereas potestates debellaturus erat, quem etiam mitti aiunt ad euigilantes Ecclesię Pastores, nec non & ad fundatores Collegiorum tam velociter, ut opus est, accurrentem, ut cum ex alatis antiqui pinxerunt, ac etiam qui purgavit Isaie labia, quem ob instantem charitatem Seraphim nominat, non quod ex prima Hierarchia, & ordine fuerit, sed quod effectus est Seraphici Chori particeps, cum illi ad exteriora opera minime destinantur, & si ex privilegio, uti fuit qui missus est B. V. ad tantum mysterium denunciandum, ut pote nihil mirabilius est ex cunctis Dei operibus non nisi à primæ hierarchię Angelo significandum fuit, ut nobis immensum, quo nos Deus, amorem profequutus est, ostenderet ob hanc hypostaticam unionem, in qua ut optimum sese communicavit, ob quam, quod Adam sibi, & nobis perdidit delusus à Lucifero, tandem nos consequeremur hoc Angelo nobilissimo inter nuntio Sanctissima Virgine Dei matre tantam gratiam

humiliter acceptante, qua Satan as vinceretur morte, eius filii à Demone temerè procurata, vbi nihil deberet, d miram Dei sapientiam, Diabolum, qui pulchri specie nostros protoparentes deceperat; decipi re sibi pulchriori apparente, cum intrinsecus turpissima foret, nam quid turpius, quam iustum, & innocentem morti condemnare, ac Deum crucifigere. Creatorem, ac Redemptorem? nec aliquid impedimento est, quod hic Angelus Gabriel appellatus sit, qui ex Archangelis est. Angeli enim ab effectu ad quem destinantur nomina sibi asciscunt, ex quo agitur vt is Angelus, qui Tobiam à cæcitate sanauit, vocatus sit Raphael, quo etiam nomine existit vnus ex septem Ecclesiæ militantibus, quos nonnulli pij viri, suo arbitratu & quadam allusione vti alibi diximus (nam Ecclesiæ non agnoscit nisi nomina trium, qui in primo loco numerantur) hisce nominibus vocarunt, Gabriel, Michael, Raphael, Vriel nec non & Salathiel, Zeadel, atque Barchiel, per quos eam gubernari produnt, qui abdita tractarunt, vt mundum per septem planetas, quos Moyses, qui in gratiæ arcanis sciendis omnes prophetas superauit, clarè subinnuit per septem candelabra ante Dei altare, noctu, diuque ardentia, quorum nomina valent apud nos quantum Dei virtus, potestas, medela, ignis, quies, laus, & benedictio &c. Sed vt ad rem à qua recessi, reuertar, libenti animo dicam Raphaellem connubio coniunxisse Tobiam cum Sara, sed nihil mirandum, cum matrimonio Angelorum medio celebrari satis perspicuum sit ex hoc dicto nostri Saluatoris, quos Deus coniunxit homo non separet, quod etiam patet ex Angelo, qui Eleazarum Abraham seruum, deduxit ad accipiendam Vxorem filiam Domini sui Isaac. Hoc amplius Deus summa,

idem

pro-

providentia iussit, ut diuersi Angeli assisterent diuersis Regnis, Regionibus, Urbibus, Oppidis atque familijs, ex his quos Principatus appellant, uti manifestatur in Genesi, ubi legitur, cum diuideret excelsus gentes, statuit earum terminos secundum numerum Angelorum, atque etiam ex Angelo, qui Persis præerat, præliante cum Angelo Israelis viginti unoquoque diebus, ut alibi adnotauimus tamdiu propter varia, ac diuersa iudicia, quæ in Prouincijs requiruntur, pro meritis, & demeritis, eorumque varijs qualitatum gradibus disquirendis, quos Angeli per se hæud scire possunt, nisi Christum consulant, cui Pater dedit omne iudicium, ex quo in porrigendis precibus, votisque impetrandis mutuo se alter alterum impedire dicuntur, quod ideo tunc agebant, quoniam qui Israelis præerat ei libertatem assequendam magnopere curabat, sed qui erat à Persis, renuebat, non quod alter alteri inuideret, cum omnes Angeli summam, ac perfectam inter se charitatem habeant, sed quod utriq; genti sibi commissæ bonum intendentes, vnus Israelem in Perfide detineri peroptabat, tum ob temporanea bona, tum etiam ob æterna, quæ eorum consuetudine assequi poterant, sperabat enim qui Persas protegebat aliquos ex his proselitos propter Israelis conuersationem euasuros, alter vero, qui pro Israele erat timebat nonnullos Israelitas corrumpi ob Persarum conuersationem, corrumpunt namque bonos mores colloquia praua, erat enim Israel tunc impendio procliuus ad Idolatriam, quoniam nondum venerat Messias in cuius aduentu omnia Idola casura erant, proinde nunquam destitit à prælio, donec perciperent, quid Deus mandabat, qui in propriam regionem Israellem reduci volebat, neque ex hoc certamine quicquam mali

mali patrauerunt, cum quid Deus iniungeret nescirent, neque alter, qui voti compos factus est victo aliquid maius meritum consequutus est, ambo enim populis sibi commissis benefacere quantum poterant ex charitate enitebantur, quin ambo bonos nacti animos aliquid amplius meruerunt, non tamen meritum, quod Theologi essentiale nuncupant, quod statim post eorum confirmationem consequi sunt, sed accidentarium, quod semper consequentur, dum huius sæculi facies durabit, verum omnes ferè inæquale pro inæquali eorum natura, ac charitate, iudicat enim Deus qui est scrutator cordis rem magis ab interiori, quam exteriori actu, quod tamen non statim post factum, consequentur, haud enim mercenarius dignus est ultima mercede, nisi opere perfecto, nec victus trifidatur ob vincentem, cum à Dei iussis non id faceant, imo utrique astant promptiores, & animo stabiliore ad ea exequenda, quamuis quoniam nescij quid Deus iuberet, contrarium velle videbantur, alioqui enim, ne hylum quidem à diuinis placitis recedunt, sicut Beati, quibus certe quod hic nequit iuxta naturam non displicere, ibi non potest non placere, veluti apparet ex beatis parentibus, & damnatis liberis, quorum alij aliorum cruciatu vehementer gaudent ob diuinam Iustitiam, quam in eos exequi vident. Qui planè Principatus licet sint ex vno ordine, nihilominus non omnes equali pollent dignitate, sicut nec Archangeli, nec alij etiam, cum qui Regnis, & Prouincijs præsident ampliori potestate vigeant, quam qui assistunt Urbibus, & Oppidis quinimò, ut præstant regna, & Prouinciæ inter se, ita & Angeli his præsidentes, alij alios nobilitate excellunt, non aliter quam nostri magistratus, ac Rectores, hunc enim mundum sensibilem in-

telle-

relleſtibilis inſtar gubernari dubium non eſt, qui tamē, vt volunt aliqui, non tamdiu in regione perſiſtunt, vt agunt intelligentiæ in Cælis mouendis, cum inæqualia tempora in eorum præfecturis vtique obſeruent, quorum obſeruatiōe Regna eriguntur, vt contemptu deperduntur, non enim diuinæ prouidentię conuenire videtur, vt ipſemet Angelus, qui olim præſidebat Iudæorum ſynagogę, eiſdem præſideat noſtra tempeſtate; quem propterea mutatum eſſe, vt Eccleſiæ aſſiſtere ſecretiores Philoſophi meditantur; veluti minimè conuenit, cum qui primum Græcis aſſiſtebat, nunc aſſiſteret his ſub Turcarum ſeruitute, & ſub eorum ſchiſmate ab Eccleſia, quem iam tunc mutatum conijcere poſſumus; cum hi Eccleſiæ patrocinari, vt moris erat, penitus deſiuerint, quem ad Francos acceſſiſſe nonnullorum ſuſpicio eſt, qui eius authoritatem adeo magnificarunt, vt velint nunquam eos ſub illius tutela à fide proſus deſuturos, vt accepit D. Humbertus, atque adeo vt illius gentis Reges vbi toties fidem iuuerint, & auxerint non modo meruerint, vt Chriſtiſſimi nuncupentur, ſed vt quicunq; pro eis orarent, decem dierum, vt quidam tradunt, Indulgentias conſequerentur, idquē non temerè cum adhuc gentiles Eccleſiæ ſacrificandi libertatem conceſſerint, omnemque Tyrannidem à Gallia, atque ab Italia, quam Barbari introduxerant proprio ſanguine pepulerint, quo factum eſt, vt qui ab onere immunes effecti ſunt, Francos apud nos vocari uſurpatum eſt, à quibus Turcas ad Rhenum debellandos eſſe ijdem ſcribunt, cum humanis viribus debellari minimè apparuerint, imo eoſdem pro fide cum Antichriſto certaturos aſſiſmant, atque hunc Angelum Michaelē exiſtere luſpiciantur, nequē qui præſident Pariſijs,

& Ve-

& Venetijs (quas ab Antichristo, animarum tyranno, immunes referunt, non tamen à postremo, plures enim aiunt futuros Antichristos; hoc est Antechristi antecambulones, qui in sacris literis, & à SS. Patribus nomine Antichristi nuncupantur) coequantur cum his, qui praesident Puteolis, & Hidrunto. Sed omnia haec dicta sunt ab aliquibus potius pie, & probabiliter, quam cum fundamento. Hos autem Angelos mutari probant ex Angeli palaestra cum Iacob, qui eo quod propè auroram esset, instanter quaesivit ab eo, ut dimitteretur, ex his namq; erat, qui contra Doemones excubans iam suas vigilias compleuerat, quos tertiae quaque hora diei, & noctis mutari opinantur Cabbalists, quorum opiniones refero quidem, sed non prorsus probo, nisi eas, quae sacris literis, & nostrae fidei dogmatis non repugnant, ut alibi monuimus &c. Neq; hinc inquirunt, vlla te, benigne Lector, admirandi occasio surripiat, quod tempora in his mutandis obseruentur; cum si eorum custodiae, quae ad tempus praefixae sunt non mutarentur; aut saltem à nostra protectione non desisterent, nunquam, non modo Regna, & Regiones, sed nec rura, nec vllae quidem domus, quinimo nec homines, aliqua insignia detrimenta paterentur, ne dum vltimum damnum, ubi vel nostri capilli numerati sint, ac nostrae vitae termini instituti, quod perspicuum apparet ex Angelorum clamore Hierosolymis in templo percepto, anteaquam eam Titus expugnaret, emigremus hinc, quo audito Iudaei ita animò consternati sunt, ut mox eorum Vrbs diruta sit, quod etiam apparet ex templi porta ferrea, quae noctu spontè patuit, cum eam vix duo robustissimi homines aperire satis erant &c. Idem ex ea voce audita Florentiae nocte intempesta ter, pax, resonante, quae

è vestigio conclusa est cum Gregorio V I I I. Summo Pontifice. A quibus quidem Angelis plerosq; defensos in vrgentissimis discriminibus lectitauimus, vt & à Sanctis, vt claret ex D. Iacobo, qui pro Hispanis in Mauros saepenumero certasse visus est, & ex Sancto Ambrosio, quem Friderico Imperatori mortem minatum, dum Mediolanum depopulari sibi decretum esset, legimus in historijs, atque ex Sancto Felice, quem Nolanos contra Barbaros iuuisse aiunt, hoc actum perhibent, vt nos eos hic agnoscendo defensores nostros penes Deum intercessores veneremur, & imitemur in ceteris, cum nihil sit quod his rogantibus haud consequamur, dummodo expediat, quibus hunc mundum regere datum est, ob eorum excellentiorem naturam, cuique nostro commodo sibi commisso incumbunt, quod nisi agant, propria flagitia grandiora, quam vt veniam mereant, in causa sunt, vt alias narratum est, siquidem ob scelera crebro nos Angeli protegere desistunt, regnant enim aduersa propter peccata populi, quæ interdum adeo enormia sunt, vt ad Dominum Cæli clamitare dicantur, quorum propterea ablato tutamine ita Barbarorum manibus traduntur, vt non Regna, sed heu miserum, aperta latrocinia dixeris, viuunt namque ferarum more sine Iustitia, quæ Regnorum vita est, & sine lege, nihilq; ab auro tutum, eorumque habitatoribus, non vt clientibus, sed vt seruis, quinimo vti locandis iumentis, prodigè abutuntur, quod perspicuè Elaias ostendit inquires auferam sepem, Angelorum scilicet custodiam, & erit in conculcationem gentium &c. Ad hæc addunt, qui abstrusa tractarunt more quidem suo rantum probabiliter, non certò loquentes, haud quicquam nobis euenire in cuius successum potiorem partem non obtineat Angelus, qui illi arti, vel officio pra-

pra-



præsides; unde Alexander suscepit in somno remedium ab Angelo militiæ præsidente; quo milites in Gedrosia à colubris morbi conualescerent; & Rogerius Normandorum Dux cuiusdam Sergij prodicionem; ac Galenus etiam Angelo ut credibile est propriæ arti assistente intellexit; ut venam cuidam ægrotò incideret, quo facto convaluit, propter cuius assistentiam referunt Medicos sepe numero ita fortunatos esse in ægrotorum acquirenda valetudine, eorumquæ prædicendis prognosticis; ut vel propria præsentia; nedum medelis, bene habeant; & proinde ritè consulunt; utendum fortunatis Medicis, potius quam doctis. quoniam felices successus pro ægrotis; & non eruditi discursus inquiruntur &c. Verum, ut oratio ad propriam, à quâ recessit, metam reuertatur, addam non inuitus, quod nisi Angeli in tutela desistant, numquam succumbere hostibus nec Reges, nec Magnates, nec etiam particulares homines, non enim sine mysterio respondit ipsa veritas Pilato, nihil in se potestatis habere; nisi datum esset desuper, & Apostolis cum Hierosolymam ire dehortantibus, nonne duodecim horæ sunt diei; quasi iam non esset præfixum tempus, quod Iudæorum animis respondeat, sed aduenturum, Angelorum scilicet terrificantium, & malorum spirituum aduentu inquirunt de more suo secretiores Sapientes, cessantibus pijs, quo hi qui erant propria spontè animis ad malum proni, tum facti proniores fierent voti compotes; tanta cecitate percussi; ut videntes non viderent, & audientes non intelligerent; quod sic esse clare ostenditur, vel ex Angelis in Urbium expugnationibus apparentibus, de quibus referam de Persici Imperij ruina à Daniele sub hirci cum arietè præstantis imagine, quod aliud non

innuit quam Angelorū protectione ammissa omnia  
 pessum ruere; & quod perspicue patuit ex pluribus  
 armatis equitibus per quadraginta dies continuè ap-  
 parentibus in aëre supra Hierusalem; & secum cer-  
 tantibus Antiocho Ephiphane Rege; & quod ex igneo  
 etiam gladio viso supra eandem per vnum continuum  
 annum præter cometæ naturam; qui trimestre spa-  
 tium non excedit; eius enim excidium à peccato; &  
 non à Cœlo extare subinhiit; luit namque penas pro-  
 pter Dei mortem; verbum enim Regis dilacerat. (in-  
 quit D. Thomas) & non papyrus; qui chartam dila-  
 cerat; & D. Hieronymus; verbum ligat; qui Chri-  
 stum ligat; quod etiam præmonstratum; scribunt in  
 Bizantijs obsidione à Mahumethe secundo Turcarum  
 Tyrāno per quemdam fulgorem diū in aëre apparen-  
 tem; qui eius ruinam ostendit; ac etiam Rhodi per  
 Equitem visum supra eius moenia non amplius; quam  
 semel; hoc enim ostento Turcæ ad tantam spem Vr-  
 bis expugnandæ peruenērunt; vt tandem eam expu-  
 gnati sit; per tantum namque prodigium Angelum  
 Rhodijs præsentem ab eis protegendis desistere pro  
 comperto habuerunt; non enim eps fugit Vrbes; &  
 regiones; sub Angelorum protectione esse; student  
 namque Turcæ veteri Testamento; per hæc enim  
 coniecerunt raro ruinas; & excidia non demonstrari  
 ante hostium obsidionem apparentia; vt obsessorum li-  
 bertatem per Sanctorum apparitiones; quemadmo-  
 dum factum scribunt per D. Iacobum Alphonso Con-  
 gi Principi dum certaret contra Pansum Idolatram;  
 hæc omnia acta sunt ab Angelis; seu Sanctis sub corpo-  
 reo habitu; quo nos certò sciamus; semper eos præ-  
 sto esse in nostris necessitatibus; dummodò expediat;  
 Præterea eosdem Angelos adesse ferunt; ne Demo-

nēs, quanta volant; mala nobis inferant; potissimum  
vbi diuina ira saeuit, vt apparet ritè considerantibus  
ex lue quæ Heluētios aggressa est, vbi plerique ex  
accolis desiderati sunt, & ex alienigenis nemo, cum  
plurimi apud eos versarentur, idem etiam eorum me-  
dio potius quam Dæmonum opera actum in Liuania  
coniectura consequi possumus propter Luteranorum  
hæresim, cum maior eorum pars iam resipuerit per  
Stephanum Sarmatiae Regem eius, subditorumque  
sumptibus, & sanguinesita & mare piscibus, alias fe-  
ræissimum; & Terræ prius cunctis, abundantiores  
steriles factæ erant, vt vix Incolæ vitam ducerent,  
atque hoc ob religionis mutationem, & proinde non  
ab re Propheta inquit, mutat fructiferam Terram in,  
salsuginem malitia inhabitantium in ea, propetiores  
influxus prohibendo eorum Angelorum medio, qui  
prepositi sunt famis, pestis & bello, per quæ Deus pec-  
catores secundum eius Iustitiam castigat, vnde famem  
vocando super Terram, Angelū ipsi præsentem He-  
braeorū more vocat Ohpanim, qui non causam, cū deli-  
tescat, sed sepe effectum apparentem vocant, per quos  
etiam Elias Coelum, nē plueret, triennium clausit,  
atque hos bona Regnis, quibus præsentat, procurare  
certum est, sed infidelium temporanea, non tamen pro  
his Patrem vident, vt æterna orent, & faciunt pro fi-  
delibus, & paruulis, qui sine peccato sunt, vt ipsa ve-  
ritas attestatur, dicens Angeli eorum semper vident  
faciem Patris mei, atque tum potissimum cum publi-  
ca sum, vt factum est Sarmatis, in eorum Idolatria  
dum Piasum in Regem elegerunt, per duos Iuuenes  
habitu peregrino, quos Angelos esse, nihil dubij est,  
tum quod cum his minime discernuerint diu requisiti,  
vt crebro fecerunt cum Patriarchis, tum etiam, quod  
verè Deus est, qui mutat, & instituit Regna, & non

Iupiter, non Mars, non Apollo &c. Quod etiam clarum est in veteri Testamento ex manu scribentis visa in pariete Balthasari Caldæorum Regi. Ad hæc eorum medio signa fieri in fidei exercitium perspicuum est, ex linteo diuersis animalibus pleno Diuo Petro ostenso, atque etiam ex tot alijs Prophetarum visionibus, quorum etiam interuentu, & hunc mundum comburi nouissimis diebus, sicut claret ex Apocalypsi; & quartus Angelus effudit phialam in Solem, & datum est illi æstu affligere homines, non enim Deus purgabit tantam machinam ab Adam, nostroque scelerè sine eorū opera; altiori nāq; causa opus est, vt huius Mundi figura deleatur, elementa comburenda sint, & damnati per Dæmones in gehennam ignis intrudendi, qui paratus est Diabolo, & Angelis eius à constitutione Mundi. Crux etiam apparebit ob maiorem damnatorum cruciatum, ac Beatorum vehementiorem lætitiā, quæ vel statim post peccatum eorum ministerio nostra salus obumbrata est per Agni pellem, & sub lege apertius per Thau figurata, & demum per eius imaginem rectè ostensa &c. Atque de Angelis hætenus in hoc libello, vt potuimus, vbi siquid boni benigne Lector excerpis, Deum laudat, utique silentio ineffabili prædicandum, à quo omne bonum, ac donum perfectum, cui honor, & gloria in æternum; sin autem, difficili materiæ, rudique, & hebeti meo, vt ascribas ingenio, summopere Te orarum velim, egimus enim quod potuimus, & nobis desuper datum est pro nostri ingenij imbecillitate, in quo nos ipsos Ecclesiæ Catholicæ, & Romanæ utiq; submittimus, à qua ne latum quidem vnguem, nec opere, vel verbo recedere intendimus, & iugiter protestamur. Vale, & gaude in Deum Opt. Maximum.

FINIS TERTII ET VLTIMI LIBRI.

5. Ianuarij 1607.





